

KUPATULULWA KWA MULIMU

 Halu yemeñi ona cwalo fa nako nyana hanze lu inamisa litoho za luna kwa tapelo.

² Mulena luna ya Musa, kaniti lu itumezi hahulu kwa litohonolo le lu nani la ku kopana hamoho fa lifasi ku sikaba kale Kutaha kwa Mulena. Mi lu tatabe lipilu za luna kacenu, ka Linzwi la Hao, mi lubone haiba lu inzi mwa Tumelo, kuli lukone ku itukisa, bakeñisa, hola ya Kubonahala kwa Hae. Kuli lube sina Mañolo mwa bulelela kuli lube, “Lu shimbiwe hamoho, hamoho ni bani baba lobesi, ni ku katanyeza Mulena mwa mybyumbyulu, mi kuyakuile lube ni Yena.”

³ Lu itumela ku Wena ka Moya wa niti wa Bukreste o sa liteni ni cwale mwa lifasi, mwahala sicaba, kuli ba sa lumela ku Wena ni mwa Linzwi la Hao. Kacwalo lu kupa limbuyoti za Hao fahalimwa luna kacenu, kuli U lu sululela ku mañi ni mañi wa luna zona lika ze lu tokwa, kuli lukone ku selaelwa ka Linzwi, kuli lukone kuhula mwa kuba liitusiso mwa mazoho a Hao, za lizazi la mafelelezo le. Kakuli lu kupa ze ka Libizo la Mulena Jesu Kreste, yena Mulisana wa luna yomutuna, yena yo lu libelezi kuli a bonahale. Amen.

Mwakona kuina.

⁴ Mi Ni bata kubulela kuli Ni talima taba ye kuba litohonolo lelituna kakusasana cwana ka kuba mo hape. Mi mu lu swalele kuli haluna sibaka se situna mwa kuina. Mi lu ka lika, busihu bo, cwale kuli lube ni litapelo za bakuli; kacenu, kakusasana cwana, ku kaba tata nyana.

⁵ Mi—mi Neni ka tepiña Liñusa le kacenu. Ni...Mulena na bonahala ku beleka nina kuya ka zona, oh, kweli kwa mulaho kamba zepeli, mi ki ye telele. Mi ha Ni bangi ni nako kwande mwa mikopano, kakuli lu lumelezangi zeo mwa mizuzu ye mashumi amalalu, mizuzu ye mashumi amane mwa sebelezo. Mi kipeto lu...Bakeñisa batu babana ni kuya kwa misebezi ni lika zeñwi, Ni fumaní kuli ki hande haiba Ni kusufaza Mañusa aka. Mi neba sina nako kwani kuli ba a rekode, kacwalo Ni hupuzi fela kuli Ni libelele kufitela Ni kena mwa tabernakelé mo mi kipeto ba a rekodelé kwanu. Mi ki le litelele nyana, mi Ni ziba kuli mu yemi, mi Ni—Ni ka akufa kapili fela mo Ni konela. Mi, cwale, hamuna ku ni bilaeza haiba muka cincana lipula, kamba lika kaufela, zeo lika—zeo lika ba fela hande kuna kakuli le ki lizazi lelinde leluna ni ku rekoda lika ze.

⁶ Mi kacwalo lwa ba ni lipiho zende hahulu kuzwa ku za na lufile Mulena mwa simu, kono luka ba ni zeñata za teni busihu bo haiba lukona kuba ni nako yeñata ku zona, lube ni nako ka buñata ya kufa.

⁷ Mi cwale lu sepa kuli Mulena uka lu fuyola mañi ni mañi wa mina. Ni ziba kuli lipilu za mina litezi tabo, bakeñisa ku libelela Kutaha kwa Mulena. Mi ni yaka hamoho, ya tulaka, kwa lika zani ka mo li inezi. Ni—ni ndwa ya na ha, mi ni keleke ka buino bo ili ku bona, ni kubona lisupo za Kutaha kwa Hae, sibeli sa lika za nama ni za moyo, ni ka kuziba kuli nako ye Kubonahala kwa Hae se ku sutelezi hahulu fakaufi, zeo li taza fela lipilu za luna ka tabo ka kuziba kuli luka cinciwla leliñwi la mazazi aa. Luka cinciwla kuzwa mwa libupiwa zeo luli zona.

⁸ Cwale, Na lumela, haiba Ni utwisisa, bana ni muhala wa luwaile o tamilwe kokuñwi, kuli Liñusa le li ye kwa Phoenix ni kwa—ni kwa libaka ze shutana, ka luwaile. Mi kacwalo cwale lu sepa kuli haiba ku cwalo... Hani zibi; bani bulelezi fela cwalo hane ni kena mwahali. Mi—mi sicaba kaufela kwande kwani basweli ba ikola buiketo bwa mibili hande mi—mi Kanya ya Mulena i fahalimu a bona.

⁹ Mi cwale—cwale lu ka apula Linzwi la Mulena. Mi se lubdzi teñi mo kaufela ki kuli lu ikole ni ku teezeza ku seo... Ha—halu tahangi kwanu mi lu... Hakuna ya liteni ya ziba kuli mutu kaufela wakona kuina mo kucisa cwana, ni ka mulelo fela wa kuba mo. Luteni mo bakeñisa mulelo ulimuñwi, mi sani ki, “muzamao wa fa bukaufi ni Mulimu.” Zani kona ze lukona fela kueza, ki kulumela Mulena Jesu kuli una ni luna. Mi luteni mo kuli—kuli lu zamaye bukaufi ni Yena.

¹⁰ Cwale kucisa kwa ki nto yetata nyana kuna. Ni banga ya twaezi kwa kucisa kwani mwa Tucson, ili nto ya kuli... Mukamo kwanu cwale; mufutumala wa luna kafani u cisa hahulu kufita wo, kono ku omile. Mufutumala wa luna fokuñwi ki mapesenti a likana mashumi amabeli, mwendi, kamba nto yeñwi ye cwalo, ki nto yeswana fela sina kupila mwatasa tende ya okisijini. Kono kwanu kuna ni—ni—ni mukamo o bata mwateni, mi u mi eza kuikutwa “kuba ya hamulehile cwalo,” sina mo ne lu li bizezanga. Kona kuli kutata ku mina, kacwalo Na ziba cwalo, ni mina ba hame ni limbututu zenyinyani ni mina sicaba baba yemi, ba bahulu ni banana, ni ku beiwa hamoho mo mu inezi. Mi cwale lu—lu sepa kuli Mulimu uka mi kutiseza ka kutala luli kwa kuipa kwa mina.

¹¹ Ni utwisisa kuli Muzwale Roy Borders uteni mo kokuñwi. Ni mu utwile ha zibahaliswa, kono Ni sepa kuli mwendi u palezwi kukena mwahali. Ku lukile. Yani ki yena muina sipula wa mikopano.

¹² Kacwalo he lu tabela ku zibahalisa kuli alimuñwi yana banga ni luna u ilo ba ni Mulena kakusasana cwana, ki muuna, Muzwale Jackson ya zwa kwa Sturgis, Michigan. Hakuna ya ziba mwa yezi kamba zeñwi ka zona. Na li fela ya i ketile, mi fela ki ha... Ni sepa ba mu fumaní fela inge a shwile, kamba nto yeñwi. Hani—Hani si ka amuhela butungi bwa taba. Mi lu

itumela hahulu ku Mulimu kuli Muzwale Jackson neli Mukreste. Ha ni si ka mubona fa lilimo nyana, kono na pila mwahala luna mi ki alimuñwi wa luna. Mulimu a pumulise moyo wa hae o bundume! Haile cwalo, lu lumela kuli ikona kuba kuli neli nto yeñwi, kuli neli nako ya kuli a zamaye. Mulena na si ka lu lemuha ka zona, kamba yena ka zona, u ile fela. Yani neli nzila yateni mone ibezi. Mi Ni bata kubiza musala hae kapili mo Ni konela, ni ku mu bulelela maswabi a luna. Mi kaufela luna lu bata kufa buitumelo ku Mulimu ka bupilo bwa ndume wa Mukreste yani, ni sa na talusa fa lifasi le, mi sihulu ku luna mwa puteho yona ye.

¹³ Cwale busihu bo, Ni zibahalisize kuli ku kaba litapelo za bakuli busihu bo, mi Ni ka bulela hahulu ka za bakuli busihu bo.

¹⁴ Kono ka nako ye, halu keneñi kapili mwa Linzwi cwale, kakuli kutezi mi kwa cisa. Luka kena kulibana ni Linzwi. Ni bata kubala mwa libaka zepeli za Mañolo kakusasana cwana, ki a matelele, kuli inife makalelo a se Ni bata kubulela.

¹⁵ Mi, cwale, Ni bata kuli ba swale tepu pili, Muzwale Sothmann ni babañwi, basika i lekisa kale, haiba ku konahala, mi Ni—Ni ka tabela ku i teeleza lu sikaba kale... isika ya kale kwa sicaba.

¹⁶ Cwale mwa... Ni bata kubala mwa Mafilipi, kauhanyo ya 2, 1 kuya fa 8; ni Makorinte Babubeli 3, ku kalela fa 6, ni kubala kukena mwa kauhanyo ya 4 ya Makorinte Babubeli, ka kukala fela. Cwale mwa Mafilipi, kauhanyo ya 2, Ni ka bala pili.

Lusika bala kale, halu lapeleni.

¹⁷ Mulena Jesu, Linzwi la Hao kona Niti. Mi mwa hola ye kataza ye lupila ku yona ye, naha i lwanisana ni naha yeñwi, matuku, lizikinyeho za lifasi mwa libaka zeñata, lipilu za batu za ikalelwa, ka sabo, lu bona muñolo u fa limota. Cwale, zeo li mwa buino bwa za nama, kuli lifasi kaufela li lukela kubona cwalo. Kono cwale kuna ni kalulo ya moyo, hape, mi lubona likezahalo zetuna, mi lu bata kubulela ka zona kacenu.

¹⁸ Fuyola Linzwi la Hao kwa lipilu zaluna. Lu ziba kuli hakuna mutu mwa Lihalimu kamba mwa lifasi ya swanela kunga Buka ye, kuli a tamulule Maswayo, kamba kutilima ku Yona, mane. Kono ne kuna ni Alimuñwi yana bonahalile, Ngunnyana ye tabilwe, inze lota mali, yene ti lo nga Buka, mi ne i lukela ni ku swanela ku I kwalula. O Ngunnyana ya Mulimu, kwalula Linzwi la Hao kwa lipilu za luna kacenu, ku lu ombo ombo. Lu batanga ba Hao. U lu swalele libi za luna, Mulena. Ni sika kaufela se si ka beya Linzwi kwa ku sa zwelapili ka mata amatuna ni susumezo kacenu mwa bupilo bwa luna, u si zuse ku luna, Mulena, kaufela se si lu tibela, kuli lukone kuba ni muzamao o kwanile wa kukena mwa limbuyoti kaufela ze sepisizwe ku luna mwa Linzwi la Hao. Lwa kupya Libizo la Jesu. Amen.

¹⁹ Mafilipi 2:

Cwale haiba kuna ni ze tiisa pilu ku Kreste, hakuna ni ze toba pilu mwa lilato, hakuna ni kopano ya Moya, hakuna ni makeke ni ku u twelana butuku,

Mu petahalise tabo yaka, kuli mube ni muhupulo ulimuñwi, ni lilato li liliñwi, ni kutwano iliñwi, ni—ni muhupulo ulimuñwi.

Musike mwa eza sesiñwi ka kañi kamba ka buipabazo bwa fela; kono ka buikokobezo mañi ni mañi a hupule kuli babañwi ba mu fita.

Mutu mañi kamba mañi asike a tokomela za hae fela, kono mutu kaufela a talime ni za babañwi.

Mube ni maikuto ana liteni hape, ni ku Kreste Jesu:

Niha, nana ni sibupeho sa Mulimu, hasika hupula kuli ku likana ni Mulimu ki nto ya ka hanelela:

Kono a itoboha ku sana li sona, ni ku ikungela sibupeho sa mutanga, mi aezwa ka kuswana ni batu:

Mi a fumanwi ali sina mutu, a ikokobeza ili yena, mi a ipeya ku utwa kuisa lifu, mane lifu la sisapahano.

²⁰ Cwale haiba lukona ku apula cwale mwa Makorinte Babubeli, kauhanyo ya 3, luka kalela ka timana ya 6, ni kubala kuisa fa 18, ni kukena nyana mwa kalulo ya kauhanyo ya 4.

Ki yena yalu ezize kuba ba buleli ba testamente yenca; isiñi ba liñolo, kono ba moyo: kakuli liñolo la bulaya, kono moyo u fa bupilo.

Kono haiba sebelezo ya lifu, ye ñozwi ni ku cakulwa fa macwe, neina ni kanya, kuli bana ba Isilaele neba palelwa kubona sifateho sa Mushe bakeñisa kanya ya sifateho sa hae; ili kanya yene na ni kufela:

Kana hanili sebelezo ya moya ikaba ni kanya hahulu kufita?

Kakuli haiba sebelezo ya katulo iba ye kanya, konakuli kanti sebelezo ya kuluka ina ni kanya yetuna hahulu ni kufita.

Ku cwalo sene sina ni kanya pili si bonahala kutokwa kanya ha si bapiswa ni kanya yeo, ili kanya ye fita hahulu.

Kakuli sene sina ni kufela ha si tile ka kanya, hahulu se si safeli...sikaba ni kanya yetuna kufita.

Mi kabakala kuli luna ni sepo ye cwalo, lu bulela hahulu...ka mata, lu itusisa mushobo o utwahala hande.

Mi ha luezi sina Mushe, yana ipeile lisila fa pata, kuli bana ba Isilaele basike ba talimisisa mafelelezo a nto yene fela:

Kono ba tatafalile mwa maikuto a bona: kakuli kufita ni kacenu le ha ku bala litaba za testamente ya kale kapai kao ka sa inzi fateni; ili kapai kakafezwa ki Kreste.

Kono ni kacenu, ha ku balwa litaba za Mushe, kapai kao ka sa apesize lipilu za bona.

Kono nako ye baka sikuluhela ku Mulena, kapai kaka zwiswa.

Cwale Mulena ki Moya: mi ko ku inzi Moya wa Mulena...ku inzi tukuluho.

Cwale luna kaufela, baba talima nge mwa siiponi kanya ya Mulena, ka meto a sina kapai lufetuha kuba siswaniso silisiñwi ni yena kuzwa kwa kanya kuya kwa kanya, mane ka Moya wa Mulena.

Ki fohe ka kubona kuli luna ni sebelezo ye, sina ha lu amuhezi sishemo, ha lu fokoli;

Kono lu tuhezi linto ze patwa ili ze swabisa, mi halu zamayi ka mano a maswe ha lu zwakanyi linzwi la Mulimu; kono ka ku bonahaza niti luipaka hande kwa lizwalo la mutu ni mutu fapila Mulimu.

Kono haiba evangeli ya luna i kwahezwi, i kwahalezwi ba bashwa:

²¹ Mi Mulena akeze limbuyoti za Hae kwa palo ya Linzwi la Hae!

²² Cwale, tuto yaka kakusasana cwana, Ni sepa kuli Mulimu uka patulula se. Mi ka nako kaufela, haiba mina baba shimbanga matepu ni ku a teezeza, mi Ni lumela ni ku sepa kuli—kuli mubile ni kutwisiso ya seo Mulimu a bile alika kutisa kwa Keleke kusina ku si bulela. Mwabona? Ki yona taba, fokuñwi, luna ni kubulela lika mwa mukwa wa kuli li utwahale butuku, likona kueza kuli babañwi ba ye kwande, babañwi ba ñale, mi babañwi ba—ba—ba nahane fateni. Kono zeo li ezahalanga ka mulelo. Lina ni ku ezahala ka yona nzila yeo.

²³ Konakuli ikona kuba kuli babañwi bakona kubulela kuli, “Utalusa kuli Mulimu wakona kueza nto ye cwalo ka mulelo?” Luli na ezize. Uka eza hape.

²⁴ Na bulezi zazi leliñwi, fani ha Na nani ba baeza likiti kitin ni Yena, Hana ize, “Kwanda kuli muce Nama ya Mwana Mulimu, kamba Mwana mutu, ni kunwa Mali a Hae, hamuna Bupilo ku mina.”

²⁵ Ki mubulelelo o cwani o munahana kuli dokota wa milyani kamba nasi, kamba mutu ufi kaufela ya bunangu yana ka nahaniseza ka mubulelelo o cwalo wani, ka Muuna yana nani bulumiwa bo bu cwalo sina Yena? Kupalañi, na ka bulela kuli, “Kuca nama? Bwani ki bubulai! Kuli lunwe mali? Ki muca batu!

Mwa manzwi amañwi, Ubata kuli lube ba bulai bo muca batu nji.” Mi sikhwata kaufela sa Mu si ya kuikela.

²⁶ Mi neku nani kakwata ka bakutazi hamoho ni Yena, baba mashumi asupa, bene ba ketilwe. Mi A sikuluhela ku bona, mi ki Hali, “Ki sikamañi se mu ka nahana hamuka bona Mwana mutu ha kambamela kwa halimu kwa Na zwile?” Cwale, Na si ka tatulula zeo. Na si ka tatulula *mone* ku kabela; Paulusi ki yena yana tilo eza zani kasamulaho. Na Li bulezi fela. Mwabona? Mi cwale hane kuli cwalo, A bulela kuli, “Ki sikamañi se mu ka bulela,” kwa bakutazi baa, “hamuka bona Mwana mutu ha kambamela kwa lihalimu kwa Na zwile?”

²⁷ Hakuna ku kakanya ka ze ne ba bulezi baana bani kuli, “Cwale, fa nako nyana fela. Oh, lu canga ni Yena. Lu yambanga ni Yena. Lu lobala ni Yena. Lwa—lwa ziba kwa Na pepezwi. Lu boni sicelo kwa Na—Na lobezi. Mi kana Muuna yo . . . Ye ki pulelo yetata.”

²⁸ Mi Bibele ibulezi kuli, “Neba si ka zamaya ni Yena ni kamuta.” Ba Mu siya.

²⁹ Mi A siyala ni baba lishumi ka bababeli. Na ketile baba lishumi ka babeli, mi alimuñwi wa bona neli diabulosi, A bulela kuli. Kacwalo A sikuluhela ku bona.

Mi hakuna mutu yana kona kutalusa sa Na bulezi. “Kana ba ka ca ewani Nama ya Hae ni kunwa Mali a Hae? Mi cwale Na tile cwanifafasi, mi ha Na pepilwe mwa lifasi mo?” Mwabona? Neba sa Li utwisisi.

Mi cwale ki Ha sikuluhela kwa ba apositola, mi ki Hali, “Kana ni mina mwa bata kuya?”

³⁰ Mi fani kona fana bulelezi Muapositola Pitrosi kuli, “Mulena, lu kaya ku mañi?” Mwabona? “Kakuli lwa kolwa. Lu ziba kaniti kuli Wena, mi ki Wena unosi fela, ya nani Linzwi la Bupilo la hola ye.” Mwabona? “Mi lwa ikolwisia ka zeo.” Mwabona, ne ba si ka Li tatulula. Bona . . .

Hamukoni ku tatulula tumelo. Ki nto ye mu i zibela, mi ki nto ye tiile luli kuli hakuna se si kona kunga sibaka sa yona.

Kabakaleo, ne ba zibile kuli Linzwi lene li natilwe la lusika lwani lone ba pila ku lona, ili lusika lwa Mesia, kuli Na swanela mwa sibaka sani hande. Mi ki sikamañi sene ba ezize fa kukena mwa silami sani, likeleke za sihali hali mone ba zwile? Bali, “Lu kaya kai?” Mwabona? “Lu ikolwisia kuli Una ni Linzwi la Bupilo.” Mwabona? Mi ba—ba palelwa ku Li toloka, kono neba Li lumela. Mwabona?

³¹ Mi Jesu na bulezi cwalo kuli a kumule sicaba sa Hae, mwabona, kufitela Ha beya sikhwata hamoho. Mi kuzwa mwa sicaba sani kaufela, bona, konji baba lishumi ka alimuñwi fela kona bene ba utwisisa Yo nali Yena luli. Ne ba ziba kuli Na li yena Mulimu, mi ili Mulimu fela anosi. Cwale, haili . . .

³² Tuto yaka kakusasana cwana ki kupatulula, kamba, ku apula yena Mulimu yani.

³³ Mulimu kamita, mwa lufi lusika kaufela, ubile aipata kwa mulaho wa lisila, masika kaufela, kono Ubile Mulimu ka linako kaufela. Mwabona? Kono Ubile aipata Iliyena kwa lifasi, ni ku i patulula Iliyena kwa Baketwa ba Hae, inge ba apositola ba lizazi lani. Cwale, yani neli Mulimu ya na bulela ku Kreste.

³⁴ Cwale, mutu kamita ubile cwalo, ki mo u bezi mukwa wa mutu, u batile kubona (ka nama) Mulimu yani. Yena kamita ubile atabela ku Li bona. Mutu u pangile libupiwa zeñwi ze bonahala sina Yena. Ba hupula ka za... Ma Indian neba lapela lizazi. Mi—mi lu fumana kuli, mwa Africa, ki mifuta ye shutana ya lifolofolo, ni zeñwi cwalo. Mi ku pahama... likota za mwa Alaska, ni—ni libaka ze shutana zeo ba hupula kuli Mulimu yo u mwateni. Sina Paulusi hana bulezi kwani kwa Atene ka nako yani, fa lilundu la Mars, ni kuba bulelela kuli neba sweli ku akaleza buino bwa Mulimu, kuli, neba ziba kuli Naliteni kono ne ba sa Mu zibi.

³⁵ Mi kacwalo lu fumana mane kwa mulaho kafoo ku Jobo. Jobo na zibile kuli ne kuna ni Mulimu. Na zibile cwalo. Mi hakuna nihaiba mu—mu—mu mutu, ya i ketile hande mwa munahano wa hae, kono kaufela uka ziba kuli ku lukela kuba Sesiñwi kokuñwi. Mi, cwale, Jobo abata kubulela ku Yena.

Mi Ni bata kuli mulemuhe mukwa wa na ketile Mulimu kubulela ku Jobo ka ona. Mulimu na ipatile ha Na bulela ni Jobo. Na ipatile mwa kakundukundu, ataha mwa kakundukundu. Kikuli mwa lumela kuli Mulimu u sa tahanga kwa kakundukundu sina inge mubona? [Kopano ili, "Amen."—Mu.]

³⁶ Kuna ni babañata baba inzi mo, ki buñata nyana, bene bali ni luna zazi leliñwi fani Ha taha mwa kakundukundu. A lu bulelela lizazi la maloba, Muzwale Banks Wood ni babañwi, fani ha Naize, "Nopa licwe le, li yumbele mwa mbyumbiyulu, mi uli, 'KISONA SA BULELA MULENA! Uka si bona ona fa kapili.'" Mi Na nopa licwe, fani fa halimu a lilundu, na li yumbela mwa halimu, mi...eeni, la tahafafasi, la shangumuna kakundukundu, mwabona, siemba sa teni.

³⁷ Muna ni kueza sika kuli sesiñwi si latelele mwa mulaho wa sona. Jesu na ngile siemba sa sinkwa ni ku si loba, mi kona a ekeza kueza zeñata kwa sinkwa sani. Na ngile mezi, a asela mwa ndondo. Elia na ngile lizwai, ali sela mwa silibelo; a lema kakota, ni ku ka nepela fa mezi. Ki nto yeñwi ya kupakisa sika.

Mi na nopa licwe le ni ku li yumbela mwa halimu, mi ha li natafafasi la tisa kakundukundu.

³⁸ Ka zazi leli tatama, kiñi, ne kuna ni mukutazi yana inzi ni luna mwa musipili wa kuzuma. Na yemi fa kaufi, mi ki hali kuna,

“Kana Mulena wafanga lipono ze swana sina cwana, Muzwale Branham?”

³⁹ Se nili, “Eeni, kono Na ni tahanga kwanu ku to i katulusa kamita.” Mi ona fani fela pono ya taha.

⁴⁰ Mi Muzwale Borders, Ni sepa uinzi fande cwale, nali teni fakaufi. Muzwale Banks Wood, Na sepa, mi, oh, babañwi cwalo neba liteni kulo kwani, baba ketalizoho ka babalalu kamba lishumi. Mi Muzwale Banks Wood na sweli ku libelela zeo. Ona fa lilundu fani, kwa neku la kwa buse fela, ona cwalo, mwendi neli fela licika la maili kone ku bonahalezi Mangeloi asupa, one Ni zwezi kwanu kuyela kwani, ana kutile ku to bulela za... Maswayo Asupa. Neli fela mwendi licika la maili kuzwa fani.

⁴¹ Mi cwale ka zazi leli tatama, fani zeo hane lisweli ku ezahala, kupalañi, ne... Ni to bulelela muzwale, yena muzwale yo, Se nili, “Butata bwa hao ki bufi, una ni butuku mwa liito la hao. Madokota ba likile fa lilimo zepeli ku bu tuhelisa mi ba palezwi. Ba bulela kuli ukaba ni...bu ka ca liito la hao kaufela.” Mi se Nili, “Kono usike wa bilaela, yena Mulena Jesu u lemuhile tumelo ya hao.” Mi awisa fela tobolo ya hae. Mi se Nili, “Bo maho,” ona cwalo fela mone ba inezi ni sene si fosahalile ku bona.

Mi ki hali, “Yeo kona niti.”

⁴² Muzwale Roy Roberson yazwa kwa keleke ye kwanu, nali teni inza yemi, Na sepa mina kaufela mwa mu ziba. Ka kuziba kuli nali wa kale mo, mi na ziba zene ka ezahala, Na beya lizoho laka fa liheta la hae; Se nili, “Muzwale Roberson, u tokomele, mamela, kuna ni se si bata ku ezahala.”

⁴³ Na kutela fone Ni lukela kuyema, mi kuzwa mwa halimu kwa taha kakundukundu, ka shetumukela mwa libala, kuzwa kwa halimu, neli kaka buhali hahulu mane ka pazaula ni macwe, mainci a ketalizoho ka amalalu kamba lishumi fahali, kuzwa fahalimu a lilundu, ni ku a nepela fahule ku likana ni libima ze mianda yemibeli. Ni kukambelela halalu cwalo, mi Linzwi la zwa mwani. Mwabona?

⁴⁴ Mi kaufela bona neba yemi fani. Muzwale Banks, uteni cwale, ataha mi ali, “Sani kona sono ni bulezezi maabani nji?”

Se nili, “Eeni, sha, ki sona.”

Yena ali, “Cwale, Ne si bulezi sikamañi?”

⁴⁵ Se nili, “Cwale, zeo ki za kuziba fela na, Muzwale Banks, mwabona, kakuli neli... Neli ka mbemusa sicaba.”

⁴⁶ Kono Sa zwelapili, kwa ezahala hanyinyani fela... kuya kwa neku la mutulo. Hanyinyani, mazazi a likani kasamulaho Sa wela mwa liwate, mi muboni se si ezahalile bukaufi ni Fairbanks. Neli sisupo sa katulo. Cwale lu fumana kuli—kuli Mulimu u sa... Mwa bona, likona kubeya batu mwa makateñi. Mi kacwalo neli nani... Zani ne lina ni ku ezahala, mwabona. Zeo lina ku

ezahala fela. Lika ze lukela ku ezahala lina ni ku ezahala, ni hakuli cwalo. Mwabona, lika ezahala, ni hakuli cwalo.

⁴⁷ Mushe nako yeñwi na bata kubona Mulimu, mi Mulimu a mubulelela kuli a yeme fa licwe. Mi, fa licwe, Mushe ayema mi abona Mulimu ha nza fita, mi mukokoto wa Hae no bonahala inge mukokoto wa muuna. Mulimu nali mwa kakundukundu, mi Mulimu . . . foo Mushe hana sa yemi fa licwe.

⁴⁸ Na sepa kaufela mina ne mu si boni siswaniso kwani zazi leliñwi, lwa yema kватуко ni licwe leli swana lani. Mi ki le Liseli lani, ni Lingeloi la Mulena, ona fani fo ne Li kambelezi. Inge liyemi . . . Zeo liteni fa limati la makande cwale, hape.

⁴⁹ Mulemuhe, Jehova wa Testamente ya Kale ki yena Jesu wa Testamente Yenca. Mwabona? Ki yena Mulimu ya swana, u cincanga fela mufuta wa Hae.

⁵⁰ Cwale, yomuñwi na bulezi zazi leliñwi cwana, neli—neli—neli mukutazi wa Baptist kwani mwa Tucson, “Ukona kubulela cwani kuli—kuli Jesu ni Mulimu bakona kuba Mutu ya swana?”

⁵¹ Ne nili, “Kihande, ki nto ye bunolo hahulu hane mu ka tuhela fela minahano ya mina izwe, ni ku nahana kuya ka manzwi a Bibele a yona. Zeo ki lika ze swana za Sibupiwa se siswana. Mulimu ki Moya; Jesu ki mubili wa Na i patile ku ona. Mwabona?” Ni ize, “Sina mwa ndu yaka. Ku musala ka, Ni muuna hae. Mi Ni nani mwana musizana yomunyinyani, Rebekah, Ni ndate ku yena. Mi Nina ni muikulu wa mushimani, mi libizo la hae ki Paul, Na ni kuku wa hae. Ni muuna ya nyezi, ni ndate, mi ni kuku. Mi musala ka hakoni ku ni biza kuli ndate kamba kuku; una ni ku ni biza ni muuna hae. Mi mwana ka wa musizana ha ni bizi kuli ni muuna hae kamba kuku wa hae; yena ki mwana ka. Mwabona? Kono niteni batu babalalu ba ki mutu alimuñwi fela. Mwabona? Yani ki yena Mulimu; Ndate, Mwana, ni Moya o Kenile, ki mubulelelo fela wa lusika.” Mulimu ki ya swana, ki Mulimu ya swana.

⁵² Mulimu na i cincize Iliyena, wa cincanga buino bwa Hae. Haiba mu lemuha mo mwa Mafilipi, U ize, “Na si ka kumalela ka tata, kono anga *sibupeho* sa mutu.”

⁵³ Cwale, linzwi la Sigerike fo la *sibupeho* sani, Ni bile ni li batisisa musihali kaufela maabani, kulika kuli ni fumane seo nelili lona, Ne ni fumanii, kuli linzwi lateni ki *en morphe*. Li peletelwa kuli e-n m-o-r-p-h-e. Na talima mwa Sigerike, kuli ni batisise kuli *en morphe* neli sikamañi . . . Mwendii ha ni li buleli hande, kono libaka le Ni li peletezi, ki kuli tepu haika zwa, sicaba si kali, baituti bakali, na ziba se Ni—Ni talusa. Yena, mi cwale *en morphe*, seo si talusa kuli Na i cincize Iliyena. Yena, Na tile fafasi. Cwale, linzwi la Sigerike fo litalusa, kuli, “Ki nto ye sa bonahali, kono ki nto yeliteni, mi kipeto ya cinca mi liito lipalelwa ku sibona.” Mwabona?

⁵⁴ Inge Elia mwa na bezi, kwa Dotani. Mwabona, kakuli—kakuli mutanga na sa boni Mangeloi ani kaufela anali kwani, mi kipeto Mulimu ato cinca fela; isiñi ku shetumuna Mangeloi fasasi, kono Na cincize ku bonahala kwa mutanga. Mi ne kuna ni malundu atezi Mangeloi, ni mulilo, ni lipizi za mulilo, ni makoloi a mulilo, kaufela zona neli potolohile mupolofita wa Hae. Mwabona, bona, Na cincize mubonahalelo. Taba—taba yateni i petahalile kale.

⁵⁵ Kacwalo, seo kona se Ni lika kubulela, kuli Mulimu kamita ubanga teni fa. Taba fela ya Na ezize ha Na bile mutu, Na cincize siyaba sa Hae. Mwabona? Na—Na, yena *en morphe*, Na—Na i cincize Iliyena ku sa Na li sona, kamba siyaba sa Hae, kezo yeñwi.

⁵⁶ Inge mwa papali yetuna. Sina hane Ni bulela kakusasana kacenu, ka mufuta wa kueza sina Shakespeare. Seli nako yetelele. Kono cwale Shakespeare ha na ñozi pa—pa—papali, ya...ya Mulena James wa England, kwa na...bile ni ya swana ni Macbeth. Mwabona, Shakespeare na sa lumeli mwa baloi; kono mwa papali, kakuli mulena na lumela mwa baloi, kacwalo nana ni kubeya mwateni baloi. Mwabona? Mi cwale, fa kukona kueza cwalo, ba cinca babapali.

⁵⁷ Becky yo fa, mwa *Carmen*, neba ezize cwalo mwa—mwa sikolo kwa na zwile ka kupasa lisunda nyana ze fitile. Cwale, mwendi mutu alimuñwi na bapala likalulo zetalu kamba zene. Kuli aeze cwalo, na—na cinca siyaba sa hae. Fokuñwi hana zwela fande, na ba mwa mufuta wa *kuli*; mi nako yetatama u zwela fande, ki mufuta usili. Kono inza li mutu ya swana ka nako kaufela.

⁵⁸ Mi yani ki Mulimu. Na i cincize Iliyena kuzwa—kuzwa mwa Siita sa Mulilo, ku to ba Mutu. Mi kona a i cinca Iliyena kuzwa ku sani, kukutela mwa Moya hape, kuli Akone kupila ku mutu. Mulimu inza eza ku mutu sa Nali sona luli. Jesu Kreste, neli Mulimu yana eza zeo ku Mutu, *ku* Mutu. Ku Mutu, seo kona sa Na li sona. Na cincize kuzwa mwa Siita sa Mulilo, mi cwale ataha ku sani; sene sili lisila mwa lihalupa, lene li patile Mulimu kwa Isilaele. Mushe na boni mufuta wa mibili wa Hae, kono luli Na patilwe luli ka nako kaufela kwa mulaho wa Siita sa Mulilo, sene sili Lumonyi lone lu zwile ku Mulimu.

⁵⁹ Cwale lu fumana cwana fa kuli, cwale kuzwa kwa Pentekota, Mulimu ha ikezi mwa mikwa *ya* mutu, kamba kueza...cwale U sweli kueza ka *kufitela* ku mutu. Mwabona? Na sweli kueza *ka* mikwa *ya* Mutu kwani, Jesu. Cwale U sweli kueza *kufitela* ku mutu Ya iketezi mwa mulelo wo. Mulimu, mwa mufuta wa mutu, Na i cincize ili Yena kuzwa mwa mufuta wa—wa kuba...wa Mulimu, kuba mufuta wa kuba mutu.

⁶⁰ Natile mwa mabizo a malalu, mabizo amalalu a bana ba bashimani. Natile ka Mwana...libizo la Mwana wa—wa mutu,

neli Mwana Davida, ni Mwana Mulimu; mabizo amalalu a bana ba bashimani.

⁶¹ Cwale, Natile pili ka Mwana wa Da-... Mwana wa mutu, kakuli Nali Mupolofita. Cwale, Jehova Kasibili na bizize Ezekiele ni bapolofita kuli, "Mwana mutu, u bona sikamañi?" Jesu na si ka ipiza Iliyena kuli Mwana Mulimu; Na ipiza Iliyena kuli Mwana mutu, kakuli ma—ma Mañolo hakoni ku lyangana.

Hakuna se si lukela kulyangana mwa Mañolo. Linzwi kaufela li lukela kuba ona cwalo. Kona mo Ni lumelela cwalo. Cwalo kona mo Ku lukela kubela, isiñi kakuli Ni lumela cwalo, kono kakuli Ki Linzwi la Mulimu.

⁶² Cwale haiba mu lemuha kwa simuluhu, Linzwi lililiñwi, likepe la pili mwa Bibele, mwa Genese 1, lu fumana cwana kuli kaufela... Matuku kaufela, matomola pilu, butuku bwa pilu kaufela, ni lika zeñwi kaufela ze kile za ezahala kwa lusika lwa batu, ne litile bakeñisa mutu *alimuñwi* ya kile a hana Linzwi *lililiñwi*, ki yena ya tisize ze kaufela. Koo ki kwa makalelo a Bibele. Kwa mafelelezo a Bibele, Sinulo 22, yena Mulimu ya swana naize, "Yo kaufela ya ka zwisa Linzwi lililiñwi ku Le, kamba ku ekeza linzwi kwa Teni." Mwabona, i lukela kuba Linzwi ka Linzwi, ona cwalo fela mo Li inezi.

⁶³ Kacwalo, he, ni kunga fela nto ye likani sina ha Ni ka eza... yomuñwi kamita uka ni yema ka basali mo ba kutela milili ya bona. Cwale, ku na, ibile fela musali u eza cwalo, Hanina taba kamba u eza cwani ka kuluka ni buñata bwa za ziba, niteni u sa fosize. U tina tuputula ni liapalo ze cwalo; Hanina taba ka sa eza, kamba u opela cwani, kamba ukona ku kutaza cwani hande, kaufela sa kona kueza, kamba upila bupilo bwa mufuta o cwani, niteni Linzwi lililiñwi lani li lobilwe. Mwabona? Mwabona, i lukela kuba Linzwi kaufela. Isiñi mubamba; kono Linzwi, Linzwi lililiñwi! Kacwalo, Bibele haina mutolokelo wa kwa mukunda. I lukela kuba Linzwi ka Linzwi, kona mo Li ñolezwi. Lu lukela kulumela Cwalo.

⁶⁴ Mi ha ki ku Li lumela fela, kono ki kupila ka Lona. Haiba ha lu pili ka Lona, konakuli ha lu pili ka Lona; fohe lu bulela fela kuli lwa pila ka lona. Sina Na... Kuya ku se Ni bulezi, balutiwa bani neba sa Li toloki, kono neba Li lumela, niteni, mi ba eza buipuleli bwa bona mane ni kupila ona cwalo. Fo kaufela bona hane ba ikezi kusili kuzwa ku Lona, bona baina ni Lona! Neba Li lumela! Cwalo kona mo lu ezeza. Cwalo kona mo mu lukela kuezeza. Hakuna taba ka sa bulela mutu ufi kaufela, lwa Li lumela mi lwa eza ka Lona. Haiba ha muezi cwalo, kona kuli ha mu Li lumeli.

⁶⁵ Cwale hamu lemuhe cwale mwa Na tezi, Nana ni kutaha sina Mwana mutu, kakuli Mañolo a Kenile na bulezi kuli Na ka taha cwalo, "Mulimu uka zusa Mupolofita ku bona." Kacwalo Na si ke kutaha inza ipiza Iliyena kuli Mwana Mulimu, kakuli ne si mwa

lusika lwani. Nali Mwana mutu ya na polofita, ku to taleleza, ni ku patulula ku bona lika kaufela ze ne ezahalile, ni ku swanisisa ku sa Na li sona. Mi ki Ha taha mwa lifasi ali Mwana mutu.

⁶⁶ Mutualime musali wani wa Musirofenisia mwa tezi ku Yena, mi ali, "Wena Mwana Davida, uni utwele butuku!" Mane na si ka inula neba toho ya Hae. Na sa Mu bizi kuli Mwana Davida. Musali nali wa Macaba.

Mane kuswana sina mwana ke wa musizana ha sa ni bizi kuli ni muuna hae; kamba, musala ka, ali mwana wa musizana cwalo. Ibo, ki mwana ka wa musizana ni musala ka, ki mwana ka wa musizana mwa Evangelii. Kono, ka nama, hana tukelo ya ku ni biza kuli—kuli ndate. Mwabona?

Cwale mulemuhe, musali wa Bamacaba yo na si na tukelo ya ku Mu biza kuli Mwana Davida. Kono Bartimeasi wa sibofu na ezize, mwabona, nali Mujuda. Cwale, Natile ali Mwana mutu.

⁶⁷ Mu lukela kuziba manzwi ao ni lika ze. Mutualime ku Hattie Wright ka nako yani, mi Kuhoha kwa Bulalu. Mwa hupula cwalo. Ona lika kaufela, musali yani na bulezi nto ye lukile. Mu lukela kubulela linzwi leo hande, nto ye lukile ku Mulimu.

⁶⁸ Mulemuhe cwale, Natile pili ali Mupolofita, mi ba Mu kokotela. Ba Hae luli neba Mu kokotezi. Natile ali Mwana mutu.

⁶⁹ Mi kasamulaho wa Moya o Kenile u mano taha, Mi kona aba Mwana Mulimu. Mulimu ki Moya. Nali Moya o Kenile, Mwana Mulimu. Na pila mwa masika a keleke ali Mwana Mulimu.

⁷⁰ Cwale, mwa Mileniamu, Ukaba Mwana Davida, uka ina fahalimu a Lubona lwa Ndatahe, Davida. Ki Mwana Davida, cwale.

⁷¹ Mi, muhupule, mwahala Mwana Mulimu. . . Mwa lusika lwa keleke ya Laodesia, neba Mu lelekezwi kwande. Mi mwa Luka, Na bulezi kuli U ka patululwa hape ali Mwana mutu, yena Mupolofita, inza taleleza zeñwi kaufela. Mwabona? Mañolo a tamahana hande hamoho. Mwana mutu, Mwana Mulimu, Mwana Davida. Neli sikamañi seo? Ki yena Mulimu ya swana ka nako kaufela, inza cinca fela sibupeho sa Hae, sa bu *en morphe*. Na si cincize fela. Ki papali yetuna ku Yena. U sweli ku i bapala.

⁷² Natile ali sina Mwana mutu, ali Mupolofita. Aeza ona cwalo. Nihaiba musali yomunyinyani yani mwa sibi sa hae kaufela, fani fa siliba, na Mu lemuhile. Mane ali, "Lu ziba kuli Mesia wa taha, ya bizwa Kreste, seo kona sa Ka to eza." Mwabona, na lemuhile kakuli nali Peu ye lemuhilwe isali kwa makalelo. Mi ki ha . . .

Mane, babañwi baba siyezi neba si ka Li lemuha. Neba sina sa ku lemuhisra. Neba li mwa sibi, ka kukala.

⁷³ Kakuli, kakuli mikwa ya Hae, Wa cincanga sibupeho sa Hae. Mi ki Ha taha mwa sibupeho sa Mwana mutu.

Kakuli lusika lwa baongaongi, bo Wesley, Luther, ni babañwi kaufela, konakuli lu fumana kuli neba bile ni zona ka buñata, inge fela mone ba ezelize Maisilaele, kufitela Ha ka bonahala mwa mazazi a maungulo, mwa lusika lwa Pentekota, sina Moya o Kenile, ba to Li hana. Neba ezize nto ye swana ya na ezize Isilaele.

Mi ki sikamañi Sa eza cwale? U kutile sina Mwana mutu. Mi he, kuzwa foo, Mwana Davida. Mwabona mo lubezi bukaufi nji? Mwana mutu, Mwana Davida, Mwana Mulimu. U patuluzwi mwa mazazi a mafelelezo sina Mwana mutu, kuya ka Malaki 4, ni sipołofita sesiñwi kaufela sa hola ye. Hakusana ku talimana ni keleke kasamulaho Amano... Neba Mu lelekile; kwande, inza ngongota fa sikwalo. Peu yeñwi ye lelilwe neili teñi mwani, kale. Una ni kukena a fite kubona.

⁷⁴ Mi Mulimu, ku mutu, na ikusufalize Iliyena. Joele 2:28, lu fumana cwana, Hana bulezzi kuli, “Ni ka sulula, mwa mazazi a maungulo, kwa Moya wa Ka.” Cwale, haiba mulemuha linzwi leo foo, linzwi la Sigerike. Hakulata ni kona kubulela seo ka mafosisa, kono le Ni kona ku fumana ki...

⁷⁵ Muna ni ku tokomela manzwi. Sikuwa fokuñwi si kona kutalusa litaluso zepeli. Kuswana fela sina linzwi le lu biza kuli, “mulimu.” “Mulimu na bupile lihalimu ni lifasi,” Genese 1. Kono cwale, mwa Bibele, Ibulezi kuli, “Kwa simuluhu Elohim.” Cwale, Elohim, Sikuwa si libiza kuli “mulimu,” kono luli ne ku si cwalo... Elohim... Sika kaufela sa kona kuba hande, kwa linzwi la kuli *mulimu*; mwakona kueza sipupe kuba mulimu; mwakona kueza piano yani kuna mulimu; mwakona kueza sika kaufela kuba mulimu.

⁷⁶ Kono haku cwalo mwa linzwi la kuli *Elohim*; Li talusa kuli, “ya ipupile Iliyena anosi.” Mwabona? Piano yani haikoni ku ipupa ili yona, hakuna sika sesi kona ku ipupa sona siñi. Kacwalo, linzwi le lili *Elohim*, litalusa, “Yena ya nza bile teni linako kaufela.” *Mulimu* ikona kutalusa sika kaufela. Mwabona shutano kwa linzwi leo? [Kopano ili, “Amen.”—Mu.]

⁷⁷ Cwale, ha Ne ibulezi fa kuli Na *ikusufalize* Iliyena, kamba *kusulula*, cwale, lu ka nahana sina cwana, kuli Uka “li taza,” linzwi la Sikuwa la kuli *kukusufala*, kamba *kusuluha* kuzwa ku Yena, mwabona, sesiñwi ne si zwile ku Yena sene si shutana ku Yena. Kono haili linzwi la kuli *kenos*, mwa Sigerike, ha li talusi kuli Na “tazize,” kamba nto yeñwi... lizoho la Hae neli zwile kwateni, kamba liito la Hae kuzwa, kuya ku mutu usili.

⁷⁸ Seo ki kuli, Na i cincize Iliyena, Na “suluhile Iliyena kukena ku sesiñwi,” (Amen!), kukena mwa siyaba si sili, kutaha mwa sibupeho si sili. Isiñi kuli neli mutu usili yana zwile ku Yena, ya bizwa Moya o Kenile, kono Neli Yena Kasibili. Mwa utwa kana? [Kopano ili, “Amen.”—Mu.] Yena Kasibili na suluhile Iliyena kukena mwa sicaba. “Kreste ku mina!” Ha ki bunde ni boo,

ha ki bunde ni boo, ka ku nahana, Mulimu na suluhibile yena Kasibili kukena mwa sibupiwa sa butu, kutaha ku mulumeli. “Ku suluha!” Neli siemba sa papali ya Hae, kuli aeze cwalo.

Mulimu, mutalelela kaufela, Bumulimu kaufela ka mubili nebula ku Mutu, Jesu Kreste. Nali Mulimu, mi Mulimu fela anosi. Isiñi mutu wa bulalu kamba mutu wa bubeli, kamba mutu wa pili; kono *yena* Mutu kasibili, Mulimu ya ipatile mwa mubili wa mutu.

⁷⁹ Timotea Wapili 3:16 ili, “Ko kusina ku kanana kunutu ya bulapeli ki yetuna; kakuli M-u-l-i-m-u, Elohim,” mwa litaku zetuna za M-u-l-i-m-u, mwa Bibele. Mu li batise, mutu kaufela. Li swana ni, kwa simuluho, Ibulezi kuli, “Elohim.” “Kwa simuluho, Elohim.” Mwabona? “Mi, Elohim, kusina ku kanana ki kunutu yetuna ya bulapeli ka za Elohim; kakuli Elohim na ezipiwe nama, mi lwa Mu swala.” Elohim, ya apezi nama ya butu! Yena Jehova yomutuna ya tala lihalimu kaufela, nako, ni libaka lifi kaufela, a ezwa nama. Lwa Mu swala, Elohim. “Kwa simuluho, Elohim. M Elohim aezwa nama, mi apila mwahala luna.”

⁸⁰ Sikamañi? Ye ki nzila ya Hae, liemba za papali. Yani kona nzila Ya eza ka yona, nzila ya Hae ya ku i patulula Iliyena ka yona ku luna sina mutu usili ya shutana. Luna lwa shwa, sina Ha ziba cwalo. Mi luna lu utwisisa sina batu ba bashwa. Lu ziba fela sina batu ba bashwa. Lu ziba fela sina maikuto a luna ha nza lu lumeleza kuziba, mi ze siyezi kaufela za teni luna ni ku li lumela ka tumelo. Luna ni kubulela kuli kuna ni Mulimu; kamba lwa Mu bona, kamba nee, lwa lumela cwalo, niteni. Mwabona? Haiba kunani kamba hakuna, niteni lu sa lumela kuli Mulimu na bulezi cwalo.

⁸¹ Sina Abrahama, na sa boni mwana yani, nekusina lisupo, nekusina mulwalo wa—wa Sarah, nekusina nihaiba buino bwa basali bwa kwa kweli kamba sika sifi kaufela, kono niteni Mulimu na bulezi ona cwalo. Sepo kaufela, mane nihaiba yona mba ya—ya hae ne se ishwile, mi bupilo bwa muuna ne bu se bu yongile, mi ni—ni nuka ya bupilo bwa hae ne se i omile, mi ni—ni bupilo bwa musali ne se bu omelezi ku yena. “Kono no cwalo a si ka kakanya ka sepiso ya Mulimu ka ku salumela, kono na tile, inza fa tumbo, ka kuziba kuli Mulimu na kona kueza sika kaufela sa Na bulezi kuli U ka si eza.”

Kuna ni nzila ye lu lukela kulumela Linzwi lani kacenu. Kana si ka ezahala cwani? Ha ni zibi. Mulimu na bulezi kuli ku kaba ona cwalo, mi ao kona mafelelezo.

⁸² Ki mañi yena Mutu yomutuna ya sa bonwi yo? Ki mañi Yo ya na bonwi ki Abrahama mwa lipono? Hande kwa maungulo, niteni, Na bonahalezi mwa nama, mane mwana a si ka taha kale. Mulimu yena Kasibili natile ku Abrahama mwa sibupeho sa muuna, kwa nako ya maungulo. A bonahala! Na Mu boni

mwa Liseli leli nyinyani nako yeñwi; na Mu boni mwa lipono; na utwile Linzwi la Hae; sinulo zeñata. Kono ku si kaba kale mwana wa sepiso, na Mu boni mwa sibupeho sa muuna, mi abulela ni Yena, ni ku Mu cisa nama ni lino. Mwabona? Mulemuhe, Mulimu yena Kasibili na i patile mwa nama ya butu.

⁸³ Se ki siemba sa nzila ya Hae. Ye kona nzila ya i patululanga ka yona yena Kasibili ku luna, ku bonahalisa Linzwi la Kuyakuile, Mulimu, Jehova ya ezizwe nama. Sina Muñoli Joani 1, “Kwa simuluhu ne kuna ni Linzwi, mi Linzwi nali ku Mulimu, mi ni . . . Kwa simuluhu ne kuna ni Elohim, mi Elohim nali . . . a to ezwa Linzwi, mi Linzwi nali Elohim. Mi Linzwi a ezwa Elohim.” Mwabona? Ki nto yeswana, inza i patulula fela.

⁸⁴ Sina mulelo, mwabona, u ku Mulimu. Mulelo ki munahano wa mina. Mulimu kwa simuluhu, wa Kuyakuile, mane Na si nihaiba Mulimu. Nali wa Kuyakuile. Mane na si nihaiba Mulimu; *Mulimu* ki “sibupiwa se si lapelwa,” kamba nto yeñwi. Mwabona? Kacwalo mane Na si nihaiba cwalo. Nali yena Elohim, wa Kuyakuile. Kono ku Yena ne kuna ni mihupulo. Na bata kuba ya swaliwa. Mi ki sikamañi sa Na ezize? Mi A bulela Linzwi, mi Linzwi la iponahaza. Sani kona siswaniso ka kutala, kuzwa kwa Genese kuya kwa Sinulo. Kuna ni se si fosahalile. Ki Elohim ya nza ikeza kuli Akone ku swaliwa, ku utwiwa. Mi mwa Mileniamu, kuna ni Elohim yainzi fa Lubona, mwabona, yeo ki niti, ni sicaba sa Hae kaufela inge si Mu potolohile, kuli Na lelide kale kuzwa kwa simuluhu ya lifasi.

⁸⁵ Sina mutu ha yaha muyaho wa mipaipi ya musi, ni sitina. Mulangu kaufela una ni kulila ku shutana ni omuñwi. Libyana ze swana, kono ki lisipi zeñata hahulu, kube lisipi hahulu zeñata, ni mingomo ya sipi hahulu, kuli ikone kufa “mulumo.”

⁸⁶ Cwalo kona mwa na ezelize Mulimu. Na tamahanyize yo ku yo, ku yo ni ku yani, ku yo ni ku yo, kufitela Aba ni sa Na bata luli. Cwalo kona mwa Na tezifafasi. Mulimu na iponahalize Iliyena mwa Siita sa Mulilo sene si shetumuka ka bapolofita, mi kona ataha ku Mwana Mulimu, mane, Na li yena Mulimu. Mwabona, ki yena Mulimu ya swana yanza taha ona cwalo, kuzwa kwa kupetahala kuya kwa kupetahala, kuzwa kwa kanya kuya kwa kanya. Cwalo kona Keleke mo i zamaela.

⁸⁷ Mulemuhe, mwahala masika, ki nzila ye swana, ka bapolofita ba Hae, U ipatuluzi Iliyena cwalo. Bani ne ba si bapolofita luli, nebali balimu. Na bulezi cwalo. Kakuli, se ne ba bulezi neli Linzwi la Mulimu. Nebali nama mo Mulimu na pila. Nebali balimu. Jesu naize, yena Kasibili, kuli, “Kana mukona ku Ni nyaza cwani ha Ni bulela kuli Ni Mwana Mulimu, kanti mulao wa mina luli ubulela kuli bona be Linzwi la Mulena nelitile ku bona nebali balimu?” Mwabona?

⁸⁸ Kacwalo neli Mulimu ya na ezizwe mutu ya bizwa mupolofita. Mwabona? Mi Linzwi la Mulena la taha ku muuna

yo, kona kuli ne si mupolofita; mupolofita neli sapalo, kono Linzwi neli Mulimu. Linzwi la mutu halikoni kueza likezo ze cwalo. Mwabona se Ni talusa? Halikoni kueza ka mukwa wani. Kono ka mo kuinezi neli Mulimu. Mwabona, Nali Linzwi la Mulimu mwa mufuta wa mutu, ya bizwa “muuna.”

Mulemuhe, Na si ka cinca sibupeho sa Hae, konji fela mufuta wa Hae. Maheberu 13:8, iize, “Ki ya swana maabani, kacenu, ni kuyakuile.” Kacwalo Na si ka cinca sibupeho sa Hae ha Na tile. Yena kamita ki yena Mupolofita yani, mwahala lusika kaufela, ki nto ye swana: ki Linzwi, ki Linzwi, ki Linzwi, ki Linzwi. Mwabona? Ha koni kucinca sibupeho sa Hae, kono Na cincize mufuta wa Hae. Maheberu 13:8, iize, “Ki ya swana maabani, kacenu, ni kuyakuile.” Fela Na cincize siyaba sa Hae kihona.

⁸⁹ Sina ha Ni cincize kuba muuna ya nyezi, fani mwana ke ha na pepilwe, kona kuli se Ni ba ndate. Muikulyange ha ka pepwa, Ni kuku wa hae. Mwabona? Kono, Ha ni cinci; ni sali—sali na ya swana. Mwabona? (Mi yo ki Mulimu.) Fela se Ni cincize zaka . . . Mwabona, ki kucinca fela mufuta wa mina. Mwabona?

Mulemuhe. Mi zebupilwe za cincanga kuzwa kwa kuba mucaha kutaha kwa kuba mutangana, kuya kwa kuba muuna muhulu. Mi ki fo cwale, mwa bona, mu cinca fela mufuta wa mina.

⁹⁰ Cwale, hamukoni kubulela mushimani yomunyinyani ya yemi fa yo, wa lilimo ze lishumi ni ze silezi za kupepwa, kuli abizwe kuku. Hakoni kuba. Mufuta wa hae una ni ku cinca. Lilimo nyana kona ze kona kucinca zeo, kona akaba kuku wa mutu. Mwabona se Ni talusa?

⁹¹ Kono ki Mutu ya swana ka nako kaufela, ali Mutu ya swana, Mulimu ka nako kaufela. Mwa mukwa wo U i patulula Iliyena kwa sicaba sa Hae, ka kueza se. Mulemuhe, mwahala lusika lwa Siita sa Mulilo, Na i patuluzi Iliyena kwa sicaba sa Hae. Mwa lusika lwa—Iwa Jesu, Na i patuluzi Iliyena kwa sicaba sa Hae. Mwa lusika lwa Moya o Kenile, ali sina Mwana Mulimu. Mwana Davida . . . Yena kamita U i patululanga Iliyena mwa mukwa wani kwa sicaba sa Hae, kueza kuli sicaba si Mu zibe. U ipatanga kwa mulaho wa sika sesiñwi, mulemuhe, mwa nzila ye swana, kamba mukwa o swana, nako kaufela.

⁹² Mulimu na i patile ku Jesu, kuli aeze musebezi wa ku pilisa fa sifapahano. Mulimu na si ke kushwa, inza Moya. Ki wa Kuyakuile. Kono Nana ni ku apala siyaba ni kueza kezo ya lifu. Na shwile faa, kono Na si ke kueza cwalo mwa mufuta wa Hae wa kuba Mulimu. Nana ni kueza cwalo mwa mufuta wa Mwana, ali Mwana mutu, fa lifasi. Mwabona? Nana ni kuba mufuta wa Mwana. Mi cwale ha Na kutile kwa Pentekota, Nali Mwana Mulimu hape. Mwabona se Ni talusa? Mwa swala mulelo wateni? Nali cwalo . . .

⁹³ Nana ni kutaha mwa nama ya butu, ku...mi hakuna mutu, kusina takazo ya kufosa. Kakuli sani si bonahalisa hape ngambolo ya luna ya peu ya noha, mwabona, “ka boozwa,” neli boozwa kaniti. Haki ma apule; boozwa! Yeo kona niti. Sani kona mone ni si bezi. Mulemuhe fa, mwabona, ku muuna yomunde kaufela... Mutualime bapolofita bani kwa mulaho kwani, kono Na nani kuba yomutuna kufita mupolofita. Mwabona? Fa kuli aeze cwalo, Nana ni kutaha ka kupepwa ki mwalyanjo, ili ku bonisa kuli kupepwa ka mwalyanjo ne ku pakilwe... Nana ni kupepwa ka mwalyanjo, kuli a takule sikuto si zwe, ki ona Mulyani. Mwabona se Ni talusa? Kacwalo, neina ni kuba boozwa. Na li pakile mwa kutaha kwa Hae Kasibili; Na si ka taha ka nzila ya takazo ya boozwa, kono neli ka kupepwa kwa mwalyanjo. Mi A cinca siyaba sa Hae kuzwa kwa kuba Jehova kutaha kwa kuba Jesu, ili kuli atonga musebezi wa ku pilisa mwa papali ya Na sweli ku bapala, ku Mulimu fa sifaphano.

⁹⁴ Magerike neba bata ku Mu bona. Ku Muñoli Joani 12:20, buñata bwa mina mu ni utwile hane ni kutaza fa litaba zani hane nili, “Muñaka, lu bata kubona Jesu.” Kikuli ne mu lemuhile cwalo?

⁹⁵ Cwale, Magerike neli baituti, nebali baana babatuna. Mi neba nani—ne bana ni—ni maikuto a matuna ka za Mulimu, sina Paulusi hana katalize ku bona fa lilundu la Mars. Mi nebali cwalo, neba—neba zamaisize—neba zamaisize lifasi mwa sayansi ni—ni mwa tuto, nebali batu babatuna. Kono neba lapela ni kulumela mwa matangu ni zeñwi, kaza libuka za maswaniso, ni lika za kubuha ni zeñwi cwalo.

⁹⁶ Kono neba—neba—neba tilo filikana ka Muuna yo Yana kona ku folisa bakuli mi ki yana kona kubulela lika zene ka ezahala kwapili, kusina ku mbwinja ni hanyinyani. Mi se ba filikana, kacwalo ba taha ku to Mu bona. Cwale, mulemuhe ka tokomelo cwale, musike mwa mbwinja se. Mwabona? Mi ba taha batoli ku Filipi, ya nali wa kwa Betsaida, “Muñaka, lu bata kubona Jesu.” Mi Filipi ni mulutiwa yomuñwi ba mu tisa ku Jesu, ku to bona Jesu.

⁹⁷ Cwale mulemuhe ona manzwi luli ao Jesu ana ba bulelezi, kakuli neba ti lo bona Yo na li Yena, mi ne ba palelwa ku Mubona. Neba bona mufuta, kono Nali mwa tempele ya Hae. Mulimu nali mwa tempele ya Hae, inza patilwe mwa mubili wa nama. Mulemuhe manzwi a Na bulezi, “Kwanda kuli lukau lwa buloto lu wele mwa mubu, mwabona, ni kushwa, lu ina lu nosi.” Mwabona? “Hola i fitile, ikaba teni kuli Mwana mutu uka fiwa kanya, mwabona, mi Una ni kuzwa mwa lifasi le. Mi konji kuli hola yeo i tahe, hamuna kukona ku I bona.” Mwabona?

⁹⁸ Kwanu, kiñi hane ba si ka bona Jesu? Na i patile mwa siyaba. Mulimu na i patile mwa siyaba. Magerike neba bata Mulimu, mi ki Yo nali faa, kono neba palelwa ku Mu bona bakeñisa sapalo.

Mi yeo ki nto yeswana ni kacenu, haba koni ku Mu bona bakeñisa sapalo. Si apesize sifateho sa bona. Ona Magerike ba neba apesizwe siyaba, kamba Jesu na apezi siyaba kwa Magerike.

⁹⁹ Mulemuhe, Ali ku bona, “Kwanda kuli peu ya buloto iwele mwa mubu, i siyala i nosi.”

¹⁰⁰ Bona, neba sa utwisisi mone kuinezi, ki kabakaleo ba bata ku Mubona. Neku yemi muuna. Neba tilo bona Mulimu, mi ba bona muuna. Mwabona? Neba sa boni Mulimu kakuli Mulimu patilwe ku bona. Cwale mubuluke zeo mwa minahano ya mina, Mulimu na patilwe ku mutu. Neba bulela kuli, “Hakuna mutu ya kona kueza misebezi ye konji fela Mulimu. Hakuna mutu yana kona ku ieza, mi mane fa ku yemi muuna mi niteni misebezi ya Mulimu i bonahala ka Yena!” Mwabona, neba sa utwisisi kuli Mulimu na i patile.

¹⁰¹ U patilwe ku mutu, sina mwa Na patelwanga kamita. Kono, Na patilwe ku bona, Nali mwa tempele ya Hae ya butu. Mulimu na inzi mwa tempele ya butu. Cwale, mu tokomele luli, cwale Wa swana maabani, kacenu, ni kuyakuile. Mwabona? Mulimu ya ipatile, inza ipatile Iliyena kwa mulaho wa lifasi, na patilwe ku mutu. Mwabona? Nali yena Mulimu! Magerike bani ne ba bulela kuli, “Lu bata ku Mu bona.”

¹⁰² Mi Jesu naize, “Peu ya buloto ina ni kuwela mwa mubu mi i shwe.” Muna ni kushwa kwa milelo ya mina kaufela. Mu lukela kuzwa kwa mihupulo ya mina.

Sina balutiwa bani mone ba bezi, neba si ka toloka ka za kuca mibili wa Hae mi—mi ni kunwa Mali a Hae, kono, mwabona, ne se ba shwile kwa lika zani. Ne ba shwile kwa Mulao, ne ba shwile ku Kreste. Hakuna taba kamba neli sikamañi, kamba neli ku komiwa ko ku bonahala cwani kwa Na nani, niteni ne ba sa Li lumela. Mwabona? Neba bona ku Muuna yani; kuli neli Muuna yana ca, kunwa, kuyamba, ku lobala, lika zeñwi kaufela, yana pepilwe fa lifasi fa, mi na zamaya ni bona, na ambola ni bona, na apala liapalo sina babañwi ba bona kaufela, kono yani neli Mulimu.

¹⁰³ Konakuli Magerike neba sa Mu boni, kakuli Na patilwe ku bona, mwa ku mutu. Mulemuhe Linzwi la Hae kubona, “Kwanda kuli peu ya buloto iwele mwa mubu.”

¹⁰⁴ Mulimu na ipatile mwa mufuta wa mutu, na Ipatile kwa mubonelo wa bona. Neba bona fela mutu. Konji bene ba Lelilwe kale neba boni Mulimu. Yomuñwi hana bona mutu, yomuñwi abona Mulimu. Mwabona? Mi neli Mulimu ya na ipatile mwa butu bwa mutu, inza eza zepeli za teni kuba ze lukile, kono tumelo ya mina iyemi ku ze mu sa boni. Mwa li lumela, ni hakuli cwalo. Mulimu na ipatile mwa butu bwa mutu. Nali mwa nama yani, mi nama yani neli sapalo sa Hae. Sapalo ne si pazuzwi, mwabona, kuli Mulimu a bonahale.

¹⁰⁵ Mwa Testamente ya Kale, Mulimu na ipatile fani ha Nali fa sipula sa Hae sa sishemo; fa sipula sa sishemo, ka lisila. Mwa Testamente ya Kale, Mulimu nali mwa tempele ya Hae. Kono sicaba ba taha bakena ni kulapela ka mukwa o cwana, kono, muhupule, neku na ni lisila (amen) lani ne li pata Mulimu. Neba ziba kuli Mulimu naliteni mwani. Neba sa Mu boni. Ona Siita sa Mulilo sani ne si sika bonahala ni kamuta kwani. Kana mu lemuhile? Hakuna nihaiba nako iliñwi fo Mañolo, kuzwa ka nako ya Siita sa Mulilo hane siya kwa mulaho wa lisila lani, kuli ne Si si ka bonahala hape, kufitela Si taha kuzwa ku Jesu Kreste. Mulimu na patilwe!

¹⁰⁶ Mi ha Na yemi fa lifasi, Na ize, “Ni zwa ku Mulimu mi Ni kutela ku Mulimu.”

¹⁰⁷ Mi Paulusi, (kasamulaho wa lifu la Hae, kupumbekwa, ni kuzuha), fa musipili wa hae kuya kwa Damaseka, nekuna ni Siita sa Mulilo sani hape. Neli sikamañi Sani? Kuzwa kwande a lisila! Kanya ku Mulimu!

¹⁰⁸ Nali kwa mulaho wa lisila. Cwale Nali kwa mulaho wa sikamañi? Sapalo sa litalo. Mwabona, “sapalo sa matalo,” kwa mulaho wa lisila. Mi cwale lisila lani la pazuha ka lizazi la ku kokotelwa, lisila la Na putilwe ku lona ne li pazuhile ka lizazi la ku kokotelwa, sipula kaufela sa sishemo sa to iponahaza fa nalela.

¹⁰⁹ Cwale, Majuda ne ba si ka utwisisa ka mo Mulimu na kaba ni sishemo fa sicaba, sene si fosize sina mo lubezi. Kono neba sa boni Yo Yena ya na fa sishemo, kakuli Na patilwe. Nali kwa mulaho wa sipula sa sishemo, mwahali, ni matalo a mukata, inza I kapesize zona. Ku sikaba . . .

¹¹⁰ Ku sikaba, haiba mutu kaufela na ka ya kwa mulaho wa lisila lani, neli lifu ona foo kapili. Amen. Oh, lukaba ni tuto fa mwa muzuzu fela, mwabona, haiba mwakona—mwakona ku Li amuhela. Kuya kwa mulaho wa matalo ani . . . Nihaiba bana ba bashimani ba murisita hane ba ka lika kueza cwalo nako yeñwi, neli kushwa. “Musike mwaya kwa mulaho wa lisila lani.” Yena muuna ya na fita kwa mulaho kwani . . . Kiñi? Nekusina puluso haisali, ku sani. Neli fela ona cwalo. Neli fela ka buino ona cwalo. Mi sika kaufela sesili *ona cwalo* ha ki sika sa niti mwa makalo a sona, mwabona, siinzi fela ona cwalo. Neli piliso . . . Sibi ne si apeswa, isiñi ku takulwa . . . ku swalelwaa, nitaluse, isiñi ku swalelwaa. *Kuswalelwaa* ki “ku kauhana ni ku lelekelwa.” Mi kacwalo mali a lingu ni lipuli na sa ezi cwalo, kacwalo Jehova na patilwe kwa mulaho wa lisila. Cwale, kwa mulaho wa lisila le kwa Na patilwe, kuli akene ku sani, mutu na ka wa ali kushwa, ka kulika fela kukena Mwateni.

¹¹¹ Kono kuzwa kala Pentekota, kuzwa kwa Ku kokotelwa, fani lisila lani hane li pazuzwi kuzwa kwa halimu kuisa kwatasi, kwa lusika lwani . . . Jesu neli yena Mulimu yani, ya patilwe. Mi ha

Na shwile fa Kalvari, Mulimu a luma mulilo ni mamonyi, mi a pazula lisila lani kuzwa kwa halimu kuya kwatasi, kuli sipula sa sishemo sa bonahala fa nalela. Kono nebali libofu hahulu kuli ba Si bone. Sina Mushe hana bulezi fa, kamba, niha . . . Paulusi ha naize, hana bala za Mushe, “Haiba ki Mushe ya balwa, za hae, kapai kani ka sali fa lipilu za bona.” Oh, muzwale, kezeli, sani kona sene ba ezize Majuda fani lisila hane li pazuhile mi la tisa Mulimu mwa ponahalo fa nalela, inza nyendaela fa sifapahano. Nali mwa ponahalo fa nalela, kono ne ba si kabona Cwalo.

¹¹² Kikuli ne kuka konahala kuli Bamacaba baeze nto ye swana? O Mulimu! Hane bana ni masika a likeleke, a Mwana Mulimu; kono cwale haili lisila la likopano ni lika zeñwi, lona lisila la sizo le lubile ni lona kuzwa kwa Pentekota, mi lizo za keleke hane li pazuhile, lika zeo sicaba ne si bulela, “Mazazi a limakazo a felile, ni lika ze,” mi Mulimu u zusize lisila Kwateni, ni ku Li tisa mwa ponahalo yeli fa nalela, mi ba itukisize ku Li kokotela hape, ona cwalo fela ka kuswana.

¹¹³ Mulimu ya patuluuhile, ponahalo ye bonahala hande, neba swanela ku Mu bona inza yemi fani. Kono niteni Nali ya sina kabubo, Nali mutu fela fela. Neba sa Li boni. Mwabona, ne ku yemi muuna. “Kihande,” se bali, “mucaha yo, ki sikolo mañi Kwa zwelela?” Kono, muhupule, fani lilumo lani hane li tabile mubili wa Hae, Moya wani no Mu sile, yena tempele . . . masitina a sitabelo na futukile, mi lumonyi lwa monyeha mwa tempele ni kupazula lisila. Neli sikamañi sani? Ki yani Mulimu wa bona fani yana nyendaela fa Kalvari, mi nebali libofu hahulu kuli ba li bone.

¹¹⁴ La Mutisa fa nalela, kono niteni haba Li boni! Ba foufalizwe. Mulimu, na patilwe mwa mubili wa butu!

¹¹⁵ Mwa hupula, Akutela hape ku Paulusi kasamulaho wa sani, ni ku Pitrosi mwa tolongo, sina Siita sa Mulilo. Mwa hupula cwalo? [Kopano ili, “Amen.”—Mu.]

¹¹⁶ Kono mwa mazazi a maungulo U swanezi ku kuta, kono haili Siita sa Mulilo si lukela kutaha hape ku to bonahalisa Mwana mutu, mwabona, ku to bonisa Linzwi, lona Liseli. Lizo, ze bile teni, li ka feliswa. Hakuna se si ka Li kataza; si ka eزوا, niteni. Mulimu na pazauzi fela likopano zani ni lizofafasi.

Ki Moya wa mufuta mañi Wa ka eza ka ona? Sina mwa Na ezelize ka nako yapili. Mutualime sa Na ezize mwa mazazi a Elia, mwa mazazi a Joani. “Musike mwa nahana kuli lu ‘na ni Abrahama kuba ndata luna,’ kakuli Mulimu wakona kuzusa bana ba Abrahama kwa macwe aa.” Mwabona? Musike mwa nahana, “Kakuli, Ni wa siemba *se* hape Ni wa siemba *sani*.” Mwabona? Mulimu na pazula kwateni lisila, mwabona, kuli a bonise Yo nali Yena. Mwabona, mutualime lisila ha lipazule cwale, lu fumana cwalo.

¹¹⁷ Cwale, mi nako yeñwi, haiba mutu na ka kena mwa lisila lani, neikaba lifu ona foo. Cwale ki lifu ku sa kena ku Lona! Amen. Haiba haukonu ku punya lisila la sizo lani, ku punya limota la kopano lani, ku bona Mulimu mwa mata a Hae, ki lifu. Sapili neibanga lifu ka kusa kena mwateni, cwale ki lifu ha u itulela kwande. Sipula sa Sishemo kaufela si inzi fa ngandaleza fo ku iponahaza, mutu kaufela wa kona ku Li bona, lisila li pazuhile. Kanya ku Mulimu! Sipula sa sishemo kaufela sitaha fa ngandaleza.

¹¹⁸ Kamo Mulimu nakabela ni sishemo kwa baeza libi sina luna, fani ha Na ipatile Iliyena, neli kunutu. Mi cwale Si mwa ponahazo ye fa ngandaleza, kamba mwa ponahalo yetezi, si patulula Linzwi la Hae. Kamita ki Linzwi, ku swalelela, yani ki Mulimu. Ki Linzwi le li kwalula lika. Kambe batu bani ne ba ka ziba Linzwi la Mulimu ka zazi lani Jesu ha shwa, neba ka bona Sipula sa Sishemo, neba ka bona Yo nali Yena.

¹¹⁹ “Neli mañi Yani cwale? Kiñi lisila hane li pazuhile?” Muhupule, neli lifu fa kukena ku Lona. Hakuna mutu yana Li bona. Mushe na Li boni mwa mufuta cwalo, Neli inge kakundukundu... neli sina—sina mukokoto wa Muuna. Kihande, ki Se fa, mukokoto o no lota mali, yena Muuna ya swana yani! Neli sikamañi Sani? Mulimu na bata ku ba bonisa Sipula sa Sishemo. Mulimu na bata kuba bonisa Yo nali Yena. Kacwalo lisila la mwa tempele, kuzwa kwa lizoho la Mulimu, kwa lihalimu, la pazuha kuzwa kwa halimu kuisa kwatasi, mi la bonisa Mulimu fa ngandaleza. Neli Jesu Kreste ya na nyendaela fa sifapahano, ili Sipula sa Sishemo. Mi neli sikamañi sani? Batu nebali libofu hahulu kwa kubona Zani.

¹²⁰ Cwale li kutezi fateni hape, lizo za bona! Ki, cwani he, ka Lizazi la Pentekota, Linzwi la taha mi nelili mwa mufuta wa “Mwana Mulimu.” Mi ba kala ku ikongakonga kwa Nicaea, Rome. Mi, nto ya pili, ba kena mwa Methodist, Baptist, Presbyterian, Mapentekota, ni zeñwi cwalo. Ki sizo se si ongaongilwe kufitela mutu ha sa ziba fa yemi.

Kono, kanya ku Mulimu, Na sepisize mwa mazazi a maungulo sa Na ka eza. Na ka bonisa Linzwi la Hae mwa ponahalo fa ngandaleza, fapila luna hape, mwabona, ku Li kwalula hape.

¹²¹ Kambe ne ba ka ziba fela Linzwi, ne ba ka ziba Yo Jesu nali yena. Kambe mutu na ka ziba fela Linzwi la Mulimu, na ka ziba hola ye lupila ku yona ni se si sweli ku ezahala. Fela ba hananga ku teezeza kwa Linzwi lani. Lizo za bona! Ki sikamañi sene si tiselize Majuda bani kubona sani? Sikamañi? Neku bonahala inge kaniti ba boni, kakuli taba yateni ne i kwaluhile. Ne li nani musebezi hane li kwaluhile ka ku pazuhua.

¹²² Ancafazo ye ki ya sikamañi cwale? Ikona ku zwelapili cwani? Ikona kufuyolwa cwani? Hanina taba kamba bana ni

malikanyiso a cwani, kamba sika sifi kaufela, seo ha si... Mi Mushe ha funduka, ne kuna ni sicaba se si kopani sene siile ni yena. Kono li ezezwa sikamañi? Ki Jehova yena Kasibili yana tubuzi lisila la Mulimu, kuli abonise shutano mwahala bunde ni bumaswe. Ili zona za, Methodist, Baptist, Presbyterian, kamba kuli ki mañi ya lukile? Linzwi la Mulimu li lukile! "Linzwi la mutu kaufela libe lishano, mi la Ka libe Niti." Mulimu ha tokwi mutoloki. Yena u tolokelanga Iliyena Kasibili. Wa Li bonahalisanga, mi ni... la fa toloko. Mulimu inza ipatulula yena muñi Kasibili. Oh, mawi! Ona mwahala luna luli, lu bona lizoho la Hae lelituna leli lu bulelala lika ze, lieza lika ze.

¹²³ Luna ni sesiñwi ku seo busihu bo, mwabona, ka mwa ku talimela lizoho la Mulimu, seo Li eza, ka mo Li otolohela lona liñi. Mwabona?

¹²⁴ Mi batu bali, "Oh, Bwani ki bukuba. Kwani ki ku fiteleza tumelo. Hakuna zeli ku Sona. Bwani ki bukuba. Yani ki Baalezebubi. Yani ki diabulosi. Kwani ki kulaula ka kunuha. Sani ki se." Mwabona, taba ye swana neba ibulezi ka Yena.

¹²⁵ O keleke, mi haiba tepu ye iya kwande, kikuli ha muboni, bakutazi ba Evangel, ko mupila? Kikuli hamuboni hola ye lupila ku yona? Mulimu, inza iponahalisa Iliyena, ali kuina kватуко... Mutualime, Na ngile lisila lani ni ku li pazula mwa liemba emba, kuli ba bone Mulimu mwa ponahazo fa ngandaleza hande, kono nebali libofu hahulu kuli ba Li bone. Mi U ezize nto ye swana ni kacenu, kubeya Linzwi la Hae hande kwapili, sa Na sepisize. Sepiso kaufela mwa Linzwi, ibeilwe fapila luna, ya iponahaza hande fa ngandaleza!

¹²⁶ Mwa ziba se ieza keleke ya Bamacaba? Ki nto ye swana ni zene ba ezize ba keleke ya Majuda, neli libofu hahulu kuli ba Li bone. Ku felile. Li kaba mwa lipilu za bona inge fela mo ne kuinezi ka lizazi lani.

¹²⁷ Mulemuhe, lifu, kuba kwahule ni Zona cwale. Mu lukela kukena ku Zona ka lona lisila le, kusicwalo hamuna ku kona. Ka mo Mulimu akona kubela ni makeke ku bona, kono muhupule seo nesili sona, kuli Mulimu yena kasibili na bonahalisa sene sili kwa mulaho wa lisila lani. Mutualime sene sili kwa mulaho wa lisila lani, neli Linzwi! Ne li patile sikamañi? Neli Linzwi! Neli sikamañi? Li inzi mwa areka. Neli Linzwi lene li patilwe ki lisila lani. Mwabona? Mi Jesu nali yena Linzwi lani, mi ki Yena ona Linzwi lani, mi lisila la mubili wa Hae kona lene li Li patile.

¹²⁸ Mi kacenu lisila la sizo li pata Linzwi hape, bali, "Ha ki cwalo." Kono Ki cwalo! Mulimu u paka ka Zona, inza bulela katata yena Kasibili inge liseli la lizazi, fapila mutu kaufela, kono ba palelwa ku Li bona. Mulimu, abe ni makeke ku luna.

¹²⁹ Mwa mufuta wateni, Mushe hana tuluka kuzwa fa Pila kubateni kwa Mulimu, ni Linzwi la Mulimu la lusika lwani. Cwale mutualime, lu mwa Exoda 19. Musike mwa latehisa se

cwale. Exoda 19, Mushe u shetumuka kuzwa fa Pila kubateni kwa Mulimu, kamba 20 ni 21, 19:20 ni 21. Mushe u zwelela fa Pila kubateni kwa Mulimu. Na inzi mwa Linzwi. Linzwi ne se li ñozwi. Mi yena, fa Pila Mulimu, ni Linzwi, nana ni Linzwi la lusika lwani. Kuna ni Linzwi la lusika lufi ni lufi kaufela. Mi Mushe hana taha cwalo, sifateho sa hae sa benya hahulu! Mwabona? Linzwi neli keni ku yena, ku itukisa ku bonahala, ni ku fiwa kwa sicaba.

¹³⁰ Lona Linzwi la niti, Mulimu u Li ñozi, mi Nelili ni Mushe. Mulemuhe, Nelili ni Mushe mi ne li libelela ku bonahazwa. Nali yena Linzwi ku bona, nali Linzwi lelipila, leli patilwe. Na ipatile iliyena, Mushe nana ni ku ikapesa lisila kwa pata. Kiñi? Nali yena Linzwi lani. Amen. Kufitela Linzwi lani la zibahazwa, Mushe nana ni kuipata. Amen!

Kana mwa Li bona nji? Kaufela ko kuna ni Linzwi, Ku patilwe.

¹³¹ Mushe nana ni Linzwi. Cwale muhupule, kasamulaho Linzwi li mano bonahala, Mushe aba Mushe hape. Mwabona? Kono cwale Linzwi lani ne li patilwe ku yena kuli lifiwe kwande, nali Mulimu; kihande, na si Mushe hape. Nana ni Linzwi la Mulena la lusika lwani. Hakuna sene si ka mu swala kufitela sami hane si ka fela; nana ni Linzwi lani ku yena. Kacwalo, he, hataha, sicaba sa talimisa kusili litoho za sona; neba sa utwisisi. Ne ba cincizwe. Nali mutangana ya shutana. Ataha ni Linzwi lani. “Mi a apesa lisila,” Bibele ibulezi kuli, “kwa sifateho sa hae,” kakuli nana ni Linzwi. Mi nali Linzwi ku bona.

¹³² Cwale mutualime, haiba Mushe... O muzwale, fa kukaba litapa. Kono haiba Mushe... Sina Paulusi hana bulezmo mwa Makorinte Babubeli, kauhanyo ya 3. Haiba Mushe na apesize sifateho sa hae ka mufuta wa Kanya yani ku yena... mwabona, kakuli yani neli kanya ya nama fela, wani neli mulao wa nama fela. Mi haiba Mushe, ka kuziba kuli mulao wani nona ni kufela, kono haili Kanya neli yetuna hahulu kuli ne i foufaza sicaba, kacwalo ne bana ni apesa lisila fa sifateho sa hae, kana kukaba ze kuma kai ku Zani? Sicaba sa libofu za moyo! Uh-huh. Kanya yani neina ni kufela, kono haili Kanya ye haina kufela. Mwabona? Mushe nana ni milao ya nama, ya kunyaza fela, yesina sishemo, yesina sika; ne imi nyanza fela. Kono Se se lu bulela ka sona... Wani nosina swalelo, seo si mi bulela fela mone uinezi. Wo u mifa nzila ya kuzwa ka yona.

¹³³ Mi cwale Linzwi lani ha li patuluha, oh, mawi, ki sifateho sa mufuta mañi o Sikaba sona? Sikaba ni kupatiwa. Sina ni kuba se si patilwe. Cwale mulemuhe. Kacwalo Moya u patilwe mwa tempele ya butu, mwabona, Yena ka kubulela manzwi a butu mwa sapalo sa butu.

¹³⁴ Cwale, Paulusi ki yena ya bulela cwale, mi mwahali momo kuna ni zibo, ki Linzwi la Moya, “Luna lu ba buleli, isiñi

ba liñolo, ba mulao; kono ba buleli baba swanela ba Moya,” kuli Moya unga liñolo ni ku Li bonahalisa.

¹³⁵ Wani neli fela mulao, nemuna ni ku yo talima fateni, kuli, “Usike wa buka. Usike wa uzwa. Usike wa bulela buhata. Usike wa eza *se, sani*, kamba *sesiñwi*.” Mwabona? Nemuna ni kutalima ku sani.

¹³⁶ Kono wo ki Moya o taha fahalimwa Linzwi leli sepisizwe la lusika *lo*, ni kutisa lika ku li bonahalisa, isiñi matapa amabeli a macwe, kono ki Pata ya kubateni kwa Mulimu. Ha ki muhupulo wa kunutu wa inahanezi fela mutu, kamba Houdini yomuñwi, kamba makilikicani; kono ki sepiso luli ya Mulimu ye patuluuhile ni ku iponahaza fapila luna. Ki lisila la mufuta mañi o likaba kwa mulaho? Ni ku—ku latehisa sani . . .

¹³⁷ Mwabona, yani neli nto yetuna hahulu kufitela mane sicaba ha sili, neba ba boni Jehova ataha fafasi mwa Siita sa Mulilo se, ni kukala ku nyanganyisa mubu, ni—ni lika Za na ezize, ni lilundu lelituka mulilo. Mi mane mutu ha na ka lika kutaha kwa lilundu lani, na ka shwa. Neli lelituna hahulu kuli neba Mushe asaba zikinyeho ya lifasi yeo. Mi, haiba nako yani Na nyanganyisizwe fela lilundu, nako ye Uka nyanganyisa lihalimu ni lifasi.

¹³⁸ Ku cwani he ka Kanya Ye? Haiba lani neli lisila la nama, se ki sona . . . kuapeswa ka lisila la moya. Konakuli musike mwa lika ku talimela ku za nama; mukene kupunyeleza ku za Moya mi mubone fo muinzi, mubone hola ye lupila ku yona.

¹³⁹ Kikuli Ya mi fa zibo? Mwabona, Ki lisila la moya leli kwahezi sicaba, bali, “Ni wa Methodist. Ni yomunde inge mutu ufi kaufela. Ni wa Baptist. Mi Ni wa Pentekota.” Kikuli ha mu lemuhi cwalo, kuli nto yani neli lisila la sizo nji? Li patile Mulimu ku mina. Zani kona lika ze mi buluka kwa kusa ikona lika kaufela . . .

Oh, mubulela kuli, “Na huwa ni kutula-tula.”

¹⁴⁰ Mi ali, “Linzwi kaufela!” Eva na lumezi Linzwi kaufela kwanda lililiñwi. Mwabona? Ki Linzwi la Mulimu ka kutala, sepiso ya hola ye ye bonahalile. Mwabona?

¹⁴¹ Mulemuhe cwale halunze lu ya kwapili. Nina ni zeñata za kubulela fa, kono Nina ni mapampili akona kueza mashumi amabeli, kono ki . . . a—a litaba ze ñozwi, kono Ha—Ha nina kubulela ka ona kaufela. Mwabona, Nika akufa.

¹⁴² U patilwe ka lisila la nama asika bulela kale Linzwi kwa sicaba. Cwale, Mulimu una ni kuipata Iliyena, sina mwa Na sepiselize, mwa nama ya butu. Mulimu! Kikuli mwa utwa Zeo? [Kopano ili, “Amen.”—Mu.] Mulimu una ni kuipata Iliyena mwa nama ya butu, ni kubeya lisila la moya ku bona, (kuli, “Kihande, Na ni wa *se mi Ni sani*”), fa kubulela kwa sicaba. Mi cwale lisila

lani, ili lisila la sizo, hali pazuha fahali, konakuli za . . . zona ze ba bulela kuli, "Kiñi, mazazi a limakazo a felile."

¹⁴³ Mucaha yomuñwi naize kuna zazi leliñwi, neli—neli mukutazi yomunyinyani wa Baptist kwani, ataha kuna, Muzwale Green, mi ki hali, "Muzwale Branham, ki ye nto iliñwi ye Ni nyaza ku wena." Mi ali, "U lika kueza sicaba . . ." Neli kwa Ramada Inn, kone lubezi ni mukopano ona kwale. Ali, "U lika kueza sicaba kuli si lumele mwa lusika lwa ba apositola, kuli bapile kacenu sina mone ba pilela mwa lusika lwa ba apositola." Bali, "Lusika lwa ba apositola lu felile kale ni ba apositola."

Se nili, "Lu felile?"

"Eehe."

Se nili, "Ki mañi ya nali mubuleli wa mwa lusika lwa ba apositola?"

Ki hali, "Neli ba bapositola baba lishumi ka bababeli mwa sibaka sa ndu ya fahalimu."

¹⁴⁴ Se nili, "Konakuli Paulusi na si yo." Se nili, "Mubuleli neli Pitrosi. Mi yena Pitrosi na bulezi cwana, ka Lizazi la Pentekota, hane ba boni zani kaufela ha liezahala, mi Moya o Kenile unzo beleka, ki hali, 'Sepiso i filwe mina, ni kwa bana ba mina, mi kuba bali kwahule kaufela, hamoho cwalo mane ni bao kaufela Mulena Mulimu wa luba uka biza.' Haiba U sa biza, konakuli Nto yeswana isali teni. Ki lili fo ne lufezezi lusika lwa ba apositola kanti? Lusika lwa ba apositola lu ka fela Mulimu ha tuhela kubiza." Na si ka bulela sika kono ananula fela kuwani ya hae mi aikela.

¹⁴⁵ Si lwala Linzwi fa kueza cwalo. Ki Linzwi. Jesu na bulelezi Satani kuli, "Ku ñozwi." Mwabona? Kona cwalo, "Ku ñozwi."

¹⁴⁶ Se nili, "Pitrosi naize kuli lusika ne lusike kufela. Kuya ku bao kaufela Mulena u ka biza, Mbuyoti ye neli ya bona. Cwale muli, 'U tuhezi.' Lili?"

"Hakuna bumaswe bo bu ezizwe?"

Se nili, "Batili, sha, hakuna ni hanyinyani. Zwelapili." Uh-huh. Ona fani. Mwabona?

¹⁴⁷ Pitrosi na bulezi kuli neli ku mutu kaufela yo Mulimu na ka biza, na ka amuhela Mbuyoti yeswana ya lusika lwa ba apositola. Lani—lani ki Linzwi la Mulena. Mwabona?

¹⁴⁸ Cwale lisila la nama. Mulimu, yena Linzwi, na patilwe mwa nama ya butu. Neli sikamañi sani? Mulimu na patilwe ku Mushe. Mulimu nali ku Mushe, inza patilwe, mi Pata ya Mulimu neili ku yena. Nali ya petehile luli ni Linzwi lani inge liinzi ku yena cwalo, kufitela ato i pata kwa sifateho. Mi neli mupolofita ya pakilwe ki yena yana patulula Linzwi ni ku ba bulelela, "U sike! U eze sa kuli! Mi hauba kueza sa kuli!" Mwabona?

¹⁴⁹ Ka kufa Linzwi la Hae kwa lusika lo, Na ipatile Iliyena mwa mubili wa butu, kamba Linzwi nelika foufaza mane ni bona baba bizizwe. Mwabona? Nihaiba sicaba sene sili kwande kwani, neba si ka yemela kubona zani. Mwa—mwa Exoda lu fumana kuli, neba bulezi bali, “Mutuhele fela Mushe abulele, isiñi Mulimu.” Mwabona libaka Siita sa Mulilo ha si sa bonahali? Mwabona?

¹⁵⁰ Mulimu naize, “Ni—Ni—Ni ka eza cwalo. Ni ka ba tiseza Mupolofita.” Amen! “Ni ka ba tiseza alimumu.” Mi Ataha ona cwalo ka swanelo. “Nia ka tisa, mi Uka ba ni kueza cwalo, kuba Linzwi.”

¹⁵¹ Na ize, “Haiba ba bata kubona seo Linzwi lili sona . . .” Ali, “Cwale, Mushe, Ne ni bonahalile ku wena kwani, kwa sicacani se situka.” Ali, “Ni ka taha ku to tukisa lilundu lani ka mulilo.” Ali, “Baka bona kuli ubulezi niti. Ni ka bonahala kwanu mwa—mwa—mwa mukwa o swana wa kutuka. Ni ka bonahala kwanu mi ni to iponahaza kwa sicaba, Ni ka paka bulumiwa bwa hao.” Sani kona sa Na bulelezi Mushe fa, manzwi amañata luli.

¹⁵² Mulemuhe, Na bulezi kuli, “Cwale Ni ka—Ni ka kufa kanya fapila sicaba.” Mi, “Cwale, no ba bulelezi kuli Ne ni ku katani kwani mwa sicacani sesi tuka; cwale Ni ka shetumuka, ki Mulilo o swana, mi Ni ka lumelela sicaba kubona kuli no sa buleli buhata ka Zona.” Mwakona ku Li lemuha ka sayansi, mane, haiba ubata cwalo. Mwabona? “Ni ka taha cwale mi baka ziba.”

¹⁵³ Mi ha Na kalile ku utwahalisa mishika, fani Jehova ha kala ku utwahalisa mishika, sicaba sali, “Bali! Bali! Bali! Usike wa tuhela kuli Jehova abulele; luka—luka shwa.”

¹⁵⁴ Mwabona, Nana ni kupatiwa, kuli Mulimu yena Kasibili ku Mushe mi afe Mushe Linzwi. Mi Mushe a shetumuka abulela Linzwi la Mulena, ni sifateho se si ikapesize. Yeo ki niti njí? Jehova na patilwe mwa mufuta wa mupolofita, kakuli ne kukaba ona cwalo . . . Mi Mulimu abulela kuli Hasana kubulela ku bona ka mukwa wani hape. Na ka bulela fela ku bona ka mupolofita. Yani kona nzila fela ya Na ka bulela ku bona ka yona. Yani ki yona nzila inosi fela Ya kile abulela ka yona. Yeo ki niti. Kwali kuba ni yeñwi hape. Yena ha pumi.

¹⁵⁵ Mulemuhe, ki Mushe fela ya nana ni Linzwi. Cwale, neku sina si—si sikhata se ne sitilefafasi, neku sina nihaiba Bafarisi, kamba Basaduki, kamba neku sina ni—ni nihaiba kakwata ka sili ka mushobo. Neli Mushe! Na ngile muuna alimuñwi. Hakoni minahano yemibeli kamba yemilalu ye shutana. Yena unganga mutu alimuñwi. Mushe nana ni Linzwi, mi Mushe fela anosi. Joshua yena mane na sina Zona. Hakuna usili hape ya na nani Zona. Amen! Joshua neli—neli muzamaisi; Joshua neli mulaeli wa mpi; Joshua neli mulumeli, neli Mukreste. Kono Mushe neli mupolofita! Linzwi halikoni kutaha ku Joshua; Nelitile ku Mushe. Nali yena mupolofita yomutuna wa hola yani. Mulemuhe, Linzwi ne li si ka taha ku Joshua konji pili Mushe

hana saile. Batili, sha. Mulimu u talimananga ni mutu alimuñwi ka nako. Mulimu ki alimuñwi. Mwabona? Cwale, ki Mushe fela ki yena yana ni Linzwi, isiñi sikhwata.

¹⁵⁶ Mutualime, Mulimu na lemusize mutu kaufela kuli basike ba lika ku latelela Mushe mwa sapalo sani; balikanyisi. Mwabona? Musali, muuna, uprisita, kaufela ya nali yena, abe cwani wa bulapeli, abe wa butu cwani, kamba na kutekeha cwani, kamba nali ya cwani; Na lemusize ali, "Musiyi Mushe anosi! Mi haiba mutu ufi kaufela, kamba neba folofolo, yene ka ngunyuta kwateni, neina ni ku bulaiwa ona fani." Neba sa lukeli ku punya lisila lani. Lisila lani ki la mutu alimuñwi. Liñusa lani lililiñwi. Mwabona? Mwa tempele, muuna alimuñwi na kenanga teni hañwi ka mwaha, ya tozizwe yana kenanga mwateni; isiñi kuli azwise Linzwi, kono kuli afe mali. Kuli mane akene mwateni mwani fapila Lona, neli alimuñwi fela. Muuna usili fela na ka shwa. Mwabona?

¹⁵⁷ Ba shwa ka moyo cwale. Le ki lisila la moyo. Mwabona? Lani neli lisila la nama. Le ki lisila la moyo. Mwabona? Ba tundamena ku zamaela kwa mulaho kwani, mwakona ku ba bulelela. "Oh, Na ziba! Na ziba cwalo, kono Ni . . ."

Se nili, "Zwelapili cwalo, ku lukile, li bulela fela . . ." Mwa hupula, koto ya mafelelezo mwa Egepita neli lifu, ku sikaba kale mututo. Koto ya mafelelezo fa lifasi ki lifu la moyo, ku sikaba kale mututo. Mi kona baka cisiwa ni ku fetuha kuba fela liluli, mi baba lukile ba ka hatikela fa mulola wa bona. Kono nto ya mafelelezo ki lifu la moyo, ka kuhana Linzwi.

¹⁵⁸ Cwale mulemuhe, Mulimu na lemusize mutu kaufela kuli asike a latelela Mushe kukena mwa lisila la Mulilo. Mushe na lukela ku apeswa, na zwezi kwande. Mushe akena ali Mushe, akena mwa Siita sa Mulilo se; mi ha na zwezi fande, na ikapesize. Kakuli, na keni mwahali Mwani, kuzwa kwa lizo za habo, ona lizo za bashemi. Na boni Siita sa Mulilo, kono cwale u *kena* mwa Siita sa Mulilo. Mwabona? Amen! Mi wa taha cwalo, inza ikapesize. Linzwi la Mulimu ku mutu, inza ikapesize! Ki ha taha inza zamaya kuzwela kwande, oh, mawi, Na bona cwalo. Na lemusize kuli hakuna yana lukela kulika zeo, hakuna mutu ya kona kulikanyisa Sani. Ki hande musike mwa lika. Mwabona? Nihaiba uprisita kamba muuna ya kenile, yo nali yena kaufela, muituti wa za bulapeli, bishopu, sika kaufela, yana ka lika kukena mwa lisila lani, na shwa. Mulimu na ba lemusize. Haluna kuba ni kulikanyisa kufi kaufela.

¹⁵⁹ Linzwi la Hae li patululwanga ku alimuñwi. Kamita kubanga ona cwalo, mupolofita na taha ni Linzwi la Mulena, lusika lufi kaufela, ka nako kaufela, mwahala Mañolo kaufela. Linzwi litahanga ku alimuñwi. Mwa lusika kaufela, ka ku swana, mane nihaiba mwa masika a likeleke, kuzwa kwa simuluhu luli kuwa kwa maungulo. Babañwi bana ni libaka za

bona, yeo ki niti, mulemuhe, kono muinele kwahule ni Siita sa Mulilo sani. Mwabona? Haki tuto ni yeo ye lu ituta fa! Mwabona, mutu kaufela ya bata kuba inge Mushe, ni ufi kaufela . . .

¹⁶⁰ Mwa hupula sene ba bulezi bo Datani ni babañwi kwani? Neba ize, “Cwale, Mushe, libelela pili fa muzuzu fela! U i kutwisia hahulu, mwabona. Cwale, kuna ni baana babañwi mo ba bizize Mulimu.”

¹⁶¹ Yeo ki niti. Bona, mutu ni mutu, neba latelela hande ibile fela neba zamaeleta hande cwalo, kono cwale yomuñwi hana likile ku hateleta ni kunga sibaka sa Mulimu sa Na file ku Mushe, yena yana lukiselizwe ni ku supiwa kueza musebezi wani, ali ku amuha musebezi wani, mulilo wawa mi wa kwalula mubu ni ku ba miza kukena mwa mukoti. Mwabona? Mwabona? Mu tokomele. Mwabona? Kuba fela yomunde, Mukreste wa bumulimu wa Mulimu, ya lumela Linzwi. Mwabona? Uinele kwahule ni Siita sani. Haki tuto ni yeo!

¹⁶² Mulimu na bonahalile pili ku Mushe mwa sicacani se situka mulilo, Mulimu na patilwe mwa Siita sa Mulilo. Cwale muteeleze ka tokomelo cwale fa muzuzu fela. Mulimu, natile pili ku Mushe, Na ikapesize. Mulimu nali mwa Siita sa Mulilo, na ipatile kwa mulaho wa sicacani, mwabona; inge kwa mulaho wa matalo, mwabona, kwa mulaho wa sipula sa sishemo kwa kataala. Mwabona? Na patilwe. Yena kamita wa ipatanga. Mi cwale ha Na tile ku Mushe, Nali mwa Siita sa Mulilo, na patilwe mwa Siita sa Mulilo. Kono fa, fapila sicaba, Mulimu na mu pakile ka Siita sa Mulilo se si swana. Mwabona? Mushe ali . . .

¹⁶³ Cwale mutualime. Kana mwa bala? [Kopano ili, “Amen.”—Mu.] Kana mwa lumeleza mihupulo ya mina kuyambaela kwahule? Kikuli mwakona? Kana . . . “Yana ni lizebe, a u twe.” Mwabona?

¹⁶⁴ Mulimu hana bonahalile ku Mushe, neli Siita sa Mulilo, fani Ha mu bizeza kwa bulumiwa bwa hae. Mi Mushe ataha ku to bulelela sicaba ka zona. Neba sa lumeli, niha na ezize limakazo ni lika zeñwi. Kono, nako ye, A iponahaza, ku bonahala ka sayansi mi apaka bulumiwa bwa Mushe kuba Mulimu ya swana ya na bulezi ku yena, kakuli Na bonahalile mwa mufuta wa Siita sa Mulilo ni ku to tumbula mulilo wa lilundu. Mi Sa taha ku Mushe mwa sicacani, sa bulela ni yena. Ku lukile.

¹⁶⁵ Kubonahala kwapili kwa Mulimu, ku Mushe, mwa sicacani se situka mulilo, lisila. Fapila sicaba, Mulimu na ipatile hape mi apaka Mushe, ka lisila, ka kuipata Iliyena ka Mulilo o swana, Siita sa Mulilo se si swana sa tahafafasi. Kuzwa—kuzwa fani . . . Kuzwa ku bona, kuli ba kone kuutwa Linzwi la Mulimu. Mwa utwa nji? Ki Linzwi fela, neba utwile Linzwi la Hae. Kakuli, Mushe nali cwalo, ku bona, ali Linzwi lelipila. Mushe! Mwabona, Mulimu upakile cwalo kuli Linzwi lani ka Mushe! Mwabona, Mushe naize . . . Mulimu naize ku Mushe, “Shetumuka kwani. Ni

ka ba ni wena. Yena uka . . . Ha kuna se si ka yema fapila hao.
KINA YO NILI YENA.”

¹⁶⁶ Mushe ataha inza shetumuka, mi ali, “Hamukoni kulumela lika ze, mwendi, kono Mulimu a bonahala ku na mwa Siita sa Mulilo mi U ni bulelezi zona lika ze.”

¹⁶⁷ “Oh, luna ni mikwa ya lika kaufela ze sweli ku ezahala.” Faro ali, “Kiñi!” Mulisana Faro ali, “Kihande, una ni makilikicani a bunolo. Kiñi, Nina ni ba mabibô kwanu ba bakona kufetula noha kuba . . . kota fela—kota fela kuifetula noha. Amutahe kwanu, ba mabibô.” Mi ba taha kwani ni kueza nto yeswana.

¹⁶⁸ Mushe na ziba. Hakuna sika sene si mu kataza. Ki babakai balikanyisi bene bibile ni bona, neba si ka ba ni shutano ni yenyinyani. Mushe a yema fela inza kuzize. Nto ya pili mwa ziba, ba pitihana bukaufi fa nako nyana, mi, ka swanelo, noha ya Mushe ne itilo kala kuca linoha zeñwi. Mwabona? Kiñi? Sina ba apositola bani, neba sa Li toloki. Mushe na sa zibi ka mo Mulimu na ka ezeza, kono Na ka eza ona cwalo.

¹⁶⁹ Muhupule, Na bulezi kuli Jambresi ni Janise ba ka kuta hape mwa mazazi a maungulo, mwabona, malikanyiso. “Mi ba ka puma ni bona ba Baketilwe haiba ki nto ye konahala,” Mateu 24:24. Mwabona? Ona cwalo ki lika ze swana fela, kueza lika eza lika ze swana za limakazo ni lika kaufela. Mutualime Linzwi lani! Mutualime Linzwi lani! Mutu ubulela kuli ukona kueza makazo mi u sa lumela kuli kuna ni Balimu babalalu, mi kuna ni mikwa ye kaufela; muzwe kwa mukwa wani. Lu ziba kuli—kuli zeo li fosahalile, mwabona, hakuna nto ye cwalo. Mwabona? Linzwi, Linzwi kaufela, Linzwi kaufela le li zwelela mwa mulomo wa Mulimu! Genese, Linzwi lililiñwi! Ona kwanu, ali, “Musike mwa tusa linzwi kamba ku ekeza linzwi.” Mwabona, Lina ni kuba Linzwi leli swana. Mwabona?

¹⁷⁰ Mulemuhe, batu hakuna se ne ba boni sene si ezahalile. Mushe na patilwe sina . . . Nali mupolofita, mi Mulimu na pakile Linzwi la Hae cwale, aya kulo kwani. Mi abona lisupo ni ze komokisa. Mi cwale, ku lukile, sicaba se sa fapahana mwahala sona, yona keleke. Mwabona, *keleke* i talusa “baba bizizwe.” Mwabona? Kasamulaho ba mano bizwa kuzwa mwa lifasi mi baba sicaba, mwabona, kipeto Mulimu uitibahaza Iliyena kuli Nali yena Siita sa Mulilo sani. Na bonisize liñusa la Mushe. Mwabona? Nali Siita sa Mulilo. Neba ka kona ku swanisa siswaniso sa Sona, Na sepa, kambe neba nani ma kamera, kakuli kaufela sona neli fela Mulilo. Kono neba—neba bonisize cwalo, Mulimu na bonisa kuli Liñusa ne li lukile. Liñusa neli li bukaufi, lika kaufela nelili cwalo, ne bakaba mwa mututo ka nako yani. Apata mupolofita wa Hae mwa mututo wo kwa sicaba se.

¹⁷¹ Mi sicaba, sa nahana, kakuli ne ba boni sene si ezahalile ku yena. Na sali ya shutana cwale kubaba siyezi kaufela ba Maisilael. Nali ya shutana, liñusa la hae ne li shutana, na

shutana kwa baprisita, na shutana kwa lika kaufela. Mwabona, nali mutu ya shutana. Sicaba ne si boni kuli nto yeñwi ne i ezahalile. Mulimu na ipatile Iliyena ku mupolofita wa Hae, kuli abulele Manzwi a Hae ku bona. Sani kona sa Na ezize. Mushe neli yena Linzwi lelipila lani kwa sicaba, lene li patilwe ka Siita sa Mulilo, inza bulela sene si ka patiwa kasamulaho mwa mulaho wa liapalo a matalo. Mwabona?

¹⁷² Linzwi neli zwile ku Mushe, pili. Mwabona? Mushe nana ni Linzwi. Na ñozwi ki Mulimu, hakuna ya na kona ku Li toloka, Mushe nana ni ku Li toloka, pili. Leo kona libaka hana ikapesa sifateho sa hae, kakuli na... Kikuli mwa Li bona? [Kopano ili, "Amen."—Mu.] Mwabona?

Kwanu ki Se. [Muzwale Branham u nanula Bibele ya hae—Mu.] Ne luka I nanula, ku I lwala, ni lika zeñwi kaufela mwateni, kono Li lukela kupatululwa. Fa kuli ipatululwe, Mushe nana ni kuba Mulimu kwa sicaba.

Mu li, "Bwani ki bukuba."

¹⁷³ Kiñi, Na ize, mane ku Mushe, Yena kasibili, "Ukaba Mulimu, mi Aruni ukaba mupolofita wa hao!...?..." Mwabona? Kacwalo ki Yo ataha, mwabona, Nana ni ku ikapesa Iliyena, kakuli Mulimu ubanga kwa mulaho wa lisila. Oh, mawi! Kikuli mwa Si bona nji? [Kopano ili, "Amen."—Mu.] Mulimu wa ipatanga kwa nyangela.

¹⁷⁴ Naize, "Ndate, Ni itumela ku Wena, U Li patezi baba butali ni ba ngana, mi u Li patululezi kwa limbututu, bona baba bata ku ituta." Mwabona?

¹⁷⁵ Mulimu na ipatile kwa mulaho wa lisila. Mushe na apesize sifateho sa hae. Mushe nali Linzwi lelipila le li apesizwe ka nako yani. Sicaba sa bona Siita sa Mulilo sani, bali, "Cwale kikale lu kolwa." Mwabona? "Mutuhele kuli Mushe abulele." Mwabona? "Usike wa lumela kuli Mulimu abulele, lu ka suhana lu shwa." Mushe a zamaya kukena mwa Siita sa Mulilo sani. Mwabona?

¹⁷⁶ Mi abulela cwale, Ki hali, "Cwale Ha—Ha ni sa tola ni bulela ku bona ka mukwa wo. Ni ka bafa mupolofita." Mwabona? Mi yani kona nzila Ya ezanga ka yona kamita. Mwabona? Ali, "Cwale ba lukulule kuli ba zamaye." Kono mupolofita yo una ni kuba ni Linzwi le. Haiba u apesizwe ka sizo, konakuli Mulimu ha si ka mu luma. Haiba u apesizwe ka Linzwi, Mulimu uka Li paka. Mulimu u tolokanga Linzwi la Hae Tota. Mushe na A bulezi; Mulimu a A toloka. Amen.

¹⁷⁷ Mushe ali, "Mulena abulela cwalo!" Mi Mulena aeza ona cwalo fela sa Na bulezi. Sani sa to Li kondisa.

¹⁷⁸ Cwale ki Hali, "Cwale, Mushe, wa utwisisa. Sicaba sa utwisisa cwale. Mwabona, Ni ku bonisize, Ni ku pakile." Mulimu na ipatile Iliyena ku mupolofita yoo, kuli abulele Linzwi la Hae kwa sicaba. Mushe neli Mulimu yapila ku bona, Linzwi lelipila

la Mulimu le li i ponahalize. Ki kabakaleo sifateho sa hae hane si kwaheliwa. Mwabona?

¹⁷⁹ Mi kana mwa ziba kuli nto yeswana ku Mukreste wa niti i patilwe kacenu, ku baba sa lumeli? Ba bona basali bani ni milili yemitele ni lika zeñwi, bali ki... “Mutalime fa mubonahalelo wa kale wani.” Basali ba fetula milili yabona ku kutisa kwa mulaho, bali, “Nina ni taya ye pompolokile, taya yeñwi itemi kwani.” Mwabona, Li patilwe kaufela. Ki libofu. “Oh,” ba li, “Nina ni Ph.D, L...” Hanina taba ka so nani, u sa li sitimbi kwa Linzwi. Yeo luli ki niti. “Oh, sani, sani ki nto yeñwi yenyinyani fela. Ni...” Munge lituto zenyinyani pili.

¹⁸⁰ Ku cwani he kwa batu baba bulela kuli ba patilwe fa Pila kubateni kwa Mulimu, kono inge ba kutaza sizo sa mwa keleke? Oh, makeke, bunde! Ki ku ekeza ni ku zusa kwatensi, mi ni lika zeñwi kaufela, ka kubeya lituto za bona bañi ni milelo, mi isi Linzwi la Mulimu, mwabona, ki lisila la mufuta mañi? Lani neibanga lisila la za bulapeli. Mulimu upazuzi lisila lwani fahali ku likwalula!

¹⁸¹ Mi bali, “Hakuna nto yecwalo ya kuli bapolofita. Hakuna nto yecwalo, mwa mazazi a maungulo aa, za kuli ba apositola ni bapolofita. Hakuna nto ya kuli foliso ya Bumulimu. Hakuna nto ya kuli baboni, hakusana. Hakuna nto ya kuli Mareka 16 ya kona ku talelezwa. Lusika lwa ba apositola lu felile.” Neba Li patile kwa sicaba. Kono Mulimu a zamaya ni Moya o Kenile wa Hae wa Mulilo, mi a pazula sika sani kuzwa kwa halimu kuisa kwata-... [Hakuna manzwi fa tepu—Mu.] Mulimu upazuzi lisila.

¹⁸² Mushe nali lisila, ili Linzwi la Mulimu lelipila lene li patilwe mwa mulaho wa nama ya butu. Siita sa Mulilo ne sili ku Mushe, eni sha, kubulela ka zene ka patiwa kasamulaho wa matalo a mibili, mwa bona.

¹⁸³ Cwale, fo, Linzwi, Linzwi ne li tisizwe ku bona, mi ki ha Li ñozwa, mi ki Ha libeiwa kwa mulaho kono li sa apesizwe, kakuli Mulimu nali kamita mwa Linzwi lani. Amen! Ki Yena Linzwi, kamita. Nali mwa Linzwi lani. Lani kona libaka Linzwi lani hane li patilwe.

¹⁸⁴ Oh, muzwale, kezeli, kana mwa Li utwa nji? [Kopano ili, “Amen.”—Mu.] Mutualime! Kana hamuboni nji? Li bile lipatilwe mwahala masika aa kaufela, kuya ka sa na bulezi Mulimu, mi Li ka kwaluha mwa mazazi a maungulo, Maswayo Asupa ani na ka kwaluha, mi Taba ka kutala ne ika taba mwa ponahalo ya ngandaleza, se sibile si ezahala linako ze kaufela. Ki hola ya Liñusa la lingeloi la busupa, likunutu za Mulimu kaufela li lukela ku zibahala ku Elia yani wa hola ye; ka mo Kreste a lelekezwi kwande a keleke ya Hae, ali Mwana Mulimu; ka Mwa patululezwi kuba Mwana mutu hape; kuli mane Keleke i lukela ku beiwa mwa sikuka, ni lika kaufela za lizazi la maungulo, hakuna tuto ya bulapeli, hakuna kopano, ki Linzwi ona cwalo

ka kupetahala leli pila ku mutu. “Nika nga iliñwi, ni ku siya iliñwi. Ni ka nga *ye*, ni ku siya *yani*.” Mwabona? Kuna ni fela... Hakuna litaba zeñwi, hakuna likopano, hakuna kutama kamba sika kaufela; ki pilu ni Mulimu, mi ki Yena anosi fela. Mwabona?

¹⁸⁵ Mulemuhe, ku patiwa mwa mubili wa nama. Mushe ni Linzwi lani, inza bulela sene si ka taha kasamulaho kwa mulaho wa matalo a mukata. Ili kuli... Kona ni Kreste mo abezi Mushe wa luna. Kreste ki Mushe wa luna. Nali yena Mulimu yana apezi mubili wa butu, inza apezi butu, mwa nama. Yeo ki niti. Mi ki Ya swana maabani, kacenu, ni kuyakuile. Na patilwe ka matalo a mukata. Na patilwe. Mi ka nako ye Na patilwe ku Muuna. Mwabona? Cwale mulemuhe, “ya swana maabani, kacenu, ni kuyakuile,” asepisa Linzwi la Hae kwa lusika *lo*. Usali yena Kreste, Linzwi leli sepisizwe kwa lusika *lo*, ne lipatilwe mwa mubili wa butu. Linzwi ki Mulimu.

¹⁸⁶ Tozo ki mutu. Linzwi leo la *Kreste* litalusa kuli “ki mutoziwa,” mwabona, “ki mutoziwa.” Mi, Mushe nali Kreste mwa mazazi a hae, na li yena mutoziwa. Jeremia neli Kreste mwa mazazi a hae, inza nani siemba sa Linzwi sa lizazi lani.

¹⁸⁷ Kono cwale Jesu hana tile, Natile ali Muliululi Ya Tozizwe; mi yani nali zepeli cwalo ali Mushe ni ze ne li ku Mushe kaufela, ni Linzwi kaufela, mi Bumulimu kaufela nebuli ka mubili ku Yena. Leo kona libaka lisila la tempele kaufela hane li pazuhile, mi ni sipula sa sishemo sa taha ka ku bonahala patalaza, Nali yena Ya tozizwe.

¹⁸⁸ Mulemuhe cwale, sapalo mwa nama ya butu, Linzwi leli sepisizwe kwa lusika *lo* lina ni kupatiwa hape. Mulemuhe. Ma membala ba keleke baba lata sibi ha bakoni ku Li bona bakeñisa sapalo sa butu.

¹⁸⁹ Leo kona libaka hane ba sa Muboni. “Kiñi, Ki mutu. Ki kai kwa Na zwelela? Ki kadi ya kopano ifi Ya nani? Ki Wa keleke ifi?” Ni bata kubulela fa tabo yeo busihu boo, “Ki Wa keleke ifi?” Mwabona? Mi kacwalo, mubone, cwale, “Ki Wa keleke ifi, ki—ki sikwata sifi? Ki sikolo sifi sa Na bile ku sona? Ki kai ko A zusize tuto ya Hae? Kihande, Muuna yo na pepilwe, kuya ka sizo, kamba kuya ka—ka matangu a za Hae kwa sibaka sa kwanu, Muuna yo na pepezwi kwande a linyalo leli lukile. Kiñi, Yena, kaniti, Ki wa diabulosi. Mwabona, Ki—Ki wa diabulosi. Na pepezwi kwande a linyalo leli lukile, mi Josefa na mu nyezi fela kulí asike a pobaulwa ka macwe, kakuli nali fela lihule. Mi kipeto Muuna yo ato bulelala luna baprisita sa kueza?”

¹⁹⁰ Mi yani neli Mulimu yana yemi fani, inza patulula Linzwi lani, inza lila, “Mulimu wa Ka, U Ni tuhelezi ñi?” Ona lipina luli zene ba opela mwa tempele, zona za na ba opelezi Davida myaha nyana kwa mulaho, kuama ni Kreste. “Masapo a Ka kaufela a Ni talimezi. Ba tabile mazoho a Ka ni mautu a Ka.” Mi neba yemi

fani, inge ba opela cwalo, mi yena Muuna ya swana na shwa fa sifapahano. Mi cwale haba fela ba kena mwa . . .

¹⁹¹ Mi Ha shwa, Mulimu wa Lihalimu ataha fafasi, sina mwa Na ezelize fa Lilundu la Sinai, ka Mulilo o Kenile, ni ku to cisa lisila la tempele lani kuzwa kwa halimu kuisa kwatasi, ku li pazula fahali. Mi ki sikamañi sene ba ka eza? Mutualime kwande a tempele kwani mwa lihau, fa Kalvari, mi ne kuna ni Mulimu yana iponahaza patalaza, yena Sitabelo.

¹⁹² Kono ha ba Si boni ni cwalo, kacenu. Mulimu mwa lizazi le u pazuzi lizo zani, mi utisize Linzwi la lusika lo ku bonahala patalaza, kono niteni ha ba Li zibi. Fela ha ba Li zibi. Ki—ki nto ye bunolo hahulu. Mwabona, ki nto ye bunolo hahulu. Ki lika ze kwahule hahulu ni lika za lifasi.

¹⁹³ Ne ni kutalize zazi leliñwi mwa mukopano omuñwi, ka za, “Kuba sikuba.” Leliñwi la mazazi a Ni bata kubulela fa taba yeo, “Kuba sikuba.” Luna kaufela lu sikuba ku yomuñwi, kacwalo—kacwalo Ni kaba sesiñwi sa Kreste. Paulusi naize kuli “na baliwa kuba sikuba.” Luli, muna ni kuba cwalo. Mwabona, si lwala sitamiso kuli mungungeke lika hamoho. Mwabona? Yeo ki niti.

¹⁹⁴ Kacwalo mulemuhe lisila, mubili wa nama. Batili, cwale, sicaba se si lata sibi ne si sa boni lika zeo. Batu ba bulapeli bani, neba sa boni lika zeo, kakuli Nali mutu. Kiñi? Ona mubili wa nama wani no patile Mulimu.

¹⁹⁵ Cwale, haiba Nali ona Siita sesituna sa Mulilo sani sene si tile fafasi, mwabona, Siita sesituna sa Mulilo ne si tile fafasi mi sa ba bonisa sa Nali sona, kuli Nali sona Siita sesituna sa Mulilo se, neba ka lumela; kambe Jehova na ka zamaya zamaya.

Kono mwa bona sa Na ezize, ili kuli A fitelele baba butali kaufela, batu ba ngana, Na i patuluzi fela Iliyena sina mwa Na sepiselize Mushe, mwabona, “Ni ka bulela ku bona ka Mupolofita.” Mi Nali Mwana mutu, ili Mupolofita. Mi babañwi ba ku bona ba Li lemuha, mwendi ku likana ni mwanda mwa mwanda wa lifasi, neba Li lumela; babañwi baba siyezi neba si ka lumela. Kono, Nali cwalo, ka kuswana fela.

¹⁹⁶ Kono ki yani Mulimu Yamata na yemi mwa ponahazo fa ngandaleza ka kutala, Sipula sa Sishemo! Na shwa mane bana ba Hae Tota inge ba bulela . . . Bana ba Hae Tota kwani, nebali, “Haluna kuba ni Yena! A luna taba ni Yena!” Ba Mu kwelaka mati.

¹⁹⁷ Ki mufuta, sina kwa mulaho, fani Davida ha na zwa mwa tempele, ali mulena ya hanilwe. A zamaya mwa nzila, mi muuna muhulu yomuñwi, wa sihole ataha inza hohoba cwalo, na sa mu lati, a mu biza kuli “muipi ya supezi” kamba nto yeñwi, amu kwela mati kwa sifateho. Mi mulibeleli yani a comola mukwale, ali, “Ni ka tuhelela toho ya nja yani iine ku toho ya hae; mi a kwelake mati mulena ka?”

¹⁹⁸ Davida ali, “Amu musiye, Mulimu na mu bulelezi cwalo.” Davida hakulata na sa zibi sa na bulezi. Ayo pahama lilundu, atalima kwa mulaho, a lila.

¹⁹⁹ Myaha ye mianda ye ketalizoho ka zetalu kuzwa nako yani, Mwana Davida na pahama lilundu, atalima fande, a lila bakeñisa Jerusalema, ali Mulena ya hanilwe. Mi ba Mu kwelaka mati kwa sifateho.

²⁰⁰ Kikuli hamu boni? Ki nto yeswana. Mwabona Linzwi lani ha li taha, mo li latelezi cwalo kacenu? Kamita li hanilwe ki sicaba, mwabona, mi li lumelwa ki ba sikai.

²⁰¹ Cwale, mwabona, neba si ka Li lumela. Magerike bani, neba si ka Mu bona, Nali mwa tempele ya Hae ya butu. “Kiñi,” neba ize, “libizo la muuna ki Jesu; Wa kwa Nazareta.”

²⁰² Cwale, neba nani fela libizo liliñwi mwa mazazi ani. Inge, “John, Jim,” neba ize, “John wa kwa Jeffersonville, Jim wa kwa New Albany,” kamba nto yeñwi ye cwalo, mwa bona.

²⁰³ Mi ali, “Yo ki Jesu wa kwa Nazareta. Ki nto ye zibahala kuli bo ma He neba itwezi mba musole.” Mwabona? Mi cwalo kona mo ne ba lumelela. Luli! Mi lu bulele kuli, cwale, “Mi yo ki Jesu wa kwa Nazareta.” Mwa bona? “Ki Yena mañi?” Mwabona, neba sa utwisisi Zani.

²⁰⁴ Kono, kiñi, Linzwi le la lizazi lani, ha Na kutaza, naize, “Mubale Mañolo. Ku Ona muhupula kuli muna ni Bupilo Bobusafeli, mi ki Ona apaka Yo nili Yena. Haiba ha mu Ni lumeli; mu Ni libale, sina sapalo, mulumele Linzwi leli taha mwa mulaho. Zepeli ki bupaki,” Na ize, “Na bulela mi ni Ndate wa Ni ambolela kwateni.” Amen. Yeo ki niti.

²⁰⁵ Ni bulela ka Linzwi la lizazi le, mi ni Ndate wa Li paka cwalo. Cwale kana bo ki bupaki ku mina nji? [Kopano ili, “Amen.”—Mu.] Ki cwalo, mwabona. Cwalo kona mo i lukela ku talelezwa.

²⁰⁶ Mulemuhe mwa Makorinte Babubeli cwale, ba...mwa Makorinte Babubeli, kauhanyo ya 3, timana ya 6, tempele ya kale neibulukile Mulimu kwa mulaho wa matalo a kale, kwa Majuda. Mi lisila la kale hane li pazuhile, niteñi Majuda... neba foufalizwe ku Yo nali Yena, ni Yo ali Yena cwale. Mi cwale Pentekota ya patulula Mulimu wa niti yapila kuli Nali mañi, mi lisila lani hane li pazuzwi mwa liemba zepeli, ni Mulimu, kuzwa kwa halimu. Kiñi lisila lani hane liezize cwalo? Kiñi hane li ezize cwalo?

²⁰⁷ Kiñi zene kutezi Liñusa la mufuta o cwana kacenu ku to eza ze Li ezize? Kiñi ze ne Litezi? Kiñi?

²⁰⁸ Kuna ni yana ni bizize, zazi leliñwi kwanu ha ki kale hahulu, na bata ku kanana ni na kaza—kaza lusika lwa keleke, kuli, “Mulimu nali mwa keleke ya Hae ye kenile,” ni lika ze cwalo. Mi Na fumana kuli neli mukutazi wa musali, mi Na tokwa ku li

iseza ngana. Mwabona, kambe neli muuna sani ne si kaba hande, ne kuka shutana. Kono, kacwalo, kono tuso ki ifi ya kukena mwa na ha yeñwi kwani, ha Nina ni kuzwa mwa mukopano kwanu ku yo eza cwalo, mwa bona? Kacwalo Na ba siya fela ona cwalo. Sibofu ha si etelela sibofu, bao—bao kaufela ba ka wela mwa musima.

²⁰⁹ Kacwalo, kacwalo mwa lusika lo, fani kopano ya kale ni lisila la sizo ha li pazuhile, kuzwa kwa Linzwi la Mulimu, kuli Li kone ku bonahala! Mwabona se Ni talusa? Sizo si bulela kuli, “Lika zani kaufela li felile.” Ha Li nwele hanyinyani. “Lika li felile.” Kono, mwa lizazi la maungulo, lisila la sizo lani li pazuzwi, mi fa ku yemi Siita sa Mulilo. Mwabona? Ki Yo fa, inza bonahalisa Linzwi la lizazi le. Lisila li pazuhile.

Cwale, lifasi, niteni ha ba Li lumeli. Hakuna taba kamba ki sikamañi, habana ku Li bona. Ha ba Li boni. Ne li si ka lumelwa ku bona.

²¹⁰ Muhupule, Mwana Mulimu na si ka patululwa kwa Sodoma; neli balumiwa bababeli. Yeo ki niti.

²¹¹ Kono, se, Mulimu yena Kasibili mwa nama ya butu ku Abraham, ya Ketilwe. Mi mutualime sa Na ezize fa ku Mu patulula. Mi cwale Abraham a ziba, kanti Na zibile sene sili mwa munahano wa Sarah kwa mulaho wa Hae, mi ali, a Mu biza kuli, “Elohim! Mutanga Hao . . .”

²¹² Mulemuhe cwale, kuli i bonahale. Linzwi libile ni lisila fa halimwa Lona ona myaha ye i kaufela, kwa sicaba, “Halikoni ku ezahala.”

²¹³ Mwa hupula kutazo yene Ni kutilize kakusasana hane Ni zwile kwanu ka nako yapili, ka za Goliati ni Davida? Ne ni ize, “Mutalime fa butata kwande kwani, baba bulela kuli ‘mazazi a limakazo a felile.’”

Mutalime matepu ani ha nza taha ka ku shetumuka cwalo, mutualime yeñwi ni yeñwi, mo I tezi ka kupatulula hande nde ona cwalo; haiba muna ni lizebe za ku utwisa, mwabona, meeto a ku bonisa.

Sikamañi? Se nili, “Ku yemi lifasi lelituna la za bulapeli kwande kwani, lu bulele kuli lusika lwa sayansi loo, lo lu bulela kuli halikoni ku ezahala.” Kono Ni bulezi ni ize, “Mulimu . . .” Mwa Liseli lani, mane Lu si ka ngiwa kale, kono hañwi; na lu sika ngiwa kale. Neli kwa nuka kwani; neba si kanga siswaniso sa Sona. Mwabona? Se nili, “Ani bulelala kuli ne li ka eزوا; Uka fa pizo mi ika kwana linaha kaufela.”

²¹⁴ Mi mane ni yena Dokota Davis, ali, “Wena, ni sikuwa sa sikolo seo, sa ku yemela mwa sitopa sa busupa, u lapelele malena ni mibuso, mi u kaleancafazo ye ka zukuza linaha?”

Se nili, “Sani kona sa Na bulezi.”

²¹⁵ Mi ku ezizwe. Mwabona? Mwabona, ku ezizwe. Yani kona taba yateni, ki yona, Yena ha tokwi toloko ifi kaufela. U ezize kale zeo. Mwabona, Yena sa ezize kale, sani sa i toloka ili sona, mwabona, inza biza Muketwa wa Hae, mwabona, kuzwa—kuzwa kwa maneku kaufela ba bupilo. Cwale li bonahalile.

²¹⁶ Ni bulezi kuli Davida na yemi kwande kwani, hanyinyani, fela, mucaha yo musisani ni mukokoto wa hae o obami, ni kafwililoso mwa lizoho la hae. Mi, kiñi, Saule amu talima, ali toho ya katengo ka bakutazi, ali, “Kiñi, wena, mane ha usika lutiwa kuba lisole!” Mi ali, “Tuhela lubone haiba Ni kona kukufa Ph.D. kamba nto yeñwi.” Amu mu apese sapalo se, mi . . . A fumana kuli ne si sika kwana muuna Mulimu.

²¹⁷ Ali, “Amu ni tubule liapalo ze.” Ali, “Hakuna se Ni ziba ka sona.” Ali, “Tuhela ni ye ka nzila ye Ni ziba, sene Ni lwanisize tau ka sona, sene Ni lwanisize bere ka sona.” Nali mufuta wa muuna wa mishitu. Ki hali, “Tuhela ni ye ka nzila ye.”

²¹⁸ Mi cwale ndatetuna Goliati wa kale yo ali, “Mu ni lumela nja ku to ni lwanisa?” Ali, “Ni ka ku nanulela kwa mafelelezo a muwayo waka ni ku lepeleza situpu sa hao mwa halimu mi ni linyunywani li ka icela.”

²¹⁹ Davida ali, “U taha ku na sina Mufilisita, ni sapalo sa ndwa ni mukwale, mi Na ni kopana ni wena ka Libizo la Mulena Mulimu wa Isilaele.” Mutualime mupolofita, Davida, ali, “Kacenu Ni ka puma toho ya hao kwa liheta la hao.” Amen! Oh, mawi! Na zibile sana nani, Yo na lumezi ku yena, mi na ikolwisisa luli kuli Na kona kubuluka sa na file ku Yena. Mwabona? Kacwalo kwa ezahala ni hakuli cwalo.

²²⁰ Pulelo ya kale ili, “Mazazi a limakazo a felile,” mamota a wezifafasi! Jehova u sa yemi fa ngandaleza mwa mubonahalelo otezi, inza bonahalisa Linzwi la Hae, kuli U patuluzwi. Yeo ki niti. Mulemuhe.

²²¹ Keleke ya Bamacaba i foufalizwe kwa lisila lona le, kasamulaho limano pazulwa kwateni ni kubonisa Mulimu, kuli ki lisila la bulapeli. Ka mukwa ufi? Ka kupata Linzwi mwa mubili wa butu hape. Sani ki sona luli sa na palezwi kubona Isilaele. Kambe neikaba Lingeloi fela kamba nto isili, Isilaele na ka lumela Zeo. Kono bakeñisa kuli ne si Lingeloi, mi nelimutu. Amen!

Mulimu hakoni kusinya Linzwi la Hae. Mwa mazazi a maungulo i lukela kuba nto ye swana hape. Mwabona? Ki sikamañi sene si foufalize Isilaele? Muuna yani. “Wena u Mutu ya Ikeza kuba Mulimu.” Sani kona sene ba Mu bulaezi, mi, kacenu, kakuli Liñusa litaha ka mutu mi isiñi ka Mangeloi. Mwabona? Mulimu hakoni kucinca nzila ya Hae, kucinca Linzwi la Hae. Na bulezi kuli Ha cinci. Mwabona? Mulemuhe, na sepisize! Mi Bamacaba seli libofu hahulu kacenu sina mo ne ba inezi ba

Isilaele, bakeñisa (sikamañi?) sa lisila. Mulimu na ipatile ku mutu, zeo za foufaza Isilaele.

Mulemuhe, u foufalize yomuñwi. Alimuñwi, Li ka foufaza; ni yomuñwi, Li ka patulula Niti. Li ka kwala meto a yomuñwi, ni ku kwalula meto a yomuñwi.

²²² Mutualime, Jesu na yemi mi ali, “Kihande, libizo la hao ki—ki—ki Simoni, mi libizo la ndataho ki Jonasi.”

Ki hali, “Mulena Mulimu!” Mwabona? Filipi . . .

Ki hali, “Cwale U ni zibile cwani?”

Ki hali, “Amubone mu Isilaele, ya sina kaiñole!”

Mi ki sali, “Muluti, ki lili fo U ni zibezi?”

²²³ Mi ali, “Mane Filipi a si ka kubiza kale, hanoli mwataswa kota, Ne ni ku boni.”

²²⁴ Mi ali, “Muluti, Wena u Mwana Mulimu. Ki wena Mulena wa Isilaele.”

²²⁵ Kihande, neku yemi babañwi fani, bali, “Yo ki Baalezebubi.” Mwabona? Ki sikamañi sene Si ezahalile? Ne si kwaluzi meto a yomuñwi, ni ku foufaza a yomuñwi. Baprisita ne ba bulezi sikamañi? “Kupalañi, Mucaha yani ki Baalezebubi!”

²²⁶ Musali yomunyinyani naize, “Ni ziba kuli Mesia wa taha, ya bizwa kuli ki Ya Tozizwe. Mwabona, Ya Tozizwe u ka taha. Halu sikaba fateni ni bapolofita . . . Wena ulukela kuba mupolofita. Kono Ya Tozizwe u ka taha. Lu Mu libelezi. A ki mazazi a maungulo ku Bamacaba . . . kamba kwa Majuda.” Ali, “Le kona lizazi la maungulo.” Mwabona, sibeli sa Masamaria ni Majuda neba libelela Mesia. Mwabona? Ali, “Ye ki nako ya Hae kuli a bonahale. Lwa ziba, Ha ka taha, Uka eza lika ze. Uka lu bulelela lika ze.”

Jesu ali, “Kina Yena.”

Meto a hae a kwalula; mapolisa, baprisita ba foufala.

²²⁷ Ona cwalo kona mo i evezanga Evangelii kamita. I kwalulanga meto a babañwi, i patulula Niti ku babañwi, mi inge I foufaza babañwi; ina ni taluso ya likalulo zepeli. Babañwi bakona kunga Mwana yani ni kutalima hande ku Yena, mi bay a bali libofu; babañwi bakona ku Li nga ni ku zamaya hande ni Lona. Kona shutano.

²²⁸ Sina mone ku ezezwa mwa lusika kaufela, Bumulimu ne bu patilwe mwa nama ya butu. Mulemuhe, Na eelize cwalo. Bapolofita nebali Bumulimu, bo bupatilwe. Nebali Linzwi la Mulimu (kana ki niti yeo?) le li patilwe mwa nama ya butu. Kacwalo, neba si ka lemuha Mushe wa luna ni bona, mwabona, yena Jesu.

²²⁹ Mulemuhe kupatiwa kwa mulaho wa matalo a mukata a kale mwa tempele ya kale, neli Linzwi, neli Linzwi le li bonahalile fa matapa a macwe.

²³⁰ Cwale, Ni ka lika kuba kwahule mwa mizuzu yekona kueza mashumi amabeli cwale, haiba Ni kona, kuli ibe hafu kasamulaho wa ilebene. Mulemuhe, haiba mu lemuha, ni apuzi makepe amañwi fa, mwa bona, kuli ni si ke na... kuli Ni si ke na pumela... kuibisa ye telele hahulu. Ni ziba kuli mwa utwa kucisa, ku kataala.

²³¹ Kwa mulaho wa tempele ya kale, mwa lisila, neli sikamañi sene sili kwa mulaho kwani? Jehova nali sikamañi? Neli sikamañi sene si patilwe kwa mulaho kwani? Lisila ne lipata sikamañi? Oh, haleluya! Lisila ne lipata sikamañi? Ne li pata Linzwi. Lisila, ona matalo a kale a mukata, na patilwe, neli kupata Linzwi kwa meto a bona, a nama. Kwa mulaho kwani, hape, neli sinkwa se si sina mumela. Kwa mulaho kwani, hape, neli Kanya yetuna ya Shekina. Kono Ne li patilwe zeo kaufela ku bona. Ne li patilwe kaufela. Kanya ya Mulimu kaufela neili ona kwa mulaho wa litalo la mukata lani, yeo ki niti, kaufela zona ne li patilwe kwa meto a nama.

²³² Ku cwalo ni kacenu, hape. Si bizwa kuli “ki sikhata sa bapikuluhi babakenile, bafitelezi ba tumelo,” kono ha ba zibi se sipatilwe kwa mulaho kwani. Zeo kona ze ba sa zibi. Mwabona?

²³³ Mi cwale Mulimu, mwa sishemo, hana pazuzi lisila kuli babone, ba kwahelwa hahulu mwa lizo za bona zene ba...ne li sa patilwe ku bona, mane kutofita ni lizazi le.

²³⁴ Ki nto ye swana ni cwale! Ki Kanya, ki Mata a Moya o Kenile, ki Kanya yetuna ya Shekina ye taha ku mulumeli, cwale Ni talusa mulumeli wa niti, ye tisa misebezi ya Mulimu ni tumelo kutaha ku yena, kuli a lumele Linzwi la Mulimu, zani kaufela li patilwe kwa meto a bona. Ba li, “Lika zeo li felile.” Mwa bona, ba sa pila kwa mulaho wa lisila.

Mina hamusaliyo kwa mulaho wa lisila lani ni hanyinyani, Bana ba banyinyani, Mulimu utile mwa ponahalo yetezi ku mina.

²³⁵ Ka zazi leliñwi, Muzwale Fred Sothmann, Muzwale Tom Simpson... Hani zibi kamba utile kwanu kamba nee. Buñata bwa luna neluli kwa keleke ya Baptist kwani, mi mukutazi a bulela nto yene utwahala hande luli. Kaufela luna lwali, “Amen!” Batu kaufela mwa keleke ba otolola milala ya bona ni kutilima kwa mulaho. Mwabona? Mwabona? Ne lu fumaní kaemba kene ka ketuhile kwa Shekina yani, mwa ziba, mi ne lu tabile fa kuba ni kona. Mi lwali, ka manzwi amañwi, “Lu Itumezi, Mulena!” Mwabona? Mi, haba to eza cwalo, balikani bani neba apesizwe hahulu ba to seha fela. Ne ba sa zibi kuli Neli sikamañi. Mwabona? Ba sa apesizwe. Kacwalo, kuna ni babañwi mwahali mi ni babañwi fande. Mi kacwalo... Kono Mulimu u iponahaza fa ngandaleza ku luna, upatilwe. Ki nto yeswana ni cwale!

²³⁶ Mi cwale Mulimu, mwa sishemo sa Hae, hana pazuzi lisila, Na tisizwe mwa ponahalo yetezi fa ngandaleza. Kono, neba tatelizwe hahulu mwa lizo za bona, Yena na sa patilwe ku bona.

Kwa swana ni cwale! Yona Kanya yani kaufela, ipatilwe, ipatezwi luna ku Kreste, yena Linzwi, Yena yali Tempele ya luna.

²³⁷ Oh, cwale, Ni ka tokwa kukata muya mwatasi ku se hanyinyani. Mu ni swalele ka maikuto aka kakusasana cwana, kono, oh, Ni—Ni batile kufa nto kale kale, Ni...si sweli fela kutatana ku na. Mwabona?

²³⁸ Mulemuhe, Kanya kaufela yeli ku Mulimu iinzi mwa Linzwi. Limbuyoti kaufela zeli ku Mulimu liteni mwa Linzwi. Li patilwe, ku ya sa lumeli, ka lizo. Mwabona se Ni talusa? Kono kaufela zona liteni ku Kreste. Kaufela zeo Mulimu nali zona, Na *ikusufalize* Iliyena, “kenos,” mi za taha ku Kreste; mi luna, babali ku Kreste, lu kwa mulaho wa lisila.

²³⁹ “Kihande, Na ni keni ku Kreste,” mu li. Mi kipeto mu lumele kuli kuna ni Balimu babalalu? Mu kolobeze ka libizo la “Ndate, Mwana, ni Moya o Kenile”? Kulumela mwa lizo ze kaufela ni lika ze mulumela ku zona, za ba bahulu? Batili, mu sali kwa mulaho wa lisila. Mwabona? A mukene mwa lisila. Yena, Kreste, ki yena Linzwi.

²⁴⁰ “Cwani? Ha ni lumeli mwa foliso ya Bumulimu. Hani lumeli mwa limakazo ze ni lika ze cwalo.”

²⁴¹ Kihande, mwa bona, hamu—hamu yo mwahali, mwahali mwahala lisila. Hakuna se mu ziba ka Sona. Mwabona? Kreste ki yena Linzwi! Mi cwale haluli mwa Linzwi, luinzi ku Kreste. Mi kana Ni kona kuba cwani ku Kreste, hape ni latule Kreste? Neli Yena yana bulezi kuli, “Hakuna linzwi le lika ekezwa kwaterni kamba kuzuswa kwaterni.” Mukona kuzusa cwani kwaterni ni kuekeza kwaterni, he? Mwabona, si mi bonisa mufuta wa lisila leli mi apesize kuba kwahule cwalo. Mwabona?

²⁴² Luna ku Yena! Mi luna, kakuba ku Yena, lu sa patilwe ku ba bulapeli ni baika mwa lituto za lifasi. Mwabona, Kanya ya luna ye lu nani mi ye lu ikola, lu sa patilwe ku bani ba kwande. Ba nahana kuli lu “lyangani, lu likuba,” hape. Mwabona? Mwabona? Yeo ki niti. Kono luna babali mo, ku Kreste, lu kolobelizwe ku Yena, (Makorinte Bapili 12), ku Yena, lu ikabela Kanya ye. Mwabona? Kono isiñi kwande; mu sa talimela mwahali, mu sa Li latula. Mwabona?

²⁴³ Ki fohe cwale lu memiwa ku Yena, kuli lube ni kabelo ku Sali sona. Lu memiwa ku Yena, ili lika ze patilwe ku baba sa lumeli, ka lisila la nama ya butu. Mwabona? Ba ziba Kanya yani, ba bala za Yona, Iteni mwa Linzwi mo, “kuli ki Kanya ya Mulimu” ni lika ze cwalo, ki linzwi fela ku bona. Ku luna, ki ponahazo! Mwabona? Ha isali fela linzwi; ki buniti! Amen!

²⁴⁴ Mulimu naize, “Ha ku be liseli,” lani neli linzwi. Kono cwale kuna ni liseli. Ha ki linzwi; ki liseli. Mwabona se Ni talusa?

²⁴⁵ Cwale ha ki Linzwi leli ñozwi fela ku luna, ki buniti. Luna lu ku Yena. Cwale lwa ikola. Cwale lwa Mu bona. Cwale lwa Mu bona, yena Linzwi, inza iponahaza Iliyena. Li patilwe, kwande kwani, bakeñisa (sikamañi?) Li patilwe mwa nama ya butu. Mwabona?

²⁴⁶ Oh, ba bulela kuli, “Sikwata sa batu sani, ki sikolo sifi sene ba keni? Ki—ki tuto mañi ye banani? Kikai, ki—ki kai ko ba zwelela? Ki—ki—ki sikwata mañi ko ba fumaneha?” Mwabona? Huh! Mwabona, ha ba Li utwisisi.

²⁴⁷ Muuna naize ku muuna yomuñwi, ka zazi leliñwi, kuli, “Una ni kuba kwa kopano ya Bakreste.”

²⁴⁸ Ki hali, “Ni Mukreste; Ha ni wa siemba sifi kaufela sa bona.” Uh-huh. Ali, “Mulimu uzusize kansa ye ku na,” ali, “cwale u nahana sikamañi ka zeo?” Neli dokota. Na ize, “Ni bonise likopano ze sweli kueza cwalo.” Mwabona? Ku lukile. Mwabona? Li sa patilwe.

²⁴⁹ Luna lu mwahala Kreste. Cwale, sina nako yani, balumeli ba niti kaufela mwa Mubona, Linzwi la sepiso ya lizazi le, la aiponahaza patalaza. Leo ki linzwi lelituna haiba mukona ku liutwa. Mwabona? Mwabona? Balumeli ba niti kaufela, zeo li mwa Linzwi, mwabona Mulimu patalaza. Lisila li pazuhile, mi Mulimu uyemi patalaza fapila mina, inza bonahala. Mwabona? Mulimu, ubonahalile, fa ngandaleza.

²⁵⁰ Fa kukona kueza taba ye, lisila la luna la kopano ya sizo li lukela ku pazuha hape. Fa kuli lubone luli Seo sili sona, muna ni kuzwa mwahala lika zeo. Mwabona? Hamuna kueza cwalo fateni; bakana ba hohelanga lisila leo fapila mina, ka nako kaufela, “Oh, hakuna sika ku Zeo.” Kono ki Se fa, mi ki Se si sa bonahala, mwa bona. Mwabona?

²⁵¹ Cwale, kucwani haiba mutu u palelwa kubona lizazi, uli, “Oh, kifoo, Na ziba Mulimu naize, ‘Ha ku be liseli,’ kono hakuna nto ye cwalo. Na ya ni kene mwa musima mo ku unsufezi. Na—Na hana ku li bona”? Mucaha yo wa lyangana. Kuna ni se si fosahalile ku yena.

²⁵² Kuna ni se si fosahalile ku yena muuna kamba musali yoo, wakona kubona sepiso ya Mulimu mi, mane wa ibona ha I talelezwa, mi kipeto ahane ku I lumela kakuli kopano i hohezi lisilafafasi. Mwabona, u apesizwe!

²⁵³ Fa kukona kueza taba ye, masila aluna a kopano ni sizo alukela ku pazulwa, ka Moya wa Mulimu wa Mulilo ni Mukwale, ili lona Linzwi la Hae. Kamita Linzwi la Hae kona Mukwale wa Hae. Mwabona? Mi Na ngile Mukwale wa Hae zazi lani, otezi Mulilo, ni kupazula lisila lani kuzwa fahalimu kuisa kwatasi. U ezanga lika ze swana ka Mukwale o swana kacenu! Isiñi

“tuto yaka ya tumelo, buka yaka ya litumelo, ka—ka katekisema kaka.” Kono Mukwale wa Mulena, mwabona, kona le lipazule lisila kuisa kwatasi, mi kipeto mubona Mulimu inza yemi mwa ponahalo hande fa ngandaleza, inza bonahalile mwa Linzwi la Hae. Ha ki ponahalo ye kanya ha italimwa! Mwabona? Ku lukile. Moya o Kenile wa Mulimu ni Mulilo, Mukwale wa Hae, wa lipazula. Linzwi kona leli pazula lisila la kopano.

²⁵⁴ Kihande, kambe mu bulezi fela kuli, “ki Linzwi,” cwale Linzwi kana hali beleki nji? Ki bunde mañi bo Mukwale ulukela kubela teñi, mi muli, “Halikoni kupazula”? Muli, “Uh,” mi kipeto halina kupazula?

²⁵⁵ Kono cwale hamuka beya Mukwale wa Mulimu wani fa halimu fani ni ku utalima haukala kupazula, awa luli—awa luli u swelwi ka lizoho le li lukela kuli lieze cwalo. Mwabona, la pazula kuatama, mi kipeto ki Yani fani. Fo ki ku bonisa Mulimu patalaiza, yena Jehova yomutuna. Leo kona Linzwi la Hae leli bonahalile, siemba se si sepisizwe mwa lizazi le. Kana mwa utwa Zeo nji? Mwabona? Mi cwale Mukwale, sepiro ya kacenu, mwa lizazi le, se si lukela kuba teni, mi Mulimu unga Mukwale wa Hae ni kupazula lisila la kopano ni ku li hoha kwateni, ni ku iponahaza Ilyiena kuli Uteni, isali yena Siita sa Mulilo se siswana sani. Mulemuhe, lani ki Linzwi le li bonahalile kwa lisepiso za kacenu.

²⁵⁶ Lwa Li bona sina Pitrosi mwa na ezelize hana ize, “Mulena, lu kaya ku mañi, kasamulaho wa kubona lika Ze?” Ki kai ko lukona kuya? Ki keleke mañi ye lukona kukena ku yona, kanti lu pepilwe ku Iliñwi? Mwabona? Ki sikamañi so kona . . . Ki kopano mañi yene mu ka ikopananya ku yona kasamulaho wa kuziba Buniti bo, mwabona, haba ka (mañi ni mañi) Li latula kaufela? Mutu ni mutu wa bona! Hanina nihaiba alimuñwi ya ka bulela kamba kueza sika ka Lona. Luli. Yeo ki niti.

²⁵⁷ Ne ni kalile musipili ye kwanu, inge ku sa nani likeleke ze mashumi amane ka zepeli ze ne ni tusa; ko ne Ni ile kwani, Ne ni sina nihaiba iliñwi. Mañi ni mañi wa bona na kuli, “U lumela mwa silelezo ya Kuyakuile.” Sani ne si tuhelezi ba milao. Yomuñwi naize, “U kolobeza mwa Libizo la Jesu.” Sani sa kasheza babañwi kaufela fande, mwabona. Kacwalo, alimuñwi wa bona ali, “U lumela mwa peu ya noha. Noha haina peu!” Sani sa leleka . . .

²⁵⁸ Bibele ibulezi kuli, “Ni ka beya toyano mwahala Peu ya musali ni peu ya noha.” Mwabona? Mwabona foo?

²⁵⁹ Ki, li—li lisila, se li zusizwe fa Linzwi. Mwabona? Yeo ki niti. Li patululezwi kwa limbututu. Li—li nanuzwi kwateni. Ba Li bona. Mi likaba cwalo, sina hane ku bulezwi cwalo nako yeñwi . . . Yeo ki niti. Mi kukaba cwalo, sina yomuñwi hakile abulela kuli, “Ha mu kabona,” fo lisila le ha se li zwisizwe fa Linzwi, konakuli ni lizo se li zusizwe fa Linzwi, sina Jesu

ha naize nako yeñwi kuli, "Ha mu Ni bona, muboni Ndate." Mwabona? Mulimu ni Linzwi la Hae ki nto iliñwi. Cwale mwa utwisisa? Mi Linzwi ha li i ponahalize, Ki sikamañi? Mwabona?

²⁶⁰ Jesu na bulezi kuli, "Mubale Mañolo, mu nahana kuli muna ni B- . . . Mu lumezi ku Mulimu, mulumele hape ni ku Na. Ha Ni sa ezi misebezi ya Ndate, konakuli musike mwa Ni lumela. Kono haiba Ni eza ni eza misebezi, Na ni Ndate lu Nto Iliñwi. Mi ha mu Ni bona, mu boni Ndate."

²⁶¹ Mi cwale ha mubona Linzwi ha liiponahaza, mu bona Ndate, Mulimu, kakuli Linzwi ki yena Mulimu. Mi Linzwi, ha li i ponahalize, ki Mulimu Kasibili mwa Linzwi la Hae Luli mi Li bonahala mwahala balumeli. Hakuna se si kona ku Li eza le lipila kwanda balumeli, ki balumeli fela. Ha ki . . . Ha lina . . .

²⁶² Mwakona kunga sicalo sa buloto mwa—uli mwa—mwa mukwa o shutana wa mubu, ha sina kuhula. Kono, ki sikamañi, sina ni kuba ni mununo mwa mubu kuli u hulise buloto. Mi haiba hakuna—haiba kuna . . . haiba mununo mwa mubu haki—haki, buloto ha bumeliswi kwa mununo wani, haina kuhula. Konakuli hakuna taba ka mo Linzwi, haiba ha Li weli mwa pilu ye lukile . . .

²⁶³ Jesu na bulezi cwalo. "Yeñwi ya wela mwa nzila, fa mubu wa macwe, mi kipeto linyunywani za lihalimu za taha ku to nopa." Mi cwale ki Hali, "Yeñwi ya wela mwa mikakani ni mwa miutwa, ya hula kono ya pukutiswa kapili," lizo, likopano, lipilaelo za lifasi za I pukutisa. Kono ali, "Yeñwi ya wela mwa mubu omunde mi ya beya ze mwanda," ali, "wani kona Mubuso wa Mulimu."

Ki nto ye swana, mwabona, babañwi habana kulumela ni hanyinyani.

²⁶⁴ Babañwi ba ka lumela fa nako nyana, sina balutiwa. Ba Mu latelela, buñata bwa bona, baba mashumi a supile ba Mu latelela fa lilimo nyana, ku fumaneha cwalo; mwendi ka mwaha ni licika, kamba lilimo zepeli; ku to batisisa fela, konji haba fumana sesiñwi ku Yena, yeñwi . . . inge kuli Nana ni mata amañwi a kueza lika ze, kamba inge liutu la shakame, wa mabibo kamba ya cwalo, sa Na ezize fa kueza lika ze, mwa Na zibela ze ne li mwa lipilu za batu ni sene ba nahana. Mi mafelelezo ba fumana kuli sa Na bulezi ha Na ize "ni zwile kwa Lihalimu," Yena "nali Linzwi Kasibili." Mi hane ba ezize cwalo, yani neli nto yetuna kubona. Ba li, "Hakuna mutu ya kona ku utwisisa Se." Mi ba Mu siya baikela. Yani ki bona yene wezi mwa miutwa.

²⁶⁵ Si kutisa nto yeswana, mwa kopano ifi kaufela, muna ni balumeli baba likanyisa, baba sa lumeli, ni balumeli. Ku bile cwalo mwa likopano kaufela. Mu ka ba fumana ka nako kaufela. Babañwi ba kubona baikezanga inge balumeli, wani kona mufuta o maswe hahulu. Mi kuna ni babasi balumeli ba niti; hana ku mi kataza, uka ikela fela kusili ni ku nyunga toho

ya hae. Kono haili bani baba likanyisa kulumela, ba ipulela kuli ki balumeli, wani kona mufuta, wani kona mufuta o mu lukela ku tokomela, ki bona baba likanyisa balumeli. Mi cwale kuna ni balumeli ba niti. Mwa babona babalalu bao?

²⁶⁶ Neku nani bene ba sa lumeli. Ha Na tilo bulela kuli, “Muce Nama ya Mwana mutu,” oh, muuna, sani neli sona!

²⁶⁷ Babañwi neba likanyisa balumeli. Ne ba inzi bali kukuza, sina bo Judasi mone ba ezelize, ona cwalo kuisa kwa mafelelezo.

²⁶⁸ Kono cwale balumeli ba niti, neba si ka Li toloka, kono neba Li lumezi, ni hakuli cwalo. Neba tundamezi kuya ona cwalo.

²⁶⁹ Lisila, sizo sa baba sa lumeli, si zusizwe, mwa bona Mulimu. Mi lisila la lizo ha li zusizwe, mwakona kubona kuli Mulimu usali yena Mulimu wa Linzwi la Hae. Yena u sa buluka Linzwi la Hae. Yena ki yena—Yena ki yena Mulimu, Mukalisi wa Linzwi la Hae.

Zani li patilwe kwa mulaho wa matalo, ku babañwi. Eeni, yeo ki niti. Ku bao baba sa koni kuya kwa mulaho wa lisila, Yena usali kwa mulaho wa masila.

²⁷⁰ Mulemuhe. Cwale, luna, konakuli luba siemba sa Hae, sina hamuli lisila le li Mu pata. Mu siemba sa Hae, haibile fela Kreste u ku mina, sina Kreste hanali wa Mulimu. Kakuli Mulimu nali ku Yena, na Mu ezize Mulimu. Mi sina Kreste hali ku mina, yena sepo ya Kanya, muba siemba sa Kreste. “Ya lumela ku Na, misebezi ye Ni eza uka eza ni yena.” Mwabona? Muba siemba sa Kreste haibile fela Kreste u patilwe ku mina. Konakuli li patilwe ku ya sa lumeli, kono mu ziba kuli U ku mina. Mu bulukile Kreste mwa mulaho wa tempele yena ni lisila, lona litalo. Kuxwa fo luna, kakul- . . . Kwa mulaho, bakeñisa ona lisila le, lisila hape mwa mubili wa nama, lipata Mulimu (yena Linzwi) ku ya sa lumeli.

²⁷¹ Sina ha ku ñozwi, mwabona, “Ku ñozwi kuli, mu mañolo a ñozwi,” ki Bibeleye bulezi. Cwale, *liñolo* ki sikamañi? Ki “linzwi leli ñozwi.” Mi mina mu “ñozwi.” Manzwi amañwi, ne mu ka Li bala sina cwana, “Mina,” I li, “mu mañolo a ñozwi,” kamba, “mina ki mina Linzwi, leli ñozwi, leli bonahalile,” hakuna se si kona ku ekezwa ku Lona. Hamukoni kubulela kuli, “Ni liñolo leli ñozwi,” ni kupila mufuta usili wa sika si sili kono kise si ñozwi kale ki *Se*, [Muzwale Branham u nata fa Bibeleye ya hae—Mu.] kakuli hakuna sesi kona ku ekezwa kamba ku zuswa kwateni.

²⁷² Sina Muluti Lee Vayle ha sweli kuñola buka ye zibahala hahulu ye, Ni bata kuli mu i bone kasamulaho nyana fa. Muzwale Vayle uteni mo, uinezifafasi kokuñwi. Ni muboni kulo kokuñwi. Hani sepi kuli wakona kukena. Kono usweli kuñola buka kwani, mi—mi ki yende luli, ya Lusika lwa Laodesia. Mi Ni bata kuli mukone . . . Ikatuha iba mwahala sicaba cwanoñu nyana. Kacwalo, lu zamaela kwa kalulo ya mafelelezo ya yona cwale. Mi na ñola, mi neli sweli ku ambola za Yona mwahali mwani, mwabona, ka zateni . . .

²⁷³ Mañi ni mañi kamita satile ku na, ni kuli, "Muzwale Branham, mishika yesupa yani yene utwahalile, mi Na ize, 'U sike wa I ñola, mwabona, kono I kwahele,'" ali, "yani ikaba mishika yesupa ye ka patululwa mwa mazazi a maungulo, mwabona, mishika yesupa ika lu bulelela nji?" Cwale, kikuli seo ha si utwahali hande? Mwabona? Kono mutokomele se mubulela ha mu bulela zeo.

Na bulezi kuli, "U si ke wa I ñola." Mwabona? Mishika yesupa ye ne i utwahalize manzwi a yona, mwabona, mi ki Hali, "U si ke wa ñola seo, mwabona, kono I lukela ku swaiwa kubeiwa mwa Buka kufitela mazazi a mafelelezo."

²⁷⁴ Cwale kuna ni yana ize, babañwi kuli, "Muzwale Branham, haiba Mulena Mulimu . . ." Bali, "Haiba—haiba . . . Ni zibo ya hao, yona ya kufile Mulena bakenisa sicaba sa Hae," kubulela ka ku ikokobeza, bali, "no ka swanelia kuñola ne—ne neba Bibele wena luli, Linzwi la hao, haiba Mulimu u i ponahalize."

²⁷⁵ Se nili "Yeo ya kona kuba niti." Mwabona, na lika ku ni swasa. Mwabona? Se nili, "Kono, mwa bona, Ne ni sike naeza cwalo."

Na ize, "Kiñi ha u sabi ya cwalo? Una ni ze swanelia kaufela."

²⁷⁶ Se nili, "Kono, mutualime, linzwi lililiñwi ha likoni ku ekezwa kamba ku zuswa kwatensi." Mwabona?

²⁷⁷ Mi ki hali, "Kihande, kanti, yona mishika yesupa yani, mwa bona," ali, "kana haki kuli mishika yesupa yani yene utwahala, kana yani haina kuba Sinulo ye ka fiwa ku mutu yomuñwi cwalo?"

²⁷⁸ Se nili, "Batili, sha, neikaba ku ekeza sika ku Lona kamba kuzusa Sika ku Lona."

²⁷⁹ Kaufela zona li patuluzwi Mwani, mi Maswayo Asupa ki ona ana kwaluzi sinulo ya seo Nali sona. Sani kona sene sili sona. Mwabona, isali Linzwi ni cwalo. Mwa bona, hamukoni kuzwa mwa Linzwi lani. Ha si na ku siya Linzwi. Mi Moya wa Mulimu hauna ku siya Linzwi lani. U kana upila bukaufi ni Linzwi; unzo foufaza babañwi, ni ku kwalula meto a babañwi. Lona kamita likana lieza ona cwalo.

²⁸⁰ "Mina mu mañolo a ñozwi, a balwa ki batu kaufela." Kamba, mina mu . . . Ni toloka Sani, mu futule se ka nzila ye, mwabona, mu Si fetule fela, "Mu mañolo a ñozwi," kakuli hamukoni ku ekeza sika ku Lona, "a balwa ki batu kaufela; ili Linzwi la Mulimu le li bonahalile," ka manzwi amañwi.

Mi Pitrosi ni Joani, kuli ba bonise sani, hane ba kambami kwani, neba boni kuli nebali litimbi mi ne b si ka ituta, neba sina tuto, kono neba tilo lemuha kuli ne ba bile ni Jesu. Mwabona? Nebali litimbi mi baba si ka ituta, kono nebali mañolo a ñozwi, mwabona, kwa baliwa kuli nebali ni Jesu. Kakuli, Jesu na

ponahaza Iliyena ka bona, Kreste na ipatile mwa nama; ya bonahalile, mi ya pila.

²⁸¹ Inge mwa Na bezi ku Mushe. Mi Linzwi hane lili ku Mushe, nali Mulimu mwa nama. Hane Lili ku Jesu, Neli Mulimu mwa nama. Mwabona? Nto ya Na ezize fela neli kucinca siyaba sa Hae, isiñi Linzwi la Hae, isiñi sibupeho sa Hae. Yena wa swana maabani, kacenu, ni kuyakuile. Yena na cincize fela mufuta wa Hae. Na cincize fela ku Nuwe kutaha ku Mushe; Na cincize kuzwa ku Mushe kutaha ku Davida; kuzwa ku Davida, Josefa; ona cwalo kutahafafasi kufitela Ha taha mwa mutalelela wa Bumulimu ka mubili. Mwabona?

²⁸² Isali Mulimu ya swana! Amen. Amen. Ni sepa kuli seo sa nwela. Mwabona? Ki Mulimu ya swana, kono U apalanga fela sapalo sesiñwi. Mwabona, U tinanga sapalo sesiñwi.

²⁸³ Na ezize cwalo mwa baongaongi, na apezi lisila, na apezi lisila. Kufitela, mafelelezo, La taha ku shetumukela mwa lusika lwa ba Lutheran, kutaha cwalo ni mwa lusika lo lutatama, mi mafelelezo La taha hande ka Kutalelela. Ona fani Li sika taha kale, mupolofita a taha hape. Seo li ezanga, li bonahalisanga Linzwi, ku bonisa kwa mulaho kwanu, kupatulula se si ezahalile, se si siyezi kwateni, kuli Keleke ibe yesina yesina... itokwe kutwisiso. Mi cwale se ha si fela, konakuli, sina Joani hana ize, "Ni lukela ku kusufala, Yena a ekezehe," kuzwa fo lika zani kaufela litaha ku Yena. U bonahalile luli ka kutala, ku Luther, Wesley, ni mwa lusika lwa Pentekota, ona cwalo ku shetumuka fafasi, kutaha ona cwalo, U i ponahalize ka kutala, mwa bona, kutaha fafasi, ki ponahazo fela, Mulimu unza i patulula: Mwa Mubona (Cwale, mulemuhe.) u talelelize mwa lisepiso za Hae za lizazi *le*, sina *mone* ba bezi ni zona.

²⁸⁴ Cwale Mushe nali Linzwi la lizazi lani, kakuli Linzwi ne li filwe ku yena la lizazi lani; Mushe. Josefa nali Linzwi mwa lizazi la hae, inza bonahalisa Kreste ka swanelo. Mwabona, mañi ni mañi wa bona nali Linzwi.

²⁸⁵ Mi cwale Jesu hana tile, Nali yena Linzwi ka kutala kwa Lona, kakuli mulelo kaufela wa puluso no yendekilwe ku Yena. Mulelo kaufela wa puluso no si ka yendamena ku Mushe, no si ka yendamena ku Josefa, no si ka yendamena ku Elia. Mwabona, bani nebali fela siemba sa Linzwi, bene ba supeza ku Lona. Mwabona? Cwale mulemuhe, mubuluke munahano wa mina; ki se Sa taha, sina ha Ni bulela. Mwabona, mulelo kaufela no si yo kubona. Ne ba supeza ku Lona.

²⁸⁶ Kabakaleo, kasamulaho wa Hae, Mutalelela, halukoni kusupa kwa sika sisili. Si ka supa ku Yena, yeli Linzwi. [Muzwale Branham unanula Bibele ya hae—Mu.] Ye ki Sinulo ye kwanile; hakuna se si kona ku ekezwa kamba ku kuzuswa ku Yona. *Yani* kona Sinulo ye kwanile. Kaufela zani, neli muluti wa Hae ya na taha; kono yena ha Na tile, Nali ya Petehile. Maheberu

1, "Mulimu kwa linako za kale na bulezi ku bo ndata luna ka bapolofita," Mulimu na bulezi ka mukwa wa kuipata, mwa bapolofita, "kono mwa mazazi a maungulo a ki ka Mwana Hae, Jesu Kreste." Ki fo he cwale. Aipatulula kwande fa Kalvari, yena Mwana Mulimu, aipatulula.

²⁸⁷ Mulemuhe, "kufiwa bupilo." Mi, kacenu, fo Linzwi ha li patuluzwi mwa mibili ya batu, liapalo, kona Linzwi ona cwalo leli talelelizwe mwa lizazi lateni, le li kutela ku Mulimu. Ku kolobezwa ku Yena, kuya ka Makorinte Bapili 12, lu itibaza kuba ni Yena. Amen.

²⁸⁸ Ni bulezi seli licika la hola, kono kana Ni be fela ya ekeza nyana? [Kopano ili, "Amen."—Mu.] Mwabona? Mutualime, Hani swaneli taba ye ona fa cwale. Mulemuhe, ku itibahaza ni Yena!

²⁸⁹ Cwale mulemuhe. Ki babakai ma American ba naha ye mo? Mu nanule mazoho a mina. Ku lukile, mu bañi ba naha mu ma American, konakuli mu zibahala ka naha ye. Seo kaufela naha ye ili sona, mu na ni kuba cwalo. Kana ki cwalo nji? Mina kaufela mu kanya ya yona naha ye mi kaufela mina mu maswabi a naha ye. Mu zibahala ka yona. Mu ma American, kacwalo mu swana America. Hallelujah!

²⁹⁰ Nenili ni George Washington fani hana silile nuka ya Delaware. Ni zibahala ni yena. Yeo ki niti. Nenili ni Abraham Lincoln fa Lushango kwa Gettysburg. Ne ni yemi fani. Nenili ni masole fa Guam, mina bashimani, hane mu paheka ndembela yani. Nenili teni. Ni mu American; Ni zibahala ni yona. Amen. Cwale, kuba mu American, kamba maswabi a yona ki afi ana liteni mwa Kushimbuluka kwa licinceho, Ni li lwezi, kakuli Ni mu American. Yeo ki niti.

²⁹¹ Mi kakuba Mukreste, Ni itibahaza ni Yena. Amen! Nenili ni Nuwe hana keni mwa areka. Nenili ni Mushe hana zwa mwa Egepita. Amen! Nenili ni Elia fa Lilundu la Karmeles. Eeni, sha! Kanya ku Mulimu! Nenili ni yena hana ezize sani. Nenili ni Yena luli, Ne ni itibahalize ili na mwa lifu la Hae fani fa Kalvari hane Ni shwile kwa lika za lifasi, kuna ni lizo kaufela. Neni itibahalize ni Yena. Neni itibahalize ni Yena ka la Zuhu ya kakusasana fani ha Na zuhile kwa bafu. Neni itibahalize ni Yena ka Lizazi la Pentekota, mi Moya o Kenile ha no tilefafasi inge moyo omutuma wa liñungwa. Ne ni itibahalize ni Yena. Kaufela sa Nali sona kona mo Ni inezi nina, kaufela se Ni li sona Nali sona ni yena; amen, ka kushwa ku Yena lu itibahalize ni Yena. Seo Ali sona kona seo Nili sona nina. Amen!

²⁹² Seo naha ye ili sona kona seo Nili sona nina. Nina ni mununa kakuba cwalo. Ni itukisize kulwala maswabi a yona. Ni itukisize kulwala kunyefultiwa ka kuba mu American. Yeo ki niti. Mi Ni nani likabelo zepeli ku seo ku Jesu Kreste! Kaufela sa Nali sona kona seo Nili sona nina. Ni tabela ku itibahaza ni Yena.

²⁹³ Ba apositola bani, hane ba kutile, ba hupula kuli... neba sweli ku seha, ni kubiza lika kaufela, neba hupula kuli neli likute lelituna fa kuba ni maswabi a Libizo la Hae.

²⁹⁴ Ni tabile kacenu kuba alimuñwi wa bona, ka ku itibahaza ni Linzwi, ili yena Kreste. Ni itibahalize ni Yena! Ka ku kolobezwia ku Yena, luba baba itibahaza; ku itibahaza mwa kuswana kwa Hae, ku itibahaza ni Linzwi la Hae, ili Yena luli. Haiba Ni ku Kreste, Ni Linzwi la Hae; kakuli ki Yena Linzwi, mi Sali sona sona kona seo Nili sona nina. Amen! Kana mwa U twa nji? [Kopano ili, "Amen."—Mu.] Ku lukile.

²⁹⁵ Linzwi leli bonahalile, kamba ku patuluha mwa Sinulo yani mwani, konakuli seo si ni beya kuba sikamañi? Haiba ki Ÿena Kanya ya Shekina yani, Ni siemba sa Yona. Amen! Oh! Amen! Yeo ki niti. Linzwi Kasibili li patuluzwi, la i patulula Ili lona.

Munahane! Likunutu za Mulimu li zibahalizwe ku luna mwa lizazi le, ka yena Mulumiwa ya swana wa Lihalimu yana zibahalizwe ku bona mwa mazazi ani; mulemuhe, ona Siita sa Mulilo se siswana sene si lumile Mushe; Siita sa Mulilo se si swana sene sili ni Mushe sene si ñozi Bibebe; ona Siita sa Mulilo se si swana kona sa na katani Paulusi fa musipili wa kuya kwa Damaseka.

²⁹⁶ Mi Paulusi na ñozi Testamente Yenca. Muhupule, Mateu, Mareka, Luka, ni Joani, neba ñozi fela ze ne ba boni; kono Paulusi nabile ni Sinulo. Na I hohile, kakuli na katani Siita sa Mulilo, yena kasibili. Mi munahane, ze swana...

²⁹⁷ Kwani, Josefa, kaufela bona neba ñozi ze ne ezahalile, mañi ni mañi na ñozi kwa mulaho mwa lizazi lani kwani. Kono cwale Mushe hana tile yena, nana ni Sinulo. Na kopani ni Siita sa Mulilo, mi Ne ku patuluzwi ku Mushe ka sa Genese. Na ñozi libuka zene za makalelo za Bibebe, ki Mushe ya na li ñozi. Ki niti yeo kana? Kakuli na kopani ni Mulimu mwa mufuta wa Siita sa Mulilo, na ipatile mwa Siita sa Mulilo.

²⁹⁸ Mi Paulusi na kopani ni Yena fa mukwakwa... Balutiwa neba ñozi fela ze ne ba boni ku Yena inza eza, kono Mushe yena nana ni Sinulo; aya kwa Egepita ka myaha ye milalu mi a bala, mi abona Mulimu wa Testamente ya Kale yani kuba Jesu wa ye Nca, ki Sinulo! "Ne ni si ka ba ni kusa utwela pono ya Lihalimu." Yeo ki niti. Luli!

²⁹⁹ Mi munahane Fateni! Ona Siita sa Mulilo se si swana sene sitezi baana bani bene ba ñozi Bibebe, ki sona Siita sa Mulilo se si swana fa, kacenu, se si toloka Bibebe. Amen! Mo lu itumela ku Yena ka sani! Sa swana! Ha ki mbombolelwa ni yeo! Ha ki ponahalo ni yeo! Ni tabile hahulu kuba ya itibahaza ka sani, Hani zibi sa kueza! Ki hande ni itibahaze ku Sani kufita ba Baptist kaufela, Methodist, Presbyterian, Lutheran, ni babañwi kaufela baba siyezi. Ku itibahaza ni Linzwi lani koku na ni Kanya yani ya Shekina ko ku fumaneha Sinulo!

³⁰⁰ Siita sa Mulilo sa bonahala patalaza mwahala luna, si paka kuli Liñusa li lukile, sina mwa Na ezelize fa Lilundu la Sinai. Muhupule, kusika taha kale liñusa mwa lifasi, Mushe na kutilize mi aba zwisa mwa Egepita; kono kwani, milao ya niti isika beiwa kale (Maswayo na kenyizwe mwani), Mulimu natile fafasi fapila sicaba ni ku to paka kuli Mushe na lumilwe ki Yena, (ki niti yeo?) mwa Siita sa Mulilo sana bulezzi Mushe kuli na si boni mwa sicacani mi sa bulela ni yena.

³⁰¹ Oh, mwa mazazi a maungulo a, fa kubona Siita sa Mulilo se si swana sani siteni mwahala luna, si bulela Linzwi leli swana; ha ki seo fela, kono ku Li toloka ka ku Li eza kuli libonahale, ni ku Li paka, Ki yona Niti.

Kacwalo, sicaba hasina nihaiba nzila iliñwi ya ku sa lumela, ba ka suhana lata fela kueza cwalo. Mi, he, “Yena ya eza sibi kaboomu kasamulaho wa ku amuhela zibo ya kuziba Niti, hakusana sitabelo sa sibi.”

³⁰² Mulemuhe, Siita sa Mulilo se siswana ne si lumilwe ku Mushe ni ku Paulusi, yani na ñozi Bibebe, cwale a lumiwa ku to Si patulula. Muhau wa Mulimu, Mulimu ya sa cinci, ku taleleza lisepiso sa Mateu 28, “Amubone, Ni inzi ni mina kamita”; ku taleleza Muñoli Joani 14:12, “Misebezi ye Ni eza, ni mina cwalo”; ku taleleza Muñoli Luka 17:28-29, “Mwa mazazi a maungulo Mwana mutu u ka patuluha,” mwabona, mwabona; Malaki 4, “Amubone, Ni mi lumela Elia mupolofita, ya ka kutisa Tumelo kwa sicaba kukutela kwa Linzwi la makalelo.” Mwabona? Mane kuli... Mwabona? Oh, mawi!

³⁰³ Na shwile, kuli a i patulule Iliyena ku luna. Cwale ha lu shweni kwa neku la luna, kuli lu patulule Yena ku babañwi. Ha lu shweni kwa neku la lizo ni lika zeñwi, kuli lu patulule Yena ku babañwi. Kushwa kwa likopano, kuli lu Mu patulule ku babañwi.

³⁰⁴ Mulemuhe, tempele ya kale neina ni Kanya ya Shekina, mi Liseli la Shekina fa Linzwi. Linzwi ki Peu; Ne li tisize sinkwa se si sika umelwa kwa balumeli fela. Mali hape na beilwe da bulikani; mi Mali a ki mezi, mezi afa peu bupilo, ni buloto, ni peu, kona Linzwi luli.

³⁰⁵ Sina Jesu mwa na bulelezi kuli, “Sina Mushe mwa na pahekezi noha ya sipi,” mi cwale hape ki Hali, “Mulimu na latile hahulu lifasi kuli A lifa Mwana Hae wa libanda; yo kaufela ya lumela ku Yena hana kushwa.” Mushe na natile fa licwe mwa lihalaupa, kuli a pilise sicaba se si shwa, kamba kutisa mezi. Mulimu na natile Jesu, kuli a zuse Moya ku Yena, kufa sicaba se si shwa. Mali a zwa ku Yena, ili kutilusa kuli, “Mezi a tapisa ka Linzwi.” Ili, Mezi atisa Bupilo kwa Peu. Mi atisa Kanya ya Shekina; la monyeha fa Linzwi, lene li tisize sinkwa se si sika u mwelwa. Mi sinkwa se si sina mumela neli fela sa sicaba se si ketilwe. Uh-huh. Ki niti yeo? [Kopano ili, “Amen.”—Mu.]

³⁰⁶ Cwale kupunya lisila, kupunya lisila, kukena fa Pila kubateni kwa Hae, ko kuna ni Linzwi (hakuna tuto ya tumelo), ki Linzwi; mwahali mwani ba bona Kanya ya Shekina, yona Shekina, ni Mata, ni Moya o Kenile unzo benya ku monyehela Linzwi, kutisa sepiso, ku bonisa kuli mu kwa mulaho wa lisila. Amen!

Ni fitelezi lisila ko kuna ni Kanya ye safeli,
(Uh!)

Haleluya, haleluya; Ni pila mwa Kubateni kwa
Mulena.

Ni fitelezi lisila ko kuna ni Kanya ye safeli,
Ni pila mwa Kubateni kwa Mulena.

³⁰⁷ Litalo la kale, likopano, li shandaukile. Ni punyizwe mwa sibaka sani, kukena mwa Kanya ya Shekina, mi Na bona Linzwi. Ni bona Siita sa Mulilo sa zamaya. Ni bona Linzwi le li i ponahalize. Sa Na bulez kuli Uka eza mazazi a maungulo aa, na si bona inge sihula. Ni bona bana inge ba ca Sinkwa sa Shekina ye tahile ka ku buzwisa kwa Linzwi lani, bao baba Li lumela. Amen! Ha ki hola kwa bunde ni yeo ye lupila ku yona! Mwabona, Shekina ne i kwahezi Linzwi; mi mwatasi neku na ni Sinkwa. Mi nekuna ni Mali, ana hasakilwe, ili ao Atisa mezi. Moya ufa Bupilo kwa Linzwi. Mi cwale . . .

Ki babakai baba balile, kamba ku utwa tepu ka za *Muzeko?* Eeni. Buñata bwa mina muna ni yona. Mwa bona mwateni, si lwala . . .

Linzwi lani li swanela kuhula. Fa kuli li hule, Lina ni kuba mwa mubu o munde. Mwabona? Mi Mulimu ufa sepiso, mi li ata fa pilu yani, halikoni ku palelwa.

³⁰⁸ Nuwe na libelezi lilimo ze mwanda ni mashumi amabeli. Abrahama na libelezi lilimo ze mashumi amabeli ka ze ketalizoho, ku mwana yani. Mulimu na bulez ona cwalo, mi sani neli sona luli. Mwabona? Ki sikamañi seo? Linzwi nelili fani inge li selaelwa ka tumelo, inza Li lumela, ne li tisize linepo. Ne li tisize mwana wa mushimani; ne li tisize pula; ne li sitize muunda; ne li tisize mwalyanjo ku itwala.

³⁰⁹ Mupolofita naize, "Mwalyanjo uka itwala." Hakuna ku kakanya kono musizana yomunyinyani kaufela nailo leka litino za mbututu wa hae ku itukisa ka zona. Kihande, mupolofita yo Isaya na zibahalile kuli ki mupolofita, na pakilwe ki Mulimu. Mi Mulena ali, "Mwalyanjo uka itwala. Ni ka ba fa sisupo sa buipiteli, sisupo sesituna; mwalyanjo uka itwala."

³¹⁰ Kifo, batu bani kaufela, ona balumeli bani, mane inge mina kaufela. Mi ba utwa mupolofita yani ha bulela cwalo, musizana yomunyinyani kaufela . . . Muuna kaufela ali, "Yani ukaba mwana ke wa musizana. Eeni, sha." Mañi ni mañi ba yo leka tukatulo twa banana ni lindonga ni lika kaufela, inza itukisa, kakuli neba ziba kuli nakaba ni mwana. Lusika lwani

lwa fita, mi ba nahana kuli, “Yani na zibahaza mupolofita, ya pakilwe ki Mulimu, kana na ka bulela cwani nto ye fosahalile? Ku lukela kuba cwalo!”

³¹¹ Neli lilimo ze mianda ye ketalizoho ka zetalu kasamulaho, kono ato ba ni mbututu. “Lihalimu ni lifasi li ka fela, kono Manzwi a Ka hana ku fela.”

³¹² “Mi ku ka ezahala mwa mazazi a maungulo,” kubulela Mulimu. Mwabona, ki luna ba, li—li Liseli liinzi fa Linzwi. Ona mo li cinceza peu liseli la lizazi kuzwa kwa kanya kuya kwa kanya, ni luna luba—luba hahulu inge Yena halunze lupila fa Pila Hae; kuswana ni Yena, luba mwa siswaniso sa Hae se si fuyozwi halunze lu zamaya ni Yena.

³¹³ Mutualime se lieza lizazi. Hamu cala peu, ki sikamañi se si ezahala? Peu yani ina ni kubola. Mwahala peu kuna ni bupilo. Bupilo bwani butaha kwande mi butisa lutaka. Cwale, sani ha si bonahalangi inge sa pili.

Ki yani Luther. Nali lutaka. Ku lukile.

Lutaka ne lu zwezi pili kuhula ni kuhula, nto yapili mwa ziba, ne lu tisize sibunga. Mwabona, yani neliancafazo ya ba ha Wesleyan; neisa swani ni babañwi.

Mi se kutaha ancafazo ya Mapentekota, mwabona, ya tisa kolobezo ya Moya o Kenile. Ku lukile.

Ki sikamañi sene si ezahalile? Lu banga ni mbundu kwa lingo za yona. I kala ku bonahala ku fosahala. *Nto* ye, *nto* yani, ha i bonahali sina Linzwi. Ha i swani ni zeñwi za Yona. Haki Bubeke bwa makalelo bone bukeni mwa mubu.

³¹⁴ Kono Mulimu usali teni kuli aeze sani—sani kuna nto ye swana. Mulemuhe, ki sikamañi sesieza lika? Si kutela kwa Peu ya makalelo hape. Ha Na tile mwa mufuta wa Martin Luther; mi ni ha Na tile mwa mufuta wa John Wesley; fani ha Na tile mwa mufuta wa Pentekota; U lukela kuipatulula Iliyena hape inge Peu ye swana yene keni mwa mubu, yena Mwana mutu. Na ipatuluzi Iliyena kakuba Mwana Mulimu, ka lusika lwa lutaka ni zeñwi cwalo, kono mwa lusika lwa mafelelezo lo Una ni kuipatulula Iliyena sina Mwana mutu hape. Mwa utwa njí? [Kopano ili, “Amen.”—Mu.] Ku lukile, sina kwa simuluho, ka mo ku boniselizwe!

³¹⁵ Mi ki sikamañi se si hulisa lutaka lwani? Lusweli kuhula ka nako kaufela. Lutaka lolunyinyani lwani lwa hula, niteni ha luswana inge peu ya pili. Kamba mane lona liñusa la Luther kuba cwalo; batili, ka kushetumuka cwalo kwataha—kwataha mañusa asili, Finney, Sankey, Knox, Calvin, kutahafafasi cwalo, hakuna ni yomukana wa bona. Ne isali bona ba liñusa kono, seo nesili sona, neba si kaba ni Sinulo yetezi ya Sona kakuli ne si nako pili. Hamukoni kubeya milili kwa mukuñu wa mbonyi nako

haisika fita kale. Mwabona? Mi kipeto, ka kufeleleza, ku ka taha hape Peu ya makalelo ye ne keni mwa mubu.

³¹⁶ Mwabona, Mulimu u latelela zebupilwe ona cwalo. Mwabona, Na pepilwe ali ngunyana, lani kona libaka ha Na pepezwi mwa siculo. Lingu ha li pepelwangi mwa mimbeta. Mwabona, Na *etelezwi* kuya kwa Kalvari. Ngunyana, lingu ba li zamayanga kwapili. Yeo ki niti. Lipuli kona ze li zamayanga kwapili ku li soteza kwa libulaelo, mwa ziba cwalo, kwa ndu ya libulaelo. Puli kona ye li zamayanga kwa pili, kono lina ni ku zamaiswa. Huh! Yeo ki niti. Kacwalo Na *etelezwi* kuya kwa libulaelo, mwabona, kakuli Yena nali Ngunyana.

³¹⁷ Lika kaufela ne li Mu paka m wahala ze bupilwe. Lani kona libaka ha Na pepilwe ka kweli ya Liatamanyi kamba Lungu, isiñi mwa Ñulule; Nasike ku pepwa ka nako yeo, kubanga mbundu yelikani mainci a mashumi amabeli kwani ka nako ya silimo yeo. Isiñi mulimu wa lizazi, kono Nali yena Mwana Mulimu. Mwabona? Maroma ni mulimu wa bona wa lizazi wa la twenty faifi Ñulule, mi lizazi hame li fitelanga neku lani kipeto neba banga ni mikiti ya Siroma, mi ba biza kuli ku pepwa kwa mulimu wa lizazi, mi kipeto ba lieza kuba Mwana Mulimu. Batili, batili. Nali yena Mwana Mulimu. Ku pepwa kwa Hae ne ku zamaeleta ni pupo yeñwi. Ona cwalo.

Cwale hamu lemuhe hape cwale halunze lu ya cwalo, luna ni nako ye nyinyani ye siyezi.

³¹⁸ Cwale kwa kupetahala. Kasamulaho wa lutaka lu mano pangawa; kasamulaho sibunga si mano pangawa; kasamulaho peu imano taha kuba mukuñu; konakuli ina ni kutaha kwa kupetahala, kukutela kwa peu makalelo hape.

Mi, muhupule, peu i lukela ku meliswa. Mwabona? Haiba ha ihuli, haina kupila. Mwabona? Hakuna za yona ze ne li kwande a mañusa ani aka taha kuba Bupilo. Ina ni ku meliswa ki Yona. Kono, muhupule, Bupilo bo bu swana bone buli mwa lutaka kona bo bu inzi mwa peu. Isweli fela kuhulula hape, mwabona. Na i patuluzi Iliyena, (sikamañi?) Mwana mutu, peu yene wezi mwa mubu. Mwa utwa Liñusa njí? [Kopano ili, "Amen."—Mu.]

Magerike bali ku Yena, "Lu bata kubona Jesu."

³¹⁹ Ki hali, "Kwanda kuli peu ya mbonyi iwele mwa mubu." Mwabona? Ku lukile.

³²⁰ Cwale ki sikamañi sa Na i patuluzi Iliyena ku sona? Mwa mufuta o shutana; lutaka ni sibunga, ni zeñwi cwalo, mi matali kaufela ni lika zeñwi kaufela. Na i patuluzi Iliyena kasamulaho, (sikamañi?) Moya o swana, kono mwa mufuta o shutana. Mwabona? Kono kalulo ya mafelelezo ki ifi ya mbonyi yani? I kutela hape kwa peu ya yona ya makalelo. Kana ku cwalo? [Kopano ili, "Amen."—Mu.]

³²¹ Mi bulumiwa bwa Hae bwa taha, kuzwa mwa kuongonga, kukutela kwa Linzwi la pili hape. Linzwi litahanga ku mupolofita. Mi Na sepisize cwalo, mwa Malaki 4, “Ni ku to kutiseza Tumelo ya sicaba kwa peu ya makalelo.” Sene si keni mwa mubu fa ki se siswana. Peu i tahile ku to fita faa. Itaha sina Mwana Mulimu, cwale I i patulula Iliyona fa kakuba Mwana mutu, mi kipeto Ya i patulula Iliyona kuba Mwana Davida fa Lubona. Mwabona, ona Bana babalalu ba bashimani bani, ona cwalo fela. Oh, mawi, hape inge kwa makalelo!

³²² Cwale kuya kwa bulumiwa bo bupetehile bwa Hae kasibili; isiñi mutu usili, isiñi kopano isili, sina haibile i sebelize cwalo mwahala lusika lwani kwani, mwabona; kono Yena kasibili uitibahalize, u itibahalize Iliyena kwa sepiso, kueza Muñoli Luka 17:28, Malaki 4, ni zeñwi cwalo, Maheberu 13:8, ona cwalo fela luli. Ka nako yani, ilukela kuba nako ifi? Fo Peu ya silena ya Abrahama i libelezi Mwana wa sepiso. Mi mifuta kaufela i lukela ku talelezwa. Mi Mulimu yena Kasibili aiponahaza mwa mufuta wa butu, kwa peu ya Abrahama ya nama, ku sikaba kale sinyeho, mi Jesu ali ikaba nto ye swana kwa Peu ya silena yena Mwana wa sepiso a si ka kuta kale.

³²³ Mulemuhe lisila la kale lene lipatile Kanya. Matalo akale a mikata, nekusina bunde bwa ku lakaza ku yena; kamba nihaiba yona nama ya Hae. Ki kabakaleo batu hane bali, “Neli Mutangana wa maheta a weyükile ya cwalo?” Mwendì wa lilimo ze mashumi amalalu za kupepwa, ni limbi, ni mulelu wa Hae wa limbi, ne si ze kateleha ha li talimwa. Bibele ibulezi kuli, “Hakuna bunde bo lu lukela ku lakaza ku Yena.” Na sa bonahali sina Mulena, litalo la kale la mukata, kono, oh, neli sikamañi sene sili mwahali!

³²⁴ Mi sikhata nyana sa “bapikuluhi ba bakenile” baba inzi hamoho mwa muyaho o cisa sina wo, moba ba bizeza, hakuna bunde ni bo bukana bone lu ka lakaza, kono ki zeli mwahali! Ni ziba kuli lipatilwe kwa lipilu zeñata, mwa bona. Mwa bona? Ku lukile.

³²⁵ Kwande Ne kusina sika, kono kaufela zende neli mwahali. U sa kena fela Mwahali, kipeto u Bu bona. Mukena cwani mwa Teñi; ka ku swalana mwa mazoho, kuikopanya? Batili. Ka kupepwa mwa Teñi. Kushwa, ku tubula litalo la mina la kale, mwabona, buino bwa mina bwa kale, kuli mukene ko bo bunca. Mwabona? Muhane litalo la kae lani.

³²⁶ Liseli la Shekina halina ku... Muteeleze, bakutazi! Bakutazi, Ni bata kuli muteeleze ku Se. Hamuse mukeni mwahali... Cwale Ni ka nga nto ye ka bunolo luli, kuli mukone ku Li utwa. Hamuse mukeni mwahali, mwataswa Kanya ya Shekina, Liseli la Shekina ha li zusi Linzwi la Mulimu ni kupatulula Jesu kuba “mulauli,” batili, inge likopano mo liezeza kacenu kuli, “ki ku akaleza kwa minahano, mupikuluhi ya

kenile, Baalezebubi.” Kanya ya Shekina ha i Mu patululi kuba ya cwalo.

³²⁷ Kono Kanya ya Shekina kona ye buzwisa Peu ye sepisizwe ya lusika lwateni, ya Linzwi, i Mu bonisa kuba Mulilima wa mwa Libala. Ikona Peu yani, Mulilima wa mwa Libala, Sinkwa sa Bupilo, Alfa ni Omega, ya swana maabani, kacenu, ni kuyakuile. Ki yena kalulo ya mulumeli. Kanya ya Shekina i patulula, ku mulumeli, ku ki Ya swana maabani, kacenu, ni kuyakuile.

³²⁸ Isiñi, “Mazazi, U felile, mi Na shwile mi kipeto kufelile.” Kacwalo mulikani, haiba wa lumela cwalo, haiba wa lumela cwalo, hausika fita kale fa Kanya ya Shekina. Kana ku konahala cwani kuli Kanya ya Shekina ikona ku Mu patulula mwa batu babalalu? Mwabona? Kana Kanya ya Shekina ikona cwani ku Mu patulula mwa kolobezo, ya sicaba, ka libizo la “Ndate, Mwana, ni Moya o Kenile,” kanti mane hakuna mutu mwa Bibele ya kile a kolobezwa ka nzila yeo? Kana Kanya ya Shekina ikona cwani ku Mu tibela fela kuba mu apositola, kanti mane Yena wa swana maabani, kacenu, ni kuyakuile? Mwabona?

³²⁹ Kanya ya Shekina ya Mu bonahalisa. Itisa hamoho cwalo ni Linzwi la sepiso, handende ku mina. Leo kona libaka la Na i patezi sifateho sa Mushe, kakuli ku yena neku nani Linzwi. Na patile Jesu, kakuba Muuna yomunyinyani ya ikokobelize, kuli basike ba bona Jehova. Mi Uipatile Iliyena kacenu, mwa libyana za mubu, ni Shekina. Za kwande libonahala inge mupikuluhi ya kenile, matalo a kale, kono za mwahali li pata Kanya ya Shekina.

Mi I buzwisa Sinkwa se si sika umelwa so lusweli ku ca, ni ku zamaya mwahala naha bakeñisa sona, limaili ze mianda anda, mwabona. Ki Lico za mulumeli. Fela ki sa mulumeli. Muhupule, Sinkwa se si sika umelwa neli sa mulumeli fela, mwabona, Peu ya Sinkwa se si sika umelwa. Mulemuhe. Si eza sikamañi? Kanya ya Shekina yani, neili fahalimwa Sinkwa se si sika umelwa, kuli Si sike sa shasha.

³³⁰ Muhupule, maana ana zwile kwa Lihalimu, ne i bulukiwa mwa Kanya ya Shekina, kuzwa mwa lusika lo kuya ku loluñwi. Kwande, ina ni masila a mawiliwili ku yona, busihu kaufela, ne i shashanga. Kana ki niti yeo? [Kopano ili, “Amen.”—Mu.]

³³¹ Kwanda Kanya ya Shekina yani, “Mazazi a limakazo a felile. Mwabona, kaufela zona ki za kufitelela tumelo.” Kono mwahali . . .

³³² Mutualime, bana ni peu ya sani fulawa mwa sis hete sa mwa Egepita yene beilwe mwani mwa mazazi a Josefa, lilimo ze fo sauzañde, bukaufi cwalo, kwa mulaho. Josefa na li beile mwa sis hete. Ne ba li cezi. Ne li pilile. Kiñi? Nelina ni bupilo.

³³³ Kanya ye sa Shekina ki sikamañi kacenu? Ki ku punya mwa lisuba, kubona kuli Mulimu Yo u yemi fapila mina, kubona kuli Mulimu Yo uyemi fapila luna, si—si Siita sa Mulilo. U patilwe mwa mubili wa nama. Kono Shekina ieza sikamañi, ne i ezize

sikamañi? Peu ya Sinkwa se si sika umelwa, Linzwi leluna ni kupila ku lona mwa lizazi le, ka lisepiso ze, Kanya ya Shekina i buzwisa Sinkwa se si sika umelwa, ku Si tisa kuli si ezahale, ku Si eza Sinkwa ku mulumeli; yana banga mwa makepe a Bibele, mwaha ni mwaha, Linzwi la lusika lo.

³³⁴ Kwa likopano, Ki sitataliso. Kwa likopano, ba sitatala ku Sona. Kutaha mwahala lilimo cwalo, Luther, Wesley, Martin Luther, ni bao kaufela, bo Sankey, Finney, John Smith, Knox, kaufela bona neba sitatalile ku Sona.

³³⁵ Kono ki sikamañi se si lukela ku ezahala mwa mazazi a maungulo? Ki nto mañi “*kupatulula*”? “Ki kutisa fande!” Ki sikamañi sa lukela kueza Malaki 4? U ka to fetula sicaba kuzwa kwa sitataliso sani, ku to sinya lizo, ni ku patulula Sinkwa ka Kanya ya Shekina. Mu Si bone ha si buzwa ni kutisa ona cwalo Sene si bulezwi kuli kona ze Si eza, oh, mawi, Sinkwa se si sika umelwa mwa lusika lo. Kwa kopano, ki sitataliso, “ki sikkwata sa ba fitelezi ba tumelo.” Kono, luna baba lumela!

³³⁶ Kono cwale sina Sinulo 10 ha i sepisize, “Likunutu za Mulimu kaufela, ze patilwe mwa makepe kutaha cwalo mwahala lilimo zani, li ka buzwa, litahile mwa lusika lwa Liñusa la lingeloi la busupa.” Kana ku cwalo? [Kopano ili, “Amen.”—Mu.]

Ki sikamañi sa Na bulezzi, mwaha ni likweli ze silezi kwa mulaho, kutaha cwalo mwendi seli lilimo zepeli cwale? “Zamaya kwa Tucson; ube kwa mutulo wa Tucson, kupanca kokutuna,” ni se si ka ezahala, “Maswayo a ka kwaluha,” Maswayo a patulula lika ze. Ato ezahala fela ona cwalo mwa Na bulelezi.

Ki sikamañi seo? Si bonisa kuli ha Si koni kuna mutu. Sa nata hande, ona cwalo fela mo kukona kubela, ka nako kaufela. Ki sikamañi seo? Ki lizoho la Mulimu, mwabona, fapila luna. Mi kakuli li mwa kakwata ka kanyinyani, li patilwe mwa mubili wa butu, li patilwe kwa lifasi la kwande. U patilwe ku ba lifasi la kwande. U sweli ku i patulula Iliyena kwa limbututu ze kona ku ituta. Mwabona? Yeo ki niti.

³³⁷ Kaufela, mwabona, nguli kaufela mwa Bibele, mufuta kaufela wa Bibele, ubonahalile patalaza ku luna. Ili Mulimu ya swana, mwa Siita sa Mulilo, sene si ñozi Bibele, ili mwa Testamente ya Kale ni ye Nca, siteni ona fa si nze si Li bonahalisa, ku bonisa ona cwalo luli mo ne liinezi, kutoloka ka swanelo, ni kueza ka kuluka luli kuli toloko.

³³⁸ “Luna ni toloko!” Cwale halu si boneñi ha si ezahala. Mwabona, kona cwalo, ha lu li boneñi ha li iponahaza.

³³⁹ Kubonahalisa! Jesu naize, “Haiba ha Ni ezi misebezi Ya Ndante, mu sike mwa Ni lumela.” Mwabona, lina ni ku pakiwa.

³⁴⁰ Kono cwale—cwale, ne li si ka pakiwa ki Jesu, neba beile li—li lisila fa toho ya Hae ni ku Mu nata kwa toho, ali, “Haiba U Mupolofita, lu bulelele ya Ku natile.” “Mi haiba Uli ki wena

Mwana Mulimu, fetula lika ze kuba sinkwa.” Mwabona, yani ki diabolosi. “Haiba ki Wena Mwana Mulimu, tuluka fo fa sifap- . . .”

³⁴¹ Ni talusa, Sinulo kuli U lukela kueza cwalo, kona Mo kuinezi. Kono cwale, sina Sinulo 10 mo i patululezi, likunutu za Mulimu mo li bonahalezi, ku zibahala, sina Buka ya Maswayo Asupa mwa sepiselizwe.

Cwale mubeye tumelo ya mina ku Yena Yali yena Linzwi . . . Kakuli, mwa Sinulo 10 ya bulela cwalo . . .

³⁴² Kamba, Sinulo 19, nitaluse. Ni iñoz fa, Sinulo 10, kuli niye ku yona; kono ha ki 10, ki 19. Mi Ha taha, Uka biziwa, “Ki Linzwi la Mulimu,” inza pahami fa pelesa yesweu, mi ba lateleli ba Lihalimu ba kaba mwa mulaho wa Hae.

³⁴³ Mupazule lisila la kopano ya lituto! Kupazula lisila la sizo! Kupazula masila ana Mu patile ku mina! Kupazula masila ani a muikuhumuso, mina basali. Mu—mu bana ba basizana ba Mulena; kueza ona cwalo, ona cwalo. Kupazula lisila kaufela, hakuna taba kamba Ph.D. ni LL.D. se ibulela. Haiba kwa shutana ni Bibebe yani, mupazule lisila lani!

Kakuli, lu silile lisila le li tibile. Lu kwa neku leliñwi cwale, kwa neku leliñwi. Mi mu ka bona, haiba mukona fela kueza cwalo, mupazule lizo za kale zani ni lika zeñwi, mi mutahe ku Yena, mu ka Mubona inza yemi, ki Mukomi Yamata, Linzwi la sepiro la lusika lo, ya i ponahalize. Muka bona Mulimu Yamata ya iponahaza, lwa Mubona mwahala luna mo, ya i ponahalize, ili Mulimu Yamata, ku sa komiwa ka sizo.

³⁴⁴ Neba lika ku Mu pata kwa mulaho kwani; neba ezize cwalo, ka myaha, kono nako ya sepiro ya taha bukaufi. Mulimu na zusize Mushe ka nako yeñwi, mi a lukulula bana kwa lika ze. Mi Yena usali cwalo . . . Hakoni ku komiwa. “Lihalimu ni lifasi li ka fela, kono Manzwi a Ka hana kufela.” Ki ya swana maabani, kacenu, ni kuyakuile.

³⁴⁵ Ba bulela kuli, “Haku konahali.” Kono ne ku ezahalile. Mi, hane ku ezizwe cwalo, ba bulela kuli, “Ki za diabolosi.”

³⁴⁶ Kono sani ha si cinci Linzwi la Mulimu, ni hanyinyani. U sa siyala ali “Mulimu,” ku mulumeli, “Mukomi Yamata; ya swana maabani, kacenu, ni kuyakuile,” ka sibupeho sa Hae, ka Linzwi la Hae, Maheberu 13:8.

³⁴⁷ Na kwala, ka kubulela cwana, kakuli seli mizuzu ye ketalizoho kuli i kwane twelufu, ka kubulela cwana. Nina ni ze lishumi, mapampili a twelufu cwalo. Ni ka li talima ka nako yeñwi, mwendi busihu boo.

³⁴⁸ Mulemuhe, mulemuhe se. Neku nani muleko o cipile ka nako yeñwi, mi neba nani kueza buhata. Mu li utwile linako zeñata. Neli violin ya kale; mi mulekisi ali, “Ki bumai ye mu Ni fa?” Mwendi hanikoni kubulela taba ye hande, kuya ka tekiso yateni.

Seli lilimo zeñata, ñata, kono litile mwa munahano waka. Mi ba nanula tekiso ya kale yeo, ne isa bonahali hande; ku bonahala bumaswe, lika kaufela. Mane na palezwi kuba ni sa kubulela fateni. Mafelelezo, Ni sepa kuli na bile ni pulelo ya kuli ki dollar iliñwi, kamba nto ye cwalo.

³⁴⁹ Mi ne kuna ni yana yemi kwani yana sa sepi kuli neika lekiswa cwalo, kacwalo a yo i nanula. A iswala mwa mazoho a hae, mi ananula siliziso ni ku pukuta maluli kwateren, mi a liza munembo. Mi ha na ezize cwalo, mutu kaufela akala kulila. Neba si ka utwa kale munembo o cwalo mwa bupilo bwa bona.

Mi kipeto mulekisi ali, “Muka Ni fa bukaufi?”

³⁵⁰ “Likiti zepeli!” “Likiti ze ketalizoho!” “Likiti ze lishumi!” Mwabona? Neli sikamañi sani? Lizoho la muñi ne li patuluzi sene si patilwe mwa sibyana sa lipina sa kale sani.

³⁵¹ Kinto ye swana ni cwale! Buka ya kale, I pazauhile, I sehilwe ki sicaba, kucisiwa, i keshebisizwe. Kono nako itile ha se kubile muleko o cipile wa kopano, ili Katengo ka Likeleke za Lifasi. Ba I lekisa kusina ku tokomela buima bwa yona. Kuna ni muleko ocipile wa kopano o taha.

³⁵² Kono, mwa hupula, kuna ni sesiñwi mwa Buka ya kale sene si sepisize kuli ku kaba baba lelilwe kale, lizoho lene li lukisizwe la taha zazi leliñwi, lene ka Li nanula ni kueza Linzwi la Buka ye, kukena mwa pilu ye lelilwe kale, kuya kwa musebezi o I lukiselizwe, ku patulula lisepiso ze I sepiselizwe. Ne ku ka bonahala, oh, inge sikuwata sa ba pikuluhi ba bakenile ba kale, kamba nto yeñwi fela; kono si lwala fela lizoho la Muluti yena muñi, Linzwi ku Lona, ku to patulula Linzwi lani, mi kipeto li fitelela kuba mupikuluhi wa kenile. Se kubile cwalo ku mañi ni mañi wa luna, nji cwani, balikani? Ha ki sikuwata sa bafitelezi ba tumelo. Ku itngile fela kuli siliziso si mwa lizoho la Mañi.

Halu lapeleni.

³⁵³ Ndata luna ya kwa Lihalimu, ka tumelo, lona la kacenu, Ni bona Muluti yena muña Buka ya kale, kuli ba zwakanisa ka lizo. Ne ba Li zwakanisize ka likopano. Ba likile ku Li lekisa. Cwale basweli ku Li lekisa ku-ku muuna wa Katengo ka Lifasi, ka likeleke, swalisan, ku kakanya. Tekiso ye cipile ikalile, Mulena.

³⁵⁴ Mulimu, aku tahe! Luli, Uka eza cwalo. Lu lumele mupolofita yo, Mulena, ya ka nopa siliziso sani, ya ka nanula Linzwi le ni ku paka kuli Jesu Kreste ki ya swana maabani, kacenu, ni kuyakuile. Babañata, Mulena, baka lekisa bupilo bwa bona, ba ka nepela kwahule lizo za kale, baka puma masila. Ba Li lata, Mulena. Ba kafa sika kaufela, sika kaufela, bafe fela Jesu.

³⁵⁵ Mulena, Ni sepa U Li pakile ku bona cwale. Ba zwa kai ni kai. Ba i kataza mwa bupilo bwa bona. Ba eza lika kaufela, balika kutaha mwa mikopano, ba to ezanga kaufela ze bakona,

kakuli ba fumani Sika sa butokwa sa teko yetuna. Liki zeñwi ki zenyinyani hahulu. Ba fuyole, Ndate.

³⁵⁶ Ona fa katala fa, kakusasana cwana, Mulena, ku beilwe litaulo. Mwendi babañwi ba bona bana ni kuya kacenu, sebelezo ya foliso i sikaba teni kale busihu boo. O Mulimu wa Kuyakuile, talima fafasi. Ni ziba kuba Uteni mo, U patilwe. Mi Ni luma tusila totunyinyani to, Mulena, totu bizwa “tutaulo,” ni “twapalo” totunyinyani, ni “tukatulo” totunyinyani twa limbututu zenyinyani. Mi Ni tu luma kakuba tumpo totunyinyani, kuli Linzwi la Hao li kutalizwe kakusasana cwana, mi, kakuba mulumeli, Ni beya mazoho aka ku tona, mibili wa ka, ili poniso ya kuli Na Li lumela. Mi, ka tumelo, mutu ni mutu mwa muyaho wo u eza ze swana, Mulena. Mi bakuli ba foliswe.

³⁵⁷ Wakona ku beya li—li Linzwi kuzwa fa, Mulena, sina mulizi wa violin wa kale mwakile a ezeza kwa violin, eza kube cwalo, Mulena. Eza kuli ilile mulumo o swanelia, siliziso si mwa lizoho la Sikwala, mi luka Mu bona inza yemi fatalaza ka kutala.

³⁵⁸ Batu bani mone ba nahanezi zazi lani, hane basina sa kufa, hane basina sa kufa kwa violin ya kale. Neba sa ilati. Neba sa koni kuba ni yona mwa mandu a bona. Kono cwale hane itilo swalika ki yana kona kuibolosola hande ka bukwala, ki ha ba lekisa lika kaufela zene ba nani, kuli baileke. Neba kalile ku tundana ni kuilwanela. Nako ne se ifelile kale.

³⁵⁹ Kona mo ku kabela nako yeñwi fo Tolombita ya Mulena haita lila, nako haisana kuba teni. Bene ba talimwa ni ku sehiwa, bene ba yemi fapila lisila le li kwaluhile mi ba bona Linzwi la Mulimu ha li iponahaza (*babañwi* baka huwele ka Lona, kono, sina ha No bulezi wali, “Nako ikabe ifelile”), neba keni mwa Mulalelo wa Sinawenga; mi *neba* siilwe fande fo kuna ni kulila, kubokolola, ni kukweca meeno.

³⁶⁰ Tusa mutu kaufela kuli a lumele, kakusasana cwana, Ndate; punya mwa lisila kaufela la buitati, lisila kaufela la ku sa lumela, mi lubone Mukomi Yamata ya patuluhile fapila balumeli. Kakuli, “Amubone, Ni inzi ni mina kamita, mane kuisa kwa mafelelezo a lifasi. Fa nako nyana lifasi halina ku Ni bona, kono mina mu ka Ni bona.” Iponahaze Ili wena mwahala luna, Mulena, sina Mo u evezanga. Siyala cwalo kamita kufitela lu bonahala fapila Hao, kakuli *en morphe* ha i cincizwe mi kipeto Uba hape Mwana mutu, ni Mwana Davida. Lumeleza cwalo, Mulena, kuya ka Libizo la Jesu Kreste.

Halunze lu inamisize litoho za luna, kaufela lube mwa litapelo.

³⁶¹ Hani zibi kacenu haiba kuna ni babañwi mo bao...mwahali kamba fande. Hakuna mukwa wa kuba ni pizo ya kwa katala kwanu, kakuli hakuna sibaka. Kono Ha ni zibi, luli, kikuli mwa lumela kuli ye ki Niti? Kana mwa lumela kuli mwa lizazi le

lupila ku lona le, ni butata bo kaufela ni lusika lwa sayansi sina mone kuinezi mwa mazazi a Nuwe, mwa mazazi a Mushe, mazazi a Kreste, kuli Mulimu, yena Ndate yomutuna wa luna kaufela baba pepilwe ku Yena, uyemi mwahala luna kacenu?

³⁶² Ona Siita sa Mulilo se si bonahala se si pakilwe ka sayansi, lilimo zeñata ka foo, hane ni sali mushimani fela, ne si bulezi ku na ni ku ni bulelela kuli Ne ni ka pila ona kwanu, ni sene si ka ezañala. Na mi bulelela za teni, mi kipeto Sona... Zazi leliñwi kwa nuka, mane bulumiwa bu si ka kalisa kale, ancafazo yapili, Na bonahalile mwa mbyumbyulu, aitibaza Iliyena mi anifa musebezi. Lilimo ze kaufela Ni si patile mwa pilu ya ka, ni patile Kreste, sona Siita sa Mulilo se si swana se si toloka Linzwi, ka mo li sepiselizwe. Lu mwa lizazi la maungulo, ili Kutaha fela kwa Mulena. Mi haiba muka ipumana kuli mu kwande a lisila lani, kanti mane kuina kwande ki lifu, shangwe kikuli ka tumelo, kakusasana cwana, mukali, "Ka tuso ya Mulimu. Ni ka tuso ya Hao, Mulena, Ni bata kupunya lisila lani kwa buse. Ni bata kukena ni be ko Uinzi, kuli nibone Linzwi la Mulimu ka kutala"?

³⁶³ Usike wa lika kuba wena Mushe. Usike wa lika kuba Aruni. Usike. Ube fela yo uli yena, kono ube Mukreste.

³⁶⁴ Kana mwa tabela, hamunze mu inamisize litoho za mina, mu nanulela mazoho a mina ku Mulimu, mi muli, "Mulena Mulimu, ni tuse mwahala lisila"? Mulimu ami fuyole. Mulimu ami fuyole. Kifo, mutualime fela mazoho ao!

³⁶⁵ Fande, muhupule, Hanikoni kubona lizoho la mina. Ha ki—ha ki swanelo kuli ni li bone, ni hakuli cwalo; ki swanelo, ku Mulimu. Fela kikuli, ku na, si ni eza fela kuli ni bone—ni bone kuli Peu kuna ni foiwezi, mi, kono Mulimu ki yena ya bona pilu ya niti.

³⁶⁶ Haiba kuna ni babañwi bene ba si ka yemisa mazoho a bona, mi ba bata ku yemisa cwale, mu nanule mazoho a mina ni ku hupulwa mwa tapelo. Amu nanule mazoho a mina. Mulimu ami fuyole. Ki hande cwalo. Mulimu ami fuyole.

³⁶⁷ Ndate, lu lapela kacenu kuli ba, Mulena, baba si ka fita kale mwa lisila lani. Ba yemi kwande kwani sina Isilaele; ba talimezi. Ba lumela, kono haba si ka kena kale ku Se, kuli ba bone Liseli tuna lani la Shekina, ibe mwa moyo kamba mwa nama, kuli mane liito la lisipi za kamera lisweli kunga siswaniso; ki lisunda zepeli fela kwa mulaho, li Si swanisize hape. U sweli ku i patulula ili Wena, Mulena, Mulimu Yamata ya patuluhibile ku mulumeli; u sa patilwe ku ya sa lumeli, kono u patuluhibile ku mulumeli.

Ha ba punyeleze, kacenu, Mulena, ba bone butuna bwa Hae bo buñata ni Kanya. Mi lipilu za bona li cinciwe mane lu si ka kutela kale mwa keleke mo busihu boo. Mi kaufela bona ba tale fela Moya wa Hao, Pata ya Hao. Mi Muluti anope tumelo yani

ye ba nani, aicimbeke mwa Linzwi; mi mulumo utahe wakuli, “Wena u ketile, mutomo wa lifasi u si ka bateni kale, kuli lu lumele Se. Lumela, mwana Ka, mi u puluswe.”

³⁶⁸ Ndate, Mulimu, lu ba beya mwa mazoho a Hao cwale, ka kulemuha kuli hakusana hape se lukona kueza. Kaufela ki za Hao cwale, Ndate. Ni fa ba ku Wena. Ka Libizo la Jesu Kreste, Mwana Hao. Amen.

Na Mu lata, Na . . .
 Kakuli . . . u ni latile pili
 Ni kuleka puluso yaka
 Ka kota ya Kalvari.

³⁶⁹ Kana mwa Mu lata? [Kopano ili, “Amen.”—Mu.]

Yomunde, yomunde, Jesu ki waka,
 Ki Muelezi, Mulena wa Kozo, Mulimu Yamata
 ki Yena;
 Wa ni pulusa, u ni buluka kwa sibi ni maswabi,
 Yomunde Muliululi wa ka, ku lumbwe Libizo
 la Hae!

Ne ni latehile, cwale Ni fumanwi, ni lukuluhile
 kwa katulo,
 Jesu ufa tukuluho ni puluso yetezi;
 Wa ni pulusa, u ni buluka kwa sibi ni maswabi,
 Yomunde Muliululi wa ka, ku lumbwe Libizo
 la Hae!

Oh, yomunde, yomunde, Jesu ki waka,
 Ki Muelezi, Mulena wa Kozo, Mulimu Yamata
 ki Yena;
 Oh, wa ni pulusa, uni buluka kwa sibi ni
 maswabi,
 Yomunde Muliululi wa ka, ku lumbwe Libizo
 la Hae!

³⁷⁰ Ki babakai baba Mu bona inza yemi, yena Mukomi Yamata, yena Linzwi leli ezizwe nama, leli i patuluzi fapila luna; yena Alfa, yena Omega; Yena Ya naliteni, Ya Liteni, mi ki Ya Taha; ki Mubisi ni Mwana wa Davida; nali yena Mwana mutu, Mwana Mulimu, Mwana mutu, mi ukaba ya Simuluha Davida? Mwa lumela Cwalo ka lipilu za mina kaufela? [Kopano ili, “Amen.”—Mu.] Inza i patulula Iliyena mwa lusika ni lusika, u tiswa ku mulumeli, inza ipatile Iliyena mwa nama ya mutu ku ya sa lumeli. U ipatile kwa mulaho wa lisila. Mi cwale Mulimu apumake lisila kaufela, mi lu Mu bone ka Mwa inezi!

Jesu upuma litamo kaufela,
 Jesu upuma litamo kaufela,
 Oh, Jesu upuma litamo kaufela,
 Mi Wa ku lukulula!

Kwa buse bwa Jordani,
 Mwa masimu amande a Edeni
 Ko Kota ya Bupilo itubuzi,
 Kuna ni pumulo ya ka.

Jesu upuma . . .

Kana hamulati kusila Jordani cwale? Kana ha ku sika likana
 kuina mwa lihalaupa? Haluyeni mwa lisepiso!

Jesu upuma litamo kaufela,
 Jesu upuma litamo kaufela,
 Oh, mi Wa ku lukulula!

³⁷¹ Halu nanuleñi mazoho a luna cwale.

Ni kana, ni Mu lumba kamita,
 Ni kana, ni Mu lumba kamita,
 Ni kana, ni Mu lumba kamita,
 Kakuli U ni lukuluzi!

³⁷² Amen! Kana zeo ha li mi utwisi bunde? [Kopano ili,
 "Amen."—Mu.] Oh, haki bunde ni boo! Haki bunde ni boo,
 Ha yo cwalo, nji? Halu swalaneni mwa mazoho mañi ni mañi
 cwale, luli:

Jesu upuma . . . litamo kaufela,
 Jesu upuma litamo kaufela,
 Oh, Jesu upuma litamo kaufela, (Mulimu aku
 fuyole, muzwale.)
 Oh, mi Wa ku lukulula!

Ni kana, ni Mu lumba kamita, (yena Mulimu
 Yamata)
 Ni . . . ("Ya swana maabani, kacenu, ni
 kuyakuile," fela na cincize buino bwa
 Hae) . . . nika Mu lumba,
 Ni kana, ni Mu lumba kamita,
 Kakuli U (ngile lituto za litumelo kaufela)
 kuzwa kuna . . . (kuli ni lumele Linzwi la
 Hae).

³⁷³ Oh, kana ha mu utwi Violin ya Muñi ha i utwahala, siliziso
 sa yona fa Linzwi le? Kakuli wa swana maabani, kacenu!

Ni kana, ni Mu lumba kamita,
 Ni kana, ni Mu lumba kamita,
 Ni . . . (Yena, Linzwi!) . . . kamita, kamita ni
 kana ni Mu lumba, (Ki sikamañi sa Na ezize?)
 Kakuli U ni (kwa mulaho wa lisila) lukuluzi!

³⁷⁴ Milumbeko ibe ku Mulimu! Na Mu lata. Kana hamu Mu
 lati nji? [Kopano ili, "Amen."—Mu.] Hanili ze ki za Lihalimu?
 ["Amen."] Na tabela mihupulo yeo ya Linzwi, mwabona, ki Moya
 o Kenile fela mwa munati o cwalo, ka mukwa o ikokobelize. Na—
 Na lata Cwalo. Oh, munahane fela!

Kwa buse bwa Jordani, (Se ni sutelezi kwani
cwale)
Mwa bunde... (kokusafeli) kwa Edeni,... (Ki
sikamañi se Ni ka fumana kafani?)
Ko Kota ye... (neli mwa simu ya Edeni)
itubuzi,
Kuna ni pumulo yaka.

³⁷⁵ Mu bata kuya? Wa loba litamo kaufela.

Jesu upuma litamo (sizo kaufela) litamo
kaufela,
Jesu upuma litamo kaufela (likopano kaufela,
lituto za litumelo kaufela),
...upuma litamo kaufela,
Mi Wa ni lukulula!

³⁷⁶ Milumbeko ibe ku Mulimu! Na Mu lata fela. Ki kabakaleo
Isaya naize, “Ki yena Muelezi, ki Mulena wa Kozo, ki Mulimu ya
Mata, ki Ndate wa Kamita, Yomunde!”

Yomunde, yomunde, Jesu ki waka,
Muelezi, Mulena wa Kozo, ki Yena Mulimu ya
Mata;
Oh, wa ni pilisa, u ni buluka kwa sibi ni
maswabi,
Yomunde, Muliululi waka, ku lumbwe Libizo
la Hae!

³⁷⁷ Oh, mawi! Sani sa sabisa pilu yaka. Ka Mwa bezi yomunde!
Na mi bulelala, hakuna mafelelezo ku Se. Ki, Ne ni tile ku Se seli
myaha ye mashumi amalalu ka zetalu kwa mulaho, inge ni utwa
ka mukwa o cwana. Mi haiba A liyeha, zazi leliñwi Ni ka kwala
meto aka, Ni ka ya ka nzila yeswana. Amen!

Yomunde, yomunde, Jesu ki waka,
Ki Muelezi, Mulena wa Kozo, ki Yena Mulimu
ya Mata;
Wa ni pilisa, U ni buluka kwa sibi ni maswabi,
Yomunde, Muliululi waka, ku lumbwe Libizo
la Hae!

³⁷⁸ Neni ka ina mo musihali kaufela, ku Sani. Paulusi naize,
“Haiba Ni opela, Ni ka opela mwa Moya.” Uh-huh. “Haiba Ni
kutaza, Ni ka kutaza mwa Moya. Haiba Ni zamaya, Ni ka zamaya
mwa Moya. Haiba Ni bulela, Ni ka bulela mwa Moya.” Likia
kaufela li ezwe ka Linzwi ni ka Moya. Eeni, sha. Amen! Ki Niti
ya Mulimu kaufela.

³⁷⁹ Ni Mu boni, yena Mulimu Yamata, ya patuluhiile. Ni Mu boni
ha zusa lituto za litumelo, ni likopano; ku zusa kwatene ba—ba
bahanyezi, litukiso za lituto, ni lika zeñwi kaufela; muye kwapili,
muyeme fani. Mu nahana kuli lituto za litumelo za kona ku Mu
kona nji? Mu nahana kuli likopano za kona ku Mu kona nji? Mu
nahana kuli Katengo ka Lifasi ka kona ku Mu koma? Na komile

lika kaufela, a loba mawenge kaufela, a kwalula lihele kuatama; atibulula liswayo, akena mwa sibaka se si kenile Kufitisisa; aipatulula Iliyena ku luna, kakuba yena Linzwi, ki ya swana maabani, kacenu, ni kuyakuile. Amen. Na Mu lata.

³⁸⁰ Cwale, kufitela lu kopana musihali wo, lu bata kueza nto iliñwi, nto ki kuli:

Unge Libizo la Jesu ko uya,
Mwana wa manyando ni bumai;
Li ka kufa tabo ni nyakalalo,
Oh, u Lingé kaufela ko uya.

Libizo Lelinde, O haki munati!
Sepo ya lifasi ni tabo ya Lihalimu;
Libizo Lelinde... (Eehe, Nina ni zona,
kale)... O haki munati!
Sepo ya lifasi ni... (....?)

³⁸¹ Haiba Satani utaha ku to mi lika, kuli ha mu talimi fa nto ye swanelia, ku mu supeza kwa Linzwi sina Jesu mwa na ezelize. Mwabona? Mwabona? Amen!

Ka Libizo la Jesu lwa kubama,
Luwa ka mañwele kwa mautu a Hae,
Mulena wa malena mwa Lihalimu luka Mu
apesa mushukwe,
Fo musipili wa luna u mano fela.

Libizo Lelinde, Libizo lelinde!
Sepo ya lifasi ni tabo ya Lihalimu;
Libizo Lelinde, O kwa munati!
Sepo ya lifasi ni tabo ya Lihalimu.

³⁸² Billy ukaba mwahali, ka sikisi kiloko, u kafa makadi a litapelo ku baba bata kutaha mwa mukoloko wa tapelo. Ni sepa lu lukela kueza cwalo. Nelu sike lwa eza cwalo, kono, kakuba nyangela, ki hande lu eze cwalo, mwa bona.

³⁸³ Cwale mu Mu hupule! Kamita mu Mubeye mwa minahano ya mina, mwa pilu ya mina. Kaufela ko muya, mwabona, mubeya Jesu mwa munahano wa mina.

Unge Libizo la Jesu ko uya (cwale muteeleze)
wena,
Kuba tebe kwa sila kaufela; (ki sikamañi se si
ezahala?)
Mi miliko ha i kubeya mwahali, (ki sikamañi
so lukela kueza?)
Kipeto ubulele fela Libizo leli kenile leo mwa
tapelo.

Libizo Lelinde, Libizo lelinde, O haki bunde!
Sepo ya lifasi ni tabo ya Lihalimu;
Libizo Lelinde, O kwa munati!
Sepo ya lifasi ni tabo ya Lihalimu.

³⁸⁴ Halu inamiseni litoho zaluna cwale. Ni ka kupa mulisana kuli atahem a lukulule sicaba. Muzwale Neville, Mulimu ami fuyole, Muzwale Neville.



KUPATULULWA KWA MULIMU LOZ64-0614M
(The Unveiling Of God)

Liñusa le ka Muzwale William Marrion Branham ne li kutilizwe lwa pili mwa Sikuwa la Sunda kakusasana, Mbuwana 14, 1964, ili fa Branham Tabernacle mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi ne i hatisizwe ni kuhasanyiwa ki ba Voice Of God Recordings.

LOZI

©2018 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org